

**Krais Akar Mogomem Isa
Azenim Gati
O
Akar Mogomem
Akar faragha zuim**

Gumaziba Kraisin adarazigh asighasizir dughiamin, Jon akinafarir kam osiri. Kraisin adarazi kamaghin migia ghaze, Krais Iesus a men Ekiam, egha me nighnizir gavgavimin an iti. Kraisin adarazir nighnizir gavgaviba gavgavigh, egh osimtizir ekiaba ateghti, da me abinan koghasa, kamaghin Jon akinafarir kam osiri.

Akinafarir kam a gin otivamin bizibar akar isin zuir aviriba iti. Ezi Kraisin gumazamizir dughiar kam in itiba, me ti akar isin zuir kabagh fo. Ezi gumazamizir nighnizir gavgaviba puvatiziba dagh fozir puvati.

Akar isin zuir kabar mingarim, a kamakin. Krais Iesus en Ekiam, eghti an dafarimin God apaniba bar da dikabiragham. Egh a uaghan Satan dikabiragham. Egh dughiar Iesus uan ingangarim agivamimin, gumazamizir gavgavigha ikia uan nighnizir gavgaviba ataghizir puvatiziba, God ivezir aghuim me daningam. God biziba bar dar ingarightima da igiabar otivigham, eghti me God ko ikiva egh uam osimtiziba puvatigham.

**Krais Iesus, nguibar 7plan aven
itir siosba bagha akaba amada**

(Sapta 1--3)

¹ Akar kam faragha modogha iti, ezi datirighin Kraiſ Ieſuſ a iſa azenim gati. God uan ingangarir gumazamiziba bizir zuamiram otivamiba men akaghaſa, egha kamaghin akar kam Ieſuſin aka. Ezi Ieſuſ uan enſelin mam amadaſima, ki Jon, an ingangarir gumazim, an akam na daningasa ize, eghti ki Ieſuſin ingangarir gumazamizir igharazibav kimam. ² Ezi ki Jon, ki bizir kaba bar dar ganigha gifa. Godin akam, a Kraiſ Ieſuſin gun miſgeir akam, ki aneghurigha an gun miſgei, egha ki ghaze, akar kam a guizbangira.

³ Akar kam a Godin akam, a Godin ize. Ezi tina akar kam dipontima igharaz darazi a baraghti, a bar akongegh. Gumazamiziba akar kam baraghiva egh Godin akar ki osirizimin gin mangiva, me uaghan bar akongegh. Dughiam otivasava ami, eghti God damuasa mikemezir biziba a adar amuam. Kamaghin amizi, gumazamiziba akar kam dipon.

Jon nguibar 7plan aven itir ſioſba bagha akar kam osiri

⁴ Ki Jon, ia gumazamizir 7plan ſioſin Eſian Proviſin itiba, ki ia bagha akar kam osiri.

1:1: Dan 2:28-29; Jo 3:32, 12:49; MAA 1:19, 4:1, 22:6, 22:16 **1:1:** Daniel 2:28-29; Jon 12:49; Akar Mogomem 1:19; 4:1; 22:6; 22:16

1:2: 1 Ko 1:6, 1 Jo 1:1, MAA 6:9 **1:2:** 1 Korin 1:6; 1 Jon 1:1; Akar Mogomem 6:9 **1:3:** Lu 11:28, Je 5:8, 1 Pi 4:7, MAA 22:7, 22:10 **1:3:** Luk 11:28; Jems 5:8; 1 Pita 4:7; Akar Mogomem 22:7; 22:10 **1:4:** Kiſ 3:14-15, Sek 3:9, Jo 1:1, MAA 1:8, 3:1, 4:5, 4:8, 5:6, 11:17, 16:5 **1:4:** Ua Me Ini 3:14-15; Sekaraia 3:9; Jon 1:1; Akar Mogomem 1:8; 3:1; 4:5; 4:8; 5:6; 11:17; 16:5

Godin datirighin ikia, fomira ikia, egh gin uamategh izamim, Godin kamra navir amirizim ia daningiva, egh ian apangkuv. Eghti 7plan duar aghuir Godin ingangarim gamua an atrivir dabirabimin guamin itiba, da uaghan ian apangkuvigh navir amirizim ia daning. ⁵ Krai Iesus, a gumazir Godin akaba guizbangira dav geim. Egha a gumazir bar uabira faragha ovevem in ua dikavizim. Egha a nguazimin atriviba bar men ekiam. A uaghan ian apangkuv egh navir amirizim ia daning.

A bar e gifonge, egha a uabi uan ghuzimin en arazir kuraba agivazi e firiaghire. ⁶ An e gamizima, e atrivimin ofa gamir gumazamizibar otozima, God e gativazi e Godin ingangarim gami, God Iesusin afeziam. Zurazurara Krai ziar ekiam ikiva egh biziba bar dar ganamin gavgavim iki. Bar guizbangira.

⁷ Ia gan, a ghuariabar tongin izaghirasava ami, eghti gumazamiziba bar uari uan damazibar an ganam.
Gumazir a giniviziba,
me bar uaghan an ganam.

1:5: Sng 89:27, Ais 55:4, Jo 15:9, 18:37, Ef 1:20, Kl 1:18, 1 Ti 6:13, Hi 9:14, 1 Jo 1:7, 4:10, MAA 3:14, 17:14 **1:5:** Onger Akaba 89:27; Aisaia 55:4; Jon 15:9; 18:37; Efesus 1:20; Kolosi 1:18; 1 Timoti 6:13; Hibru 9:14; 1 Jon 1:7; 4:10; Akar Mogomem 3:14; 17:14 **1:6:** Kis 19:6, 1 Ti 6:16, Hi 13:21, 1 Pi 2:5, 2:9, MAA 5:10, 20:6 **1:6:** Ua Me Ini 19:6; 1 Timoti 6:16; Hibru 13:21; 1 Pita 2:5; 2:9; Akar Mogomem 5:10; 20:6 **1:7:** Dan 7:13, Sek 12:10, Mt 24:30, Mk 13:26, Lu 21:27, Jo 19:34, 19:37, Ap 1:11, 1 Te 4:17 **1:7:** Daniel 7:13; Sekaraia 12:10; Matyu 24:30; Mak 13:26; Luk 21:27; Jon 19:34; 19:37; Aposel 1:11; 1 Tesalonika 4:17

Eghti nguazir kamın kantriba bar,
 dar gumazamiziba a ginighnigh
 azi naviba bar me basemegham.
 Are, bizir kam otivam.
 Guizbangira.

⁸ Ekiam, a Godin Gavgaviba Bar Itim, a kamaghin migei, “Kirara ki faraghavira ikia, egh abuan ikivira ikiam.” Kar Godin kamnangra, a datirighin ikia, fomira ikia, egh gin uamategh izam.

Jon Kraisin gani

⁹ Ki Jon, ki ian aveghbuar mam. Ki ia ko, e Kraisin adarasi. Ki ia ko poro, egha mizaziba isa, egha ia ko God Bizibagh Ativir Dughiamin aven ikia Godin apengan iti. Egha ia ko porogha osimtiziba atera tughav gavgafi. Ki Godin akam akura, egha Iesusin gun migeir akam, ki an eghurigha an gun migia ghaze, akar kam a guizbangira. Kamaghin amizi, me na batuegha na isa Patmosin Arighatizimin na ati.* ¹⁰ Ekiamin dughiamin, Godin Duam na gizivagha pamten nan ingari, ezi nan girakirangin ki tiarir mam barazi a sighamın min pamten dei. ¹¹ Tiarir

1:8: Kis 3:14, MAA 1:4, 1:17, 4:8, 11:17, 15:3, 21:6, 22:13 **1:8:** Ua Me Ini 3:14; Akar Mogomem 1:4; 1:17; 4:8; 11:17; 15:3; 21:6; 22:13

1:9: Fl 1:7, 2 Ti 1:8, 2:12, MAA 6:9 **1:9:** Filipai 1:7; 2 Timoti 1:8; 2:12; Akar Mogomem 6:9 * **1:9:** Dughiar gumazamiziba arazir kurar Romba aghuazibagh amima, me me isi kalabus darighasa. Egha dughiar mabar me me amadima, me arighatizibar ghua iti. Patmos a uaghan kalabuziabar arighatizir kabar mam. **1:10:** Jo 20:26, Ap 10:10, 2 Ko 12:2, MAA 4:1-2 **1:10:** Jon 20:26; Aposel 10:10; 2 Korin 12:2; Akar Mogomem 4:1-2

kam kamaghin miġei, “Bizir ni garir kaba bar, ni akinafarimin ada osirigh, egh 7plan siosba bagh da amangigh. Siosin Efesusin nguibamin itim, ko Smernan nguibamin itim, ko Pergamum ko Taiataira ko Sardis ko Filadelfia ko Laodisian nguibamin itiba.”

¹² Ezi ki gumazir na miġeim in ganasa ragha gari, golin lam in 7pla iti. ¹³ Ezi ki gumazir mam in garima, a lambar tong in tughav iti. A Gumazamizibar Otarim in min gari. A korotiar ruarim aruzima an an sueba avara, ezi a golin letiam uan evarim amighiri. ¹⁴ An dapanarizim bar ghurghurigha mati, sipsip in arizim in min gari, mati ghuariar ghurghurim. Ezi an damazimning mati avir mizariar gavgavim in pamtem isi. ¹⁵ An suemning mati bras, me avir ekiam in a tuazi, a isia dafozi moghin gari. Ezi ki an tiarim barazi, a mati dipar ekiam afora nidi. ¹⁶ A 7plan mikoveziba uan agharir guvim in dar suira. Ezi midorozir sabar mam ghuntizir pumuning ikia bar ghumi, an an akam in ikegha azenim in ize. Ezi an guam aruer angazangarir gavgavim in min pamten taghtasi.

1:12: Kis 25:37, Sek 4:2, MAA 1:20 **1:12:** Ua Me Ini 25:37; Sekaraia 4:2; Akar Mogomem 1:20 **1:13:** Ese 1:26, Dan 7:13, 10:5, MAA 15:6 **1:13:** Esekiel 1:26; Daniel 7:13; 10:5; Akar Mogomem 15:6 **1:14:** Dan 7:9, MAA 2:18, 14:2, 19:12 **1:14:** Daniel 7:9; Akar Mogomem 2:18; 14:2; 19:12 **1:14:** Daniel 10:6 **1:15:** Ese 1:24, 43:2, MAA 14:2 **1:15:** Esekiel 1:24; 43:2; Akar Mogomem 14:2 **1:16:** Ef 6:17, Hi 4:12, MAA 1:20, 2:1, 2:12, 2:16, 3:1, 19:15, 19:21 **1:16:** Efesus 6:17; Hibru 4:12; Akar Mogomem 1:20; 2:1; 2:12; 2:16; 3:1; 19:15; 19:21

17 Ki an ganigha an dagarimningin boroghin irigha, gumazir ovengezimın mın iti. Ezi a uan agharir guvim na gisin atigha, kamaghin migei, “Ni atiatingan marki. Ki gumazir faraghavira ikia, egh abuan ikivira ikiamim. 18 Egha ki gumazir angamira itim. Fomira ki areme. Datirighin ni gan, ki zurara angamira iki mamaghira ikiam. Ki Ovevemın ki, koma Gumazamizir Oveaghuez-ibar Nguibamın ki, ki aningın suiragha aningın ganamin gavgavim iti.

19 “Kamaghin amizi, ni bizir ganizir kabar akaba, ko bizir datirighin itiba ko bizir gin otivamiba osirigh. 20 Ni 7plan mikovezir nan agharir guvimın itiba ko 7plan golin lambar ganigha gifa. Da mati akar mogomem, ezi dar mingarim kamakin: 7plan mikoveziba, da siosin 7plan garir enselba. Ezi 7plan lamba, da uari siosin 7pla.”

2

Efesusin nguibar ekiamın itir siosin zuir akam

1 Egha gumazir kam ua kamaghin migei, “Ni Efesusin nguibar ekiamın itir siosin garir ensel bagh akataba osirigh. Akar kaba kamakin:

1:17: Ais 41:4, 44:6, 48:12, Ese 1:28, Dan 8:18, 10:10, MAA 2:8, 22:13
1:17: Aisaia 41:4; 44:6; 48:12; Esekiel 1:28; Daniel 8:18; 10:10; Akar Mogomem 2:8; 22:13 **1:18:** Sng 68:20, Ro 6:9, MAA 4:9, 5:14
1:18: Onger Akaba 68:20; Rom 6:9; Akar Mogomem 4:9 **1:19:** MAA 1:1, 1:11, 2:1, 4:1 **1:19:** Akar Mogomem 1:1; 1:11; 2:1; 4:1
1:20: Sek 4:2, Fl 2:15, MAA 1:12, 1:16, 2:1, 3:1 **1:20:** Sekaraia 4:2; Filipai 2:15; Akar Mogomem 1:12; 1:16; 2:1; 3:1 **2:1:** MAA 1:16, 1:20 **2:1:** Akar Mogomem 1:16; 1:20

“Ki uan agharir guvimin 7plan mikovezibar suigha, egha 7plan golin lambar tongin arui. Egha ki akar kam ni bagha anemadazi a izi.*

² Ia Kraisin adarasi, ian arazir ia amiba ki bar dagh fo. Egha ki fo, ia pamtem ingarigha, tuivigha gavgafi. Egha gumazamizir kurabar aghua. Gumazamizir kaba ia migia ghaze, ‘E uaghan aposelba.’ Puvati, me aposelba puvati. Ezi ia men migirigiba tuisigha givagha, men nighnizir ifavarim gifogha ghaze, me pura gumazamizir ifavariba. ³ Gumazamiziba ian garima, ia nan ziam bangin, me arazir kurabar ia gami. Ezi ki kamaghin ia gifo, ia tugha gavgavigha osimtizir kam aterava an aghuazir puvati.

⁴ “Ezi ki adarir akar ia gasir mabar ia mikimasa. Ia bar faraghavira nighnizir gavgavim nan ikia, egha ia bar na gifonge, ezi datirighin puvati. ⁵ Ia fomira arazir aghuibagh ami, egha datirighin ia arazir kam ategha ire. Kamaghin amizi, ia uam arazir ia faragha amizibagh nighnigh, uan navibagh iragh, egh arazir ia faragha amizibar amu. Ia kamaghin damuan koghti, ki ia bagh izi ian itir lam batuegham. ⁶ Ezi ian arazir aghuir mamra kara, ia Nikolasin adarazir arazibar aghua. Ki

* **2:1:** Akar kam a siosin ensel bagha zui, egha a siosin gumazamiziba amir araziba, me migei. **2:2:** 2 Ko 11:13, 2 Pi 2:1, 1 Jo 4:1, MAA 2:9, 2:13, 2:19, 3:1, 3:8, 3:15 **2:2:** 2 Korin 11:13; 2 Pita 2:1; 1 Jon 4:1; Akar Mogomem 2:9; 2:13; 2:19; 3:1; 3:8; 3:15 **2:3:** Ga 6:9, Hi 12:3-5 **2:3:** Galesia 6:9; Hibu 12:3-5 **2:5:** Mt 21:41-43, MAA 2:16, 2:22, 3:3, 3:19 **2:5:** Matyu 21:41-43; Akar Mogomem 2:16; 2:22; 3:3; 3:19 **2:6:** Sng 139:21 **2:6:** Onger Akaba 139:21

uakan, ki men araziba bar dar aghua.

⁷ “Tina kuarimning iti, an akar Godin Duam siosbav geiba baragh. Gumazamizir midorozim gamua apaniba abiriba, ki men amamangatighti, me ikirimir aghuim anidir tememin daghebar amam. Temer kam, Godin Nguibar Aghuarimin itir azenimin iti.”

Smernan nguibar ekiamin itir siosin zuir akam

⁸ Gumazir kam ua kamaghin migei, “Ni Smernan nguibar ekiamin itir siosin garir ensel bagh akataba osirigh. Akar kaba kamakin:

“Ki gumazir bar faraghavira ikia, egh abuan ikivira ikiamim. Ki fomiram areme, egha ua dikavigha datirighin ki angamira iti. Egha ki ni bagha akar kam amadazima a izi. ⁹ Ki osimtiziba ko mizazir ia bativiziba ko biziba bar puvatizir arazim gifo. Ezi puvati. Ia guizbangira bizir bar aviriba iti. Ki fo, gumazamizir maba girakirangin akar kurabar ia migia ghaze, me Judan adarasi. Ezi me Judan adarazi puvati. Me guizin Satanin adarasi.† ¹⁰ Ia kiran

2:7: Stt 2:9, Ese 28:13, 31:8, Mt 11:15, MAA 2:11, 2:17, 2:29, 3:6, 3:13, 3:22, 22:2, 22:14, 22:19 **2:7:** Jenesis 2:9; Esekiel 28:13;

31:8; Matyu 11:15; Akar Mogomem 2:11; 2:17; 2:29; 3:6; 3:13; 3:22; 22:2; 22:14; 22:19 **2:8:** Ais 44:6, 48:12, MAA 1:17, 22:13

2:8: Aisaia 44:6; 48:12; Akar Mogomem 1:17; 22:13 **2:9:** Ro 2:17, 2 Ko 11:14-15, 1 Ti 6:18, Je 2:5, MAA 3:9 **2:9:** Rom

2:17; 2 Korin 11:14-15; 1 Timoti 6:18; Jems 2:5; Akar Mogomem 3:9 † **2:9:** Smernan siosin gumazamiziba, me nguazir kam in biziba

bar oteveggha, onganarazibagh ami. Egha me Godin Duamin biziba, guizbangira bar izifa. **2:10:** Mt 10:22, 10:28, 24:13, 2 Ti 4:8, Je 1:12, MAA 3:11 **2:10:** Matyu 10:22; 10:28; 24:13; 2 Timoti 4:8;

Jems 1:12; Akar Mogomem 3:11

oveghangin mizazitaba iniam, eghti bizir kam ia damuti ia atiatingan marki. Ia uari bagh ganigh. God ian nighnizir gavgavim tuisigh egh foghasa, a gavgafi, o puvati. Kamaghin amizi, Satan ia damuti me ian tongin tarazi kalabus darigham. Eghti ia 10plan dughiabar osimtiziba ko mizaziba ateram. Egh ia nighnizir gavgavir Kraisin itimin suiragh gavgavigh mamaghira iki mangi, ia aremeghamin dughiamin otoghti, ki ikirimirir aghuimin ivezir aghuarimin min pura ia daningam.

¹¹ “Tina kuarimning iti, an akar Godin Duam siosbav geiba baragh. Gumazamizir midorozim gamua apaniba abiriba, ovever namba 2 me gasighasighan kogham. Bar puvati.”

Pergamumin nguibar ekiamin itir siosin zuir akam

¹² Gumazir kam kamaghin ua na migei, “Ni Pergamumin nguibar ekiamin itir siosin garir en-sel bagh akataba osirigh. Akar kaba kamakin:

“Ki midorozir sabar ghumtizir pumuning itimin suira, ezi a bar ghumi. Ki akar kam ni bagha anemadazi, a izi. ¹³ Ki nguibar ia itim bar deragha a gifo, Satanin atrivir dabirabim nguibar kamini. Ezi ia nan ziamin tugha gavgavigha, nighnizir gavgavim nan ikia egha ia nighnizir gavgavir kam modir puvati. Fomira gumazir mam Antipas, a gumazir nan akam

2:11: MAA 13:9, 20:14, 21:8 **2:11:** Akar Mogomem 13:9; 20:14; 21:8 **2:12:** Ais 49:2, MAA 1:16 **2:12:** Aisaia 49:2; Akar Mogomem 1:16 **2:13:** MAA 3:8 **2:13:** Akar Mogomem 3:8

akurim, egha ia ko ike. A guizbangira nan akamın ǵın zui, ezi me ian nguibar ekiar Satan itimın a misoghezi an areme. Dughiar kamın ia uaghan akirim ragha na gasarazir puvati.

¹⁴ “Ezi ki adarir akar ia gasir mabar ia mikimasa. Ian tongın gumazamizir maba iti, me Balamın suren akabar suiragha gavgavighavira iti. Fomira Balam kamaghın Balakın sure gami, eghti a tuavir kuramın Israelian akakagh me damuti, me arazir kuramın iregham. Ezi Balak Israelian niǵnizibagh amizima, me aseba bagha ofa gamir asiziba apa, egha tintinibar uari koma akuir arazim gami. ¹⁵ Kamaghira, ian tongın gumazamizir maba ikia, egha Nikolasın adarazir akabar ǵın zui. ¹⁶ Kamaghın amizi, ia uan navibagh iragh. Puvatightima, ki kiran oveghangın ia bagh izi, egh gumazamizir kaba uan akamın itir midorozir sabamın me misogham.

¹⁷ “Tina kuarimning iti, an akar Godın Duam siosbav geiba baragh. Gumazamizir midorozim gamua apaniba abiriba, ki vaghvagh manan dagher datirighın muegav ititaba me daningam. Egh ki dagiar ghurghuritaba me daningam. Egh

2:14: Nam 22-24, 25:1-3, 31:16, Lo 23:4, Ap 15:29, 1 Ko 6:13, 8:9, 2 Pi 2:15, Ju 11 **2:14:** Diboboniba 25:1-3; 31:16; Godın Araziba 23:4; Aposel 15:29; 1 Korin 6:13; 8:9; 2 Pita 2:15; Jut 1:11 **2:16:** Ais 11:4, 2 Te 2:8, MAA 1:16, 3:11, 19:15, 19:21, 22:7, 22:12, 22:20

2:16: Aisaia 11:4; 2 Tesalonika 2:8; Akar Mogomem 1:16; 3:11; 19:15; 19:21; 22:7; 22:12; 22:20 **2:17:** Kis 16:4, 16:14-15, 16:33-34, Ais 62:2, 65:15, Jo 6:48-50, MAA 2:7, 2:11, 3:12, 19:12 **2:17:** Ua Me Ini 16:4; 16:14-15; 16:33-34; Aisaia 62:2; 65:15; Jon 6:48-50; Akar Mogomem 2:7; 2:11; 3:12; 19:12

dagiar kabar ki men ziar igiaba osirigham, eghti gumazitam ziar kabagh foghan kogham. Gumazamizir dagiar kaba iniziba, merara dagh fogham.”‡

Taiatairan nguibar ekiamin itir siosin zuir akam

¹⁸ Gumazir kam kamaghin ua migei, “Ni Ta-iatairan nguibar ekiamin itir siosin garir ensel bagh akataba osirigh. Akar kaba kamakin:

“Ki Godin Otarim, ezi nan damazimning mati avir mizariar gavgavimin min pamten isi, ezi nan suemning mati bras me bar deravira a ruezi moghin isia angazangarim taghtasi. Ki akar kam ni bagha anemadazima a izi. ¹⁹ Arazir ia amiba, ki bar dagh fo. Ki fo, ia gumazamiziba bar me gifongegha, nighnizir gavgavim nan ikia, egha igharaz darazir akurvasi, egha osimtiziba ia bativima, ia tugha gavgafi. Ki fo, arazir ia faragha amiziba, da dera, ezi datirighin ian arazir kaba deragha ikia faragha zuir arazibagh afira.

²⁰ “Ezi ki adarir akar ia gasir mabar ia mikimasa. Ia amizir kam Jesebelin amaman-gatizi a ia ko iti. Amizir kam kamaghin migia ghaze, a Godin akam inigha izir amizim. Ezi bar puvati, a nan ingangarir gumazamizibagh ifara

‡ **2:17:** Manan daghem, Israelia gumazamiziba puvatizir danganimin aruima, God a isa me ganingi. Ni Ua Me Ini 16, ko Ighiam 78:24in gan. **2:18:** MAA 1:14-15 **2:18:** Akar Mogomem 1:14-15 **2:20:** 1 Kin 16:31, 2 Kin 9:7, Ap 15:20, 15:29, 1 Ko 10:19, MAA 2:14 **2:20:** 1 Atriviba 16:31; 2 Atriviba 9:7; Aposel 15:20; 15:29; 1 Korin 10:19; Akar Mogomem 2:14

egha gumazamiziba tintinibar uari bakia uari ko akuir arazim ko asizir me asebar ofa gamua apir arazibar men sure gami. § 21 A navim gighasa, kamaghin ki anetaghizima, a dughiar mabar ike. Ezi puvati, a gumazamiziba tintinibar uari bakia, egha uari ko akuir arazir kam bagha navim giraghan aghua. 22 Ia uari bagh ganigh. Ki ivezir kuram a daningiva arimariar ekiam a daningti a mizazir bar ekiam iniam. Eghti gumazir a bakia a ko arazir kurabagh amiba, me a ko amir araziba bagh navibagh iraghan koghti, ki osimtizir ekiam ko mizazim uaghan me daningam. 23 Ki uaghan an boribav sueghti me arimighiregham. Eghti siosba bar kamaghin fogham, ki bar gumazibar naviba ko nighnizibagh fogha da tuisisi. Egh ki ia amir arazibar mirara ivezim isi vaghvagh ia daningam.

24 “Ki datirighin ia Taiatairan itir igharaz daraziv gei. Ia amizir kamın akabar gin zuir puvati, egha arazir kam, me kamaghin a dibori, ‘Satanın akar mogomeba,’ ia an fozozim inizir puvati. Ki kamaghin ia mikimasa, ki osimtizir

§ 2:20: Jesebel, an amizir kurar mamın ziam. Fomira Israelian atrivir amizimın ikia, egha arazir bar kurabagh amizim. Ni 1 Atriviba 18:4, ko 19:1-2, ko 2 Atriviba 9:3-37ın gan. Nikolasin adarazir amizir mam iti, Taiatairan gumazamizir maba inizi, me an arazir kurabar gin zui. Ezi bizir kamın, me ti ziar kam Jesebel a gati. 2:21: Ro 2:4, MAA 9:20 2:21: Rom 2:4; Akar Mogomem 9:20 2:23: Sng 7:9, 62:12, Jer 11:20, 17:10, Ro 8:27, 2 Ko 5:10, 2 Ti 4:14, MAA 20:12-13 2:23: Onger Akaba 7:9; 62:12; Jeremaia 11:20; 17:10; Rom 8:27; 2 Korin 5:10; 2 Timoti 4:14; Akar Mogomem 20:12-13

igharazitam, ia darighan kogham. ²⁵ Ezi bizir ia suighiziba bar, ia bar pamten dar suiragh mighirigh mamaghira iki, mangi dughiar ki izamim.

²⁶ “Gumazamizir midorozim gamua apaniba abiriba, nan arazibar gin mangiti, biziba bar givaghamin dughiam otoghti, ki gumazamizir kaba, kantriba bar dar gumazamizir dapanibar ikiamin gavgavim isi me daningam. ²⁷ Eghti me atrivimin gavgavim sara me ganiva me abighirarigham, mati gumazim ainin aghorimin suiragha nguazir miner mam abiagharisi.

“Ingangarir nan afeziam gumazamizibar ganasa na ganingizimin mirara ki ingangarir kam me daningam. ²⁸ Ki uaghan mikovezir bar mizaragharam otivir kam me daningam.

²⁹ “Tina kuarimning iti, an akar Godin Duam siosbav geiba baragh.”

3

Sardisin nguibar ekiamin itir siosin zuir akam

¹ Gumazir kam ua kamaghin migei, “Ni Sardisin nguibar ekiamin itir siosin garir ensel bagh akataba osirigh. Akar kaba kamakin:

“Ki Godin duar 7plan gari, egha ki 7plan mikovezibar suira. Egha ki akar kam ni

2:25: MAA 3:11 **2:25:** Akar Mogomem 3:11 **2:26:** Mt 19:28, Jo 6:29, 1 Ko 6:3, 1 Jo 3:23, MAA 20:4 **2:26:** Matyu 19:28; 1 Korin 6:3; Akar Mogomem 20:4 **2:26:** Onger Akaba 2:8-9 **2:27:** Dan 7:22, MAA 12:5 **2:27:** Akar Mogomem 12:5 **2:28:** MAA 22:16
2:28: Akar Mogomem 22:16 **3:1:** MAA 1:4, 1:16, 2:2, 5:6 **3:1:** Akar Mogomem 1:4; 1:16; 2:2; 5:6

bagha anemadazıma a izi. Ki arazir ia amiba bar dagh fo. Me ia miġia ghaze, ‘Sardisın itir sios, an angamira iti.’ Ezi puvati, ia ariaghiregha ġifa. ² Ki ia amir arazibar gara ghaze, da nan Godın damazımın tıghar der- agham. Kamaghın amizi, ia osegh daguraguim atakigh. Ian araziba, bar ovengezir puvati, dar muziariba mong ikiavira iti, ia ua gavgavim dar aning. ³ Akar aghuir ia fomıram oregha inizir kam, ia uam a ġinighnigh. Egh ia nav- ibagh iragh, bar deravıram an ġin mangi. Ia osegh daguraguim ateghan koghti, ki okımakıar gumazım izi moghın, ia batogham. Eghti ia dughiar ki ia bagh izamım ġifoghan kogham.

⁴ “Ezi ian gumazamizir maba Sardisın ikiavira iti, me uan korotiabagh amizi da mizezir puvati. Gumazamizir kabar araziba derazi, ki me uabın toro, ezi kamaghın amizi me korotiar ghurghuribar aghuigh na ko daruam.

⁵ Gumazamizir midorozim gamua apaniba abırıba, korotiar ghurghurir kamagh garitam arughti, akınafarir God gumazamizir ikirimirir zurara itim iniamin ziaba osirizim, ki men ziaba angarighan kogham. Puvati. Ki uan afeziam ko an enselbar damazibar gumazir kamın gun

3:3: Mt 24:43-44, Lu 12:39-40, 1 Te 5:2, 5:6, 1 Ti 6:20, 2 Pi 3:10, MAA 2:5, 16:15 **3:3:** Matyu 24:43-44; Luk 12:39-40; 1 Tesalonika 5:2; 5:6; 1 Timoti 6:20; 2 Pita 3:10; Akar Mogomem 2:5; 16:15 **3:4:** Ap 1:15, Ju 23, MAA 6:11, 7:9, 7:13 **3:4:** Jut 1:23; Akar Mogomem 6:11; 7:9; 7:13 **3:5:** Kis 32:32-33, Sng 69:28, Mt 10:32, Lu 10:20, 12:8, Fl 4:3, MAA 3:18, 19:8, 20:12 **3:5:** Ua Me Ini 32:32-33; Onger Akaba 69:28; Matyu 10:32; Luk 10:20; 12:8; Filipai 4:3; Akar Mogomem 3:18; 19:8; 20:12

mikim suam, me konanaba. ⁶ Tina kuarimning iti, an akar Godin Duam siosbav geiba baragh.”

Filadelfian nguibar ekiamin itir siosin zuir akam

⁷ Gumazir kam ua kamaghin migei, “Ni Filadelfian nguibar ekiamin itir siosin garir ensel bagh akataba osirigh. Akar kaba kamakin:

“Ki dughiaba bar zuegha God baghavira iti, ezi nan akar dikiriziba da guizbangira otifi. Ezi ki Devitin kin suira, egh bizim ki a kuighti, gumazitam bar uam anesaraghan kogham. Egh bizim ki an tiam asaraghti, gumazitam bar uam a kuighan kogham. Ki akar kam ni bagha anemadazima a izi. ⁸ Ki ia amir araziba bar dagh fogha gifa, ezi ia orakigh. Ki ian damazimin tiam kuizima a iti. Eghti gumazitam uam anesaraghan kogham. Ki kamaghin fo, ian gavgavir muziarim ikiavira iti, ezi ia nan akamin gin ghua, egha akirim ragha nan ziam gasarazir puvati. ⁹ Ia Satanin adarazigh fo, me kamaghin migia ghaze, me Judan adarasi. Egha me Judan adarazi puvati, me ifavarir gumamaziziba. Ia orakigh. Ki gumamazizir kabar amighti me izi ian suebar apengan teviba apirigh, egh me kamaghin fogham, ki bar ia gifonge. ¹⁰ Ia nan akamra gin ghuava osimtizir ia bativiba

3:7: Jop 12:14, Ais 22:22, Lu 1:32, Ap 3:14, 1 Jo 5:20 **3:7:** Jop 12:14; Aisaia 22:22; Luk 1:32; Aposel 3:14; 1 Jon 5:20 **3:8:** 1 Ko 16:9, 2 Ko 2:12, MAA 2:2 **3:8:** 1 Korin 16:9; 2 Korin 2:12; Akar Mogomem 2:2 **3:9:** Ais 43:4, 45:14, 49:23, 60:14, MAA 2:9 **3:9:** Aisaia 43:4; 45:14; 49:23; 60:14; Akar Mogomem 2:9 **3:10:** Ais 24:17, Lu 21:19, 2 Ti 2:12, 2 Pi 2:9 **3:10:** Aisaia 24:17; Luk 21:19; 2 Timoti 2:12; 2 Pita 2:9

ia dar aven tughā gavgavighavira iti. Kamagh amizi, ki ian ganam. God gīn nguazimīn itir gumazamiziba bar, men niḡhnizir gavgavim tuisiḡh eḡh foghasa, a gavgaviz, o puvati, eḡhti kamaghīn osimtizir ekiamīn dughiam otoghti, dughiar kamīn ki ian ganti ia deragham.

¹¹ “Ki bar kīran oveghangīn ia batogham. Gumazitam ian ivezir aghuim okemeghan koghsī, kamaghīn bizir ia suirazim, ia bar an suiragh gavgafigh. ¹² Gumazamizir mīdorozim gamua apaniba abīriba, ki gumazamizir kaba damighti me nan Godīn Dīpenimīn dipenir akīnibar mīn tughiv ikiam. Eḡh me Godīn Dīpenim ategh uam azenan mangan kogham. Bar puvati. Ki gumazamizir kabar, uan Godīn ziam men osirigh, eḡh ki uan Godīn Nguibamīn ziam osirigham. Jerusalemīn igiar kam, a nan God ko ikeḡh otogh overiam ategh izighiram. Ki uabi uan ziar igiam, ki gumazamizir kabar uaghan men osirigham. ¹³ Tina kuarimning iti, an akar Godīn Duam siosbav geiba baragh.”

Laodisian nguibar ekiamīn itir siosin zuir akam

¹⁴ Gumazir kam ua kamaghīn migei, “Ni Laodisian nguibar ekiamīn itir siosin garir ensel bagh akataba osirigh. Akar kaba kamakīn:

3:11: Fl 4:5, MAA 2:10, 2:16, 2:25, 22:7, 22:12, 22:20 **3:11:** Filipai 4:5; Akar Mogomem 2:10; 2:16; 2:25; 22:7; 22:12; 22:20 **3:12:** Ais 62:2, 65:15, Ese 48:35, Ga 2:9, 4:26, Hi 12:22, MAA 14:1, 21:2 **3:12:** Aisaia 62:2; 65:15; Esekiel 48:35; Galesia 4:26; Hibru 12:22; Akar Mogomem 14:1; 21:2 **3:14:** Snd 8:22, Ais 65:16, 2 Ko 1:20, Kl 1:15, MAA 1:5, 19:11, 22:6 **3:14:** Aghuzir Akaba 8:22; Aisaia 65:16; 2 Korin 1:20; Kolosi 1:15; Akar Mogomem 1:5; 19:11; 22:6

“Ki gumazir ‘guizbangira’ miġeim. Godin akar dikiriziba ko an akaba bar, ki guizbangira miġia, zurara guizin akamrama akuri. Ki God ingarizir biziba bar dar mingarim. Egha akar kam ni bagha anemadazi a izi. ¹⁵ Ki ia amir araziba bar dagh fo. Ki fo, ia orangizir puvati, egha feir puvati. Ki kamaghin ifonge, ia orangigh iki, o ia feng iki. ¹⁶ Ezi puvati. Ia mong, ganadamra fei. Ia bar puvira feir puvati, egha bar orangizir puvati. Kamagh amizi, ki uan akamin ian mighasava ami.

¹⁷ “Ia kamaghin miġia ghaze, ‘E bizir aviriba ko dagiar aviriba iti. E bizitamın otevir puvati.’ Ezi puvati. Ian dabirabim pazavira itima, gumazamiziba ian garava bar ian apangkufi. Ia bar biziba puvatiġha damaziba okaviġha bibi-abara iti. Egha ia uari bizir kam ġifozir puvati.*

¹⁸ “Kamagh amizi, ki niġhnizir kam ia daningasa. Nan gol avim bar an isigha an itir bizir kuraba bar da adangi. Kamaghin ia golin kam na dama a givezegh, dagiaba avirasemegham. Egh uaghan ia uan mikarzim avisi korotiar ghurghuritam givesegh, eghti gumazamiziba ian ganti ia bibi-abara ikiva, aghumsighan kogham. Egh uaghan ia uan

3:15: Ro 12:11, MAA 2:2 **3:15:** Rom 12:11; Akar Mogomem 2:2

3:17: Hos 12:8, Lu 12:21, 1 Ko 4:8 **3:17:** Hosea 12:8; Luk 12:21;

1 Korin 4:8 * **3:17:** Laodisiaba uari uan damazibar gara ghaze, me bizir aviriba iti. Egha Godin damazimin me bar onganarazibar min iti. Ni Akar Mogomem 2:9in gan. **3:18:** Ais 55:1, Mt 13:44, 2 Ko 5:3,, Je 2:5, MAA 3:5, 4:4, 7:13, 16:15 **3:18:** Aisaia 55:1; Matyu 13:44; 2 Korin 5:3; Jems 2:5; Akar Mogomem 3:5; 4:4; 7:13; 16:15

damazibar aghusi marasin givesegh, egh ia ganam.

19 “Gumazamizir ki ifongeziba, ki men atar men arazibar kiram. Kamagh amizi, ia uan araziba akirsi gavgavigh uan navibagh iragh.

20 “Ia oragh, ki tiar akamin tughav ikia, a gafughafusi. Ia nan tiarim baregh egh tiam kuighti, ki aven mangi ia ko ikiam. Egh ki ia ko damam, eghti ia na ko damam.

21 “Gumazamizir midorozim gamua apaniba abiriba, ki men amamangatighti me na ko nan atrivir dabirabim dapiam, mati ki fomira uaghan midorozim gamigha uan apanim abiragha, uan afeziam ko an atrivir dabirabim gapera. ²² Tina kuarimning iti, an akar Godin Duam siosbav geiba baragh.”

Sipsipin Nguzim Godin Nguibamin akinafarim kuizima bizir kuraba nguazimin gumazamiziba batifi

4

(Sapta 4--11)

Me Godin Nguibamin an ziam fe

¹ Ezi ki gin ua garima, Ame! Godin Nguibamin tiar akar mam kuiagherigha iti. Ezi gumazir

3:19: Snd 3:12, 1 Ko 11:32, Hi 12:6, Je 1:12, MAA 2:5 **3:19:** Aghuzir Akaba 3:12; 1 Korin 11:32; Hibru 12:6; Jems 1:12; Akar Mogomem 2:5 **3:20:** Lu 12:37, Jo 14:23, 1 Jo 2:24 **3:20:** Luk 12:37; Jon 14:23 **3:21:** Mt 19:28, Lu 22:30, 2 Ti 2:12, MAA 2:26-27
3:21: Matyu 19:28; Luk 22:30; 2 Timoti 2:12; Akar Mogomem 2:26-27 **4:1:** MAA 1:1, 1:10, 1:19, 11:12, 22:6 **4:1:** Akar Mogomem 1:1; 1:10; 1:19; 11:12; 22:6

ki faragha oraghizim, a faraghavira pamten sighamın mın nan diazim, a datirighın ua kamaghın na miğei, “Ni kagh anang, eghti ki bizir gın otivamiba bar nın akakagham.” ² Ezi Godın Duam zuamıra na gizivagha bar pamten nan ingari, ezi ki garima, Ame! Atrivir dabirabir mam Godın Nguibamın iti, ezi gumazir mam atrivir dabirabir kam gaperaghav iti.* ³ Gumazir kamın guam dagıar jaspera ko dagıar konilian aghevımın mın taghtasi. Ezi ekianir mam, atrivir dabirabim torim gati, ezi ki ekianir kamın gari a emeralın dagıar garımın mın taghtasi. ⁴ Ezi 24plan atrivir dabirabir igharaziba, atrivımın dabirabir kam okari. Ezi 24plan gumazir dapaniba dabirabir kabagh apia. Gumazir dapanir kaba korotiar ghurghuriba aghuigha golin ingarizir dapanir asuaba uari gaghuigha mati atrivımın golin dapanir asuaba men dapanibar iti. ⁵ Ezi ki garima, onımariba atrivir dabirabımın otivaghira tintinibar sıgha taghtasi. Ezi ki orazi niğınir ekiam otozi overiam tingaghe. Ezi atrivir dabirabımın

4:2: Sng 47:8, Ais 6:1, Jer 17:12, MAA 4:9, 17:3, 21:10 **4:2:** Onger Akaba 47:8; Aisaia 6:1; Jeremaia 17:12; Akar Mogomem 4:9; 17:3; 21:10 **4:2:** Esekiel 1:26-28; 10:1 * **4:2:** Gumazir Jon garir atrivir dabirabim gaperaghav itim, kar God uabi. Egha vezin kamın Jon guizin an ziam dibora ghaze, a God. Ezi gın moghıra, sapta 7:10ın akam kamaghın miğia ghaze, God atrivir dabirabim daperav ikiam. Ezi God, gumazımın mın garir puvati. Jon Godın angazangarir ekiam ko ziar ekiam biaghırigha igharagha otivizibar ganigha, egha dagh isin akar isin zuımın God miğei. **4:4:** MAA 3:18, 6:11, 11:16, 19:14 **4:4:** Akar Mogomem 3:18; 6:11; 11:16; 19:14 **4:5:** Kis 19:16, Ese 1:13, Sek 4:2, MAA 1:4, 8:5, 11:19, 16:18 **4:5:** Ua Me Ini 19:16; Esekiel 1:13; Sekaraia 4:2; Akar Mogomem 1:4; 8:5; 11:19; 16:18

guamın 7plan adeniba isia iti. Adenir 7plan kaba da 7plan Godın duaba. ⁶ Atrivir dabirabimın guamın bizir mam iti, a mati ongarir ekiam me glasın an ingarizi, a bar zuegha taghtasi.

Ezi bizir angamıra itir 4pla, atrivir dabirabim okarigha tuivighav iti. Bizir angamıra itir 4 plan kaba, da damazir avırıba itima da men mıkarzıba bar da ave, egha uaghan dar akıragherıbar iti. ⁷ Faraghavıra itir bizir angamıra itim, a mati laion. Ezi bizir angamıra itir an girara itim, a mati bulmakaun apurim. Ezi bizir angamıra ikia aningın girara itim, an guam mati gumazir guam. Ezi bizir angamıra itir men girara itim, mati kuarazir bagamın mın pın mıghava arui. ⁸ Bizir 4plan angamıra itir kaba, da 6plan avızıba bar vaghvagh men iti. Ezi men mıkarzıba damazir avırıba da ave, egha uaghan men avızıbar apengan iti. Egha arueba ko dimagarıbar kamaghın migei:

“Ekiam, a Godın Gavgavıba Bar Itim.

Egha a bizir kuraba bar dar saghon ikia a bar zue.

A bar zue,
a bar zue.

A fomıra ikia,
egha datırıghın ikia,
egh gın uamategh izam.”

Me mırırıgıar kam gamua mamaghıra ikia egha avughıazıba puvati.

4:6: Ese 1:5-10, 1:22, MAA 15:2 **4:6:** Esekiel 1:5-10; 1:22; Akar Mogomem 15:2 **4:6:** Esekiel 1:5-10; 10:14 **4:8:** Ais 6:2-3, Ese 1:18, 10:12, MAA 1:4, 1:8 **4:8:** Aisaia 6:2-3; Esekiel 1:18; 10:12; Akar Mogomem 1:4; 1:8

9 Bizir angamıra itir kaba, me gumazir uan atrivir dabirabim gaperaghav itim bagha bar akonge, a gumazir zurara angamıra itim. Egha me an ziam fava, egha a minabi. Ezi bizir 4plan angamıra itir kaba zurara dughiabar kamagh amuvıra itima, ¹⁰ 24plan gumazir dapanir kaba gumazir atrivir dabirabim gaperazimın guamın teviba apiri. A gumazir zurazurara itim ezi me an ziam fe. Me uan golin dapanir asuaba asia da isa atrivir dabirabimın guamın boroghın da akuri. Egha kamaghın ighiam gami:

11 “Ni en Ekiam, en God.
 Ni biziba bar dar ingari.
 Egha ni uan ifongiamın,
 biziba bar dar ingarizıma da otifi,
 ezi datirıghın biziba bar iti.
 Kamaghın amizi, nırara e uari nın torogha
 nın ziam bar pın aneti.
 Gumamaziba bar ni bagh bar akuegh,
 egh nın ziam fıva,
 nın gavgavimın apengan ikiam.”

5

Akinafarir rıghizir mam, Jon an gari

4:9: Dan 4:34, 6:26, 12:7, MAA 1:18, 4:2, 4:10, 5:14, 15:7 **4:9:**
 Daniel 4:34; 6:26; 12:7; Akar Mogomem 1:18; 4:2; 4:10; 5:14; 15:7
4:10: MAA 4:4, 4:9, 5:1, 5:7-8, 5:13-14, 6:16, 7:15, 19:4, 21:5 **4:10:**
 Akar Mogomem 4:4; 4:9; 5:1; 5:7-8; 5:13-14; 6:16; 7:15; 19:4; 21:5
4:11: Ap 17:24, Ef 3:9, Kl 1:16, MAA 5:12, 10:6 **4:11:** Aposel
 17:24; Efesus 3:9; Kolosi 1:16; Akar Mogomem 5:12; 10:6

¹ Ki garima gumazir atrivir dabirabim gaperaghav itimîn agharir guvimîn, akinafarir mam iti. Akinafarir kam mati akinafarir bar ruarir me rigħa miġħirizim, ezi akinafarir kam osiziriba an vuem ko vuem sara iti. Me a rigħa 7plan danganibar kendelin grisîn pamten da miġħini. ² Ezi ki enselin gavgavir mamîn garima a pamten kamaghîn diava azangsisî, “Tina gumazir aghuir God uabîn torozim, an akinafarimîn itir kendelin grisba adeghîva, akinafarir kam onegham?” ³ Overiamîn itir gumazamiziba, o nguazimîn itir gumazamiziba, o nguazimîn apengan itir gumazamiziba, men tav akinafarir kam onegħ, egh an aven ganan kogham. ⁴ Ki gari, gumazitam o amizitam akinafarir kam onegħ an aven ganamin gavgaviba puvati. Kamaghîn amizi ki puvirama aravira iti. ⁵ Ezi gumazir dapanibar mav kamaghîn na miġei, “Ni arangan marki. Ni orakigh. Laionîn kam Judan adarazir atrivimîn oto, atrivir bar ekiam, an Atrivim Devitîn ovavim, egha a midorozim gamua uan apanim abiragħa gifa. Kamagħ amizi, me akinafarimîn 7plan kandelin, grisîn miġħinîziba adegh, akinafarir kam onegham.”

Jon Sipsipîn Nguzimîn gari

⁶ Ezi ki gari, Sipsipîn Nguzir mam, me a

5:1: Ais 29:11, Ese 2:9-10, Dan 12:4 **5:1:** Aisaia 29:11; Esekiel 2:9-10; Daniel 12:4 **5:5:** Stt 49:9, Ais 11:1, 11:10, Ro 15:12, Hi 7:14, MAA 6:1, 22:16 **5:5:** Jenesis 49:9; Aisaia 11:1; 11:10; Rom 15:12; Hibru 7:14; Akar Mogomem 6:1; 22:16 **5:6:** Ais 53:7, Sek 4:10, Jo 1:29, 1:36, MAA 1:4, 4:5, 5:9, 5:12, 13:8 **5:6:** Aisaia 53:7; Sekaraia 4:10; Jon 1:29; 1:36; Akar Mogomem 1:4; 4:5; 5:9; 5:12; 13:8

misoghezi an aremezi moghin gara tughav iti. An atrivir dabirabim ko 4plan angamira itir bizibar tongin tughav iti, ezi gumazir dapanibar dabirabiba an okarigha iti. Sipsipin Nguzir kam 7plan komba ko 7plan damaziba iti, kar Godin duar 7pla. God me amadazima me nguazir kam bar a garui. ⁷ Ezi Sipsipin Nguzim ghua gumazir atrivir dabirabim gaperaghav itimin agharir guvimin, akinafarir kam ini. ⁸ An akinafarir kam inigha givazima, 4plan bizir angamira itir kaba ko 24plan gumazir dapanir kaba Sipsipin Nguzimin boroghin uan teviba apiri. Gumazir dapaniba vaghvagha gitan min garir biziba ko golin itaribar suiki. Itarir kaba, pauran migharir mughuriar aghuim zuim, bar dagh izifa. Bizir kam kamakin, Godin gumazamiziba God ko migeir arazim. ⁹⁻¹⁰ Egha me ighiar igiar mam kamaghin a gami:

“Me ni misoghezi ni areme,
 egha nin ghuzimin
 ni gumazamiziba God bagha me givese.
 Ni anababa bar, dar gumazamizir maba ko,
 nguibabar akaba bar ko,
 mikarzir igharagha gariba bar ko,
 kantriba bar dar gumazamiziba,
 men marasi,

5:7: MAA 4:2, 4:10 **5:7:** Akar Mogomem 4:2; 4:10 **5:8:** Sng 141:2, MAA 4:8-10, 8:3-4, 15:2 **5:8:** Onger Akaba 141:2; Akar Mogomem 4:8-10; 8:3-4; 15:2 **5:9-10:** Ua Me Ini 19:6; Onger Akaba 33:3; 40:3; 96:1; 98:1; 144:9; Aisaia 42:10; 61:6; Aposel 20:28; Efesus 1:7; Hibru 9:12; 1 Pita 1:18-19; 2:5; 1 Jon 1:7; Akar Mogomem 1:6; 14:3; 20:6; 22:5

ni me givese.
 Egha ni me gamizima
 me atrivimın adarazir otivigha,
 ofa gamir gumazamizibar mın ikia,
 en God bagha ingari.
 Egh me atrivibar iki,
 egh nguazimın gumazamizibar ganam.
 Kamaghın amizi, God ua bagha nın torozi,
 ni akınafarim inigh
 kendelin grisba adegam.”

Me Sipsipın Nguzimın ziam fe

¹¹ Egha ki ua gara enselin tiarir avırir maba barasi. Men dibobonim handet milienin avıriba ko tausen tausenin avıriba. Me atrivir dabirabim ko bizir angamıra itiba ko gumazir dapaniba okarigha tuivighav iti. ¹² Me pamten dia kamaghın ighiam gami:

“Sipsipın Nguzir me misoghezi aremezir kam,
 e an uarir torogha
 an ziam bar pın aneti.
 A ziar ekiam ko
 bizir aghuir avıriba ko
 fofozir aghuiba ko
 gavgavir ekiam iti.
 E an ziam fıva
 a bagh bar akongegh
 a mınamam.”

5:11: Sng 68:17, Dan 7:10, Hi 12:22, MAA 4:4-6 **5:11:** Onger Akaba 68:17; Daniel 7:10; Hibru 12:22; Akar Mogomem 4:4-6

5:12: 1 Sto 29:11, MAA 5:6 **5:12:** 1 Eghaghaniba 29:11; Akar Mogomem 5:6

13 Egha kî God ingarizir gumazamiziba ko biziba bar men ighiam barasi, kar bizir overiamin itiba ko nguazimin itiba ko nguazimin apengan itiba ko ongarimin itiba kamaghin migei:

“Gumazir uan atrivir dabirabim gapiagherim ko,
 Sipsipin Nguzim uaghan,
 e zurazurara aning minabivira ikiam.
 Egh aningin ziar ekiamning fiva,
 aning bagh bar akongegh,
 egh aningin gavgavir ekiamin apengan
 iki
 zurara mamaghira ikiam.”

14 Ezi 4plan bizir angamira itiba kamaghin migei, “Guizbangira.” Ezi gumazir dapaniba uan teviba apirigha aningin ziamning fe.

6

Sipsipin Nguzim akinafarimin kandelin grisba adangi

1 Kî Sipsipin Nguzimin garima, an akinafarir 7plan kendelin grisba itir kamîn suira, egha kendelin grisîn faraghavira itim adangi. Ezi kî orazi, 4plan bizir angamira itir kabar mav kamaghin migei, ezi an tiarim mati ararim dagarvagha, kamaghin migei, “Ni izi!” 2 Ezi kî ua gara egha hoziar ghurghurir mamîn garima,

5:13: Ro 9:5, Fl 2:10, 1 Ti 6:16, 1 Pi 4:11, MAA 4:2, 4:10, 6:16, 7:10 5:13: Rom 9:5; Filipai 2:10; 1 Timoti 6:16; 1 Pita 4:11; Akar Mogomem 4:2; 4:10; 6:16; 7:10 6:1: MAA 4:6-7, 5:1, 5:5-7 6:1: Akar Mogomem 4:6-7; 5:1; 5:5-7 6:2: Sek 1:8, MAA 6:3, 6:6, 14:14, 19:11 6:2: Sekaraia 1:8; Akar Mogomem 6:6; 14:14; 19:11

gumazim barir pimın suiragha a gaperera. Me atrivimın dapanir asuar mam a ganıngi, ezi a midorozim gamua uan apanim abirazi moghin zui, egha midorozir aviribagh amua uan apaniba abira ghuavira iti.

³ Ezi Sipsipın Nguzim akınafarımın kandelın grisin namba 2 adangi, ezi ki orazi, bizir angamıra itir namba 2 kamaghın migei, “Ni izi!” ⁴ Ezi hoziar igharazim azenan izi, an aghefe. Me gavgavim hoziar kam gaperazir gumazim ganıngi, kar gavgavir nguazımın gumazamizibar dughiar aghuim a gıvamim, eghti gumaziba igharaz daraziv soghtima me arımıghiram. Ezi me midorozir sabar ekiar mam ingangarir kam damuasava a ganıngi.

⁵ Ezi Sipsipın Nguzim akınafarımın kendelin grisin namba 3 adangi, ezi ki orazi bizir angamıra itir namba 3 kamaghın migei, “Ni izi!” Ezi ki ua gara, egha hoziar pızımın gari. Ezi gumazir a gaperaghav itim a skelin mam uan dafarımın an suira. ⁶ Ezi ki orazi, mati gumazımın tiarim bizir angamıra itir 4plan kabar tongın kamaghın migei, “Ni mangı uan ingangarim damu, eghti gumaziba bar daghebar otevegham. Kamaghın, gumazim dughiar vamıran ivezim inigh, a wıtın miner muziarir vamıra o balın miner muziarir 3plara givezam. Egh ia olivin temeaba ko wainın ikarıziba gasıghasıghan marki, eghti olivin borem

6:4: Sek 1:8, 6:2 **6:4:** Sekaraia 1:8; 6:2 **6:5:** Sek 6:2, 6:6

6:5: Sekaraia 6:2; 6:6 **6:6:** Ese 5:12, 5:17 **6:6:** Esekiel 5:12;

5:17

ko wain ikivira ikiam.”*

⁷ Ezi Sipsipin Nguzim akinafarimin kendelin grisın namba 4 adangizima, ki orazi bizir angamira itir namba 4 kamaghın migei, “Ni izi!” ⁸ Ezi ki ua gara hoziar iangurimin gari. Ezi gumazir a gaperazim, an ziam Ovevem. Ezi Gumazamizir Oveaghuezibar Nguibam, an Ovevemın girara izi. God gavgavim kamaghın aning ganingi, aning nguazimın itir gumazamiziba 4plan okoruabar me tuiragh, egh okoruar kabar aven, aning okoruar vamira misueghti an aremegham. Aning midorozir sabamın gumazamizibav sueghti, me arimighiram, eghti aning mitiriar ekiam damighti an otoghti me arimighiram, eghti aning arimariar ekiabar amuti da otiv me damuti me arimighiram, eghti aning ruarimın itir asizir atiaba amangiti da mangi me misoghti me arimighiram.

⁹ Ezi Sipsipin Nguzim akinafarimin kendelin grisın namba 5 adangizi, ki garima, gumazamizir ovengezibar duaba Godın ofa gamir dakozim apengan iti. Gumazamizir kaba faragha Godın akamın suiragha gavgavigha, egha akar kam akuni, bizir kam bangin apaniba me misoghezi me ariaghire. ¹⁰ Duar kaba dia kamaghın migei, “Gavgaviba bar itir Ekiam, ni arazir kuraba bar

* **6:6:** Vezin kamın mingarim kamaghın migei, Dagheba bar otevegham eghti daghebar ivezim bar pin ghuavanabogham.

6:8: Jer 15:1-3, Ese 5:12, 5:17, 14:21, 33:27, Sek 6:3 **6:8:**

Jeremaia 15:1-3; Esekiel 5:12; 5:17; 14:21; 33:27; Sekaraia 6:3 **6:9:**

2 Ti 1:8, MAA 1:9, 8:3, 12:17, 19:10 **6:9:** 2 Timoti 1:8; Akar

Mogomem 1:9; 8:3; 12:17; 19:10 **6:10:** Lo 32:43, Sng 78:10, MAA

11:18, 16:7, 19:2 **6:10:** Godın Araziba 32:43; Onger Akaba 78:10;

Akar Mogomem 11:18; 16:7; 19:2

dar saghon ikia egha bar zue! Ezi nin akar dikiriziba da guizbangira otifi! E ni mizua iti, ni zuamira nguazimin itir gumamazibar araziba tuisighiva, egh en ghuzimin ivezim ikarvagh!” ¹¹ Egha me gumamazir kaba vaghvaha korotiar ghurghurir ruariba me ganingi, egha kamaghin me migei, “Ia tong orarkiva avughsi iki. Apaniba ian adarazi ko ia ko ingari darazi misueghti me arimighiregham, mati me ia misoghezi mokin. Gumamazir apaniba misueghti arimighiramibar dibobonim, God a gifogha gifa, eghti apaniba gumamazir kabav sueghti me arimighireghti, God ian ghuzimin ivezim ikarvagh.”

¹² Ezi Sipsipin Nguzim akinafarimin kendelin grisin namba 6 adangi, ezi ki ua garima mikimkizir dafam nguazimin oto. Ezi aruem isiragha gari puvatizi, overiam ko nguazim mitatangi. Ezi iakinim bar aghevegha ghuzimin min gari. ¹³ Ezi pin itir mikoveziba asiaghira nguazim giri, mati aminim fighin temem givaima, fighin ovizir tighar animiba suaghiri. ¹⁴ Overiam mati, akinafarir bar dafam me a righa anetizi moghin, a uan danganim ataki. Ezi mighsiaba ko arighatiziba bar uan danganiba ategha, sivagha ghue.

6:11: Hi 11:40, MAA 3:4-5, 3:18, 7:9, 7:13-14, 14:13, 19:14 **6:11:** Hibru 11:40; Akar Mogomem 3:4-5; 3:18; 7:9; 7:13-14; 14:13; 19:14

6:12: Ais 13:10, Jol 2:10, 2:31, 3:15, Mt 24:29, Mk 13:24-25, Lu 21:25, Ap 2:20, MAA 8:12, 11:13, 16:18 **6:12:** Aisaia 13:10; Joel 2:10; 2:31; 3:15; Matyu 24:29; Mak 13:24-25; Luk 21:25; Aposel 2:20; Akar Mogomem 8:12; 11:13; 16:18 **6:13:** MAA 8:10, 9:1 **6:13:** Akar Mogomem 8:10; 9:1 **6:13:** Aisaia 34:4 **6:14:** Jer 4:24, Hi 1:12-13, MAA 16:20 **6:14:** Jeremaia 4:24; Hibru 1:12-13; Akar Mogomem 16:20

15 Ezi nguazimın atriviba ko gumazamizir ziaba itiba ko midorozir gumazir dapaniba ko dagiaba itir gumazamiziba ko gumazamizir gavgaviba ko pura ingangarir gumazamizir kiniba ko gumazamizir firiaghireziba, me bar moghira ghua marazi dagiar toribar aven mongezi marazi mighsiabar itir dagiar ekiabar girakirangin monge. 16 Egha me kamaghin mighsiaba ko dagiar ekiabar dei, "Ia e avaragh, egh gumazir atrivir dabirabim gaperaghav itimın guamın e modogh, egh uaghan Sip-sipin Nguzimın aningagharimın e modogh! 17 E fo, aningın aningagharimın dughiar ekiam datirighin otozi aning gumazamizibar arazir kuraba ikarvaghasa. Eghti gumazitam aningın aningagharim iriagh, angamira ikian kogham!"

7

144,000plan Israelin gumazamiziba, God me ginabazir osizirim, enselba me garisi

1 Bizir kaba givazi ki garima, enselin 4pla nguazimın 4plan apinibar tuivighav iti. Me nguazimın 4plan aminibar tuaviba apiri, eghti aminim mangi ongarim ko nguazim ko temeba bar dagh ivangan kogham. 2 Ezi ki enselin igharazimın garima, an aruem anadi naghin

6:15: Ais 2:10, 2:19-21 **6:15:** Aisaia 2:10; 2:19-21 **6:16:** Hos 10:8, Lu 23:30, MAA 4:2, 4:10, 9:6 **6:16:** Hosea 10:8; Luk 23:30; Akar Mogomem 4:2; 4:10; 9:6 **6:17:** Sng 76:7, Ais 13:6, Jol 2:11, Nah 1:6, Sef 1:14, Mal 3:2, MAA 16:14 **6:17:** Onger Akaba 76:7; Aisaia 13:6; Joel 2:11; Nahum 1:6; Sefanaia 1:14; Malakai 3:2; Akar Mogomem 16:14 **7:1:** Jer 49:36, Dan 7:2, Sek 6:5 **7:1:** Jeremaia 49:36; Daniel 7:2; Sekaraia 6:5

ikeghav anadi. A Godin Zurara Itim inabazir osizirim an iti, egha a enselin 4plan God ongarim ko nguazim gasighasighamin gavgavim aningiziba pamten men dei. ³ A kamaghin migei, “Ia zuamira nguazim ko ongarim ko temebagh asighasighan marki. God uan ingangarir gumazamizibagh inaba. E faragh uan Godin ingangarir gumazamiziba, inabazir osizirim men guabar an osirigh givaghti, ia gin bizibagh asighasigh.”

⁴ Ezi ki orazi, me inabazir gumazamizir osizirim inizibar dibobonim dibori. Me 144,000plan gumazamiziba, inabazir osizirim me garisi, me Israelin kantrin aven itir 12plan anababa, vaghvagha men varazira, osizirim ini.*

⁵ Kamaghin amizi 12,000plan Judan anabamin aven itir darasi,

me inabazir osizirim ini,

ezi 12,000plan Rubenin anabamin adarasi,

ezi 12,000plan Gatin anabamin adarasi,

⁶ ezi 12,000plan Aserin anabamin adarasi,

ezi 12,000plan Naptalin anabamin adarasi,

ezi 12,000plan Manasen anabamin adarasi,

⁷ ezi 12,000plan Simeonin anabamin adarasi,

ezi 12,000plan Livain anabamin adarasi,

ezi 12,000plan Isakarın anabamin adarasi,

⁸ ezi 12,000plan Sebulunin anabamin adarasi,

7:3: Ese 9:4-6, MAA 6:6, 9:4, 14:1, 22:4 **7:3:** Esekiel 9:4-6; Akar Mogomem 6:6; 9:4; 14:1; 22:4 **7:4:** MAA 9:16, 14:1-3 **7:4:**

Akar Mogomem 9:16; 14:1-3 * **7:4:** Osizirir kamnagh “Israelin kantrin aven itir 12plan anababar,” gun migei. E Aruamu e ghaze, anabam, kar amebam o amizimin ghuzim. Ezi Israelia me ghaze, anabam, kar afeziamin ghuzim, egha me afeziabar gin zui.

ezi 12,000plan Josepın anabamın adarasi,
ezi 12,000plan Benjaminın anabamın adarasi.

Gumazamizir kaba, God me ginabazir osizirim ini.

Gumazamizir bar avırım Godın ziam fe

⁹ Egha ki gın ua garima, gumazamizir avırım uari akuvagha iti. Gumazitam men avırım mengan iburagham. Gumazamizir kaba, me kantriba bar ko anababa bar ko mikarzir igharagha gariba bar ko nguibabar akaba bar dar gumazamiziba, men marazira izegha iti. Egha me atrivir dabirabim ko Sipsipın Nguzimın guamın tuivighav iti. Me korotiar ghurghurir ruariba aghuigha, uan agharibar okavir aghuabar suiki.

¹⁰ Egha Me pamten kamaghın dei:

“En Godın uan atrivir dabirabim gaperazim,
ko Sipsipın Nguzim,
aningra en akuragha en apanim abıra.
Kamaghın amizi, e aningın ziamning fe.”

¹¹ Ezi enselba bar ikia, atrivir dabirabim ko 4plan bizir angamıra itiba ko gumazir dapaniba okarigha, tuivighav iti. Egha atrivir dabirabimın garava teviba apıra uan guaba nguazim mituagha, Godın ziam fe. ¹² Me kamaghın miği:

7:9: Ro 11:25, MAA 3:5, 3:18, 4:4, 5:9 **7:9:** Rom 11:25; Akar Mogomem 3:5; 3:18; 4:4; 5:9 **7:10:** Ais 43:11, Jer 3:23, Hos 13:4, MAA 4:2, 4:10, 5:13 **7:10:** Aisaia 43:11; Jeremaia 3:23; Hosea 13:4; Akar Mogomem 4:2; 4:10; 5:13 **7:12:** MAA 5:12-14, 11:17
7:12: Akar Mogomem 5:12-14; 11:17

“Guizbangira!

E ziar ekiam uan God daning,
 egh a bagh bar akongegham,
 egh kamaghin mikim suam,
 an fozim bar pin iti.

Egh a minabiva,
 egh an ziam fam.

A gavgavir ekiam iti,

eghti e an gavgavimin apengan ikiam.

Dughiabar zurara bizir kaba bar moghirama
 Godin biziba.

Bar guizbangira!”

Kraisin adarasi, men osimtizim gifa

¹³ Ezi gumazir dapanibar mav kamaghin nan azara, “Gumazamizir korotiar ruarir ghurghuriba aghuizir kaba, me taia? Me managhira ikegha ize?”

¹⁴ Ezi ki kamaghin an akam ikara, “Gumazir ekiam, ni uabi fo.” Ezi a kamagh na migei:

“Gumazamizir kaba me uan apanibar dafaribar
 osimtiziba ko mizazir ekiaba ini.

Ezi osimtizibar dughiam datirighin gifa.

Ezi me uan korotiaba Sipsipin Nguzimin ghuzimin
 da ruegha,

dagh amizi, da ghurghuri.

¹⁵ Kamaghin amizi, me atrivir dabirabimin
 guamin tuifi.

7:13: MAA 3:18 **7:13:** Akar Mogomem 3:18 **7:14:** Ais 1:18, Dan 12:1, Mat 24:21, Mk 13:19, Hi 9:14, 1 Jo 1:7, MAA 1:5, 6:9 **7:14:** Aisaia 1:18; Daniel 12:1; Matyu 24:21; Mak 13:19; Hibru 9:14; Akar Mogomem 1:5; 6:9 **7:15:** Ais 4:5-6, MAA 4:2, 4:10, 21:3 **7:15:** Aisaia 4:5-6; Akar Mogomem 4:2; 4:10; 21:3

Egha dimagariba ko aruebar an dipenimin
 ikia
 egha an ingangarim gami.
 Ezi Godin atrivir dabirabir kam gaperaghav itim,
 a uabi me ko iki egh me geghuvam.
 16 Eghti mitiriaba ua men aghan kogham,
 eghti kuariba ua men pıran kogham.
 Eghti aruer arızir mıkarziba puvıra dagh aboim,
 ua men mıkarzibar isian kogham.
 17 Sipsipın Nguzim atrivir dabirabimın tongıra
 ikia,
 egha me geghufi.
 Egh a me inigh nguazimın aven ivemarir dipar
 atuir danganimın mangam,
 kar dipar ikirimırir zurara itim anıdim.
 Egh God bar men damazibar temeriba adizighti
 da misigham,
 eghti me uam azian kogham.”

8

*Sipsipın Nguzim akınafarir rıghizimın kendelin
 grisin abuananam adangi*

¹ Ezi Sipsipın Nguzim akınafarimın itir kendelin
 grisin namba 7 adangi, ezi Godin Nguibamın
 bizitam bar mozorozir puvatizi, migirıgiatam
 uaghan otivir puvatıgha, ghua mong dughiar

7:16: Sng 121:6, Ais 49:10, MAA 21:4 **7:16:** Onger Akaba 121:6;
 Aisaia 49:10; Akar Mogomem 21:4 **7:17:** Sng 23:1-2, Ais 25:8,
 49:10, Ese 34:23, Jo 10:11, 10:14, MAA 5:6, 21:4 **7:17:** Onger
 Akaba 23:1-2; Aisaia 25:8; 49:10; Esekiel 34:23; Jon 10:11; 10:14;
 Akar Mogomem 5:6; 21:4 **8:1:** Hab 2:20, MAA 6:1 **8:1:**
 Habakuk 2:20; Akar Mogomem 6:1

ruarimin tu. ² Ezi gin ki 7plan enselbar garima, me Godin guamin tuivigha 7plan sighabar suiki.

³ Ezi enselin igharazim iza ofa gamir dakozim boroghin tughav iti. A golin miner mamın suira, miner kam, me an aven paura tuazi a isia migharir mughuriar aghuim otifi. Ezi me pauran avirir maba a ganingi, eghti a Godin gumazamizibar azangszibar sara isafuragh, atrivir dabirabimin guamin mangiva golin ofa gamir dakozimin God bagh ofa damuam. ⁴ Ezi pauran isir migharir mughuriar aghuim ko Godin gumazamizibar azangsziba, da uari inigha enselin Godin damazimin tughav itir kamın dafarim ategha ghuavanadi. ⁵ Ezi ensel miner migharir mughuriar aghuim itim inigha ofa gamir dakozimin ghua avim inigha minem garu, egha minem akunizima a nguazim giri. An anakunigha givazima, arariba dagarvazima niginir ekiam oto, ezi overiamin onimariba taghtagha tintinibar zui, ezi mikimkizim oto.

Enselin 4pla sighabagh ivi

⁶ Ezi 7plan enselin, sighar 7plan suighizir kaba, me dagh iviasava ami.

8:2: 2 Sto 29:25-28, Mt 18:10, Lu 1:19 **8:2:** 2 Eghaghaniba 29:25-28; Matyu 18:10; Luk 1:19 **8:3:** Kis 30:1-3, Amo 9:1, MAA 5:8, 9:13 **8:3:** Ua Me Ini 30:1-3; Amos 9:1; Akar Mogomem 5:8; 9:13 **8:4:** Sng 141:2, Lu 1:10, MAA 5:8 **8:4:** Onger Akaba 141:2; Luk 1:10; Akar Mogomem 5:8 **8:5:** Kis 19:16-19, Wkp 16:12, 1 Kin 19:11, Ese 10:2, Ap 4:31, MAA 4:5, 11:19, 16:18 **8:5:** Ua Me Ini 19:16-19; Ofa Gami 16:12; 1 Atriviba 19:11; Esekiel 10:2; Aposel 4:31; Akar Mogomem 4:5; 11:19; 16:18

⁷ Ezi faragha zuir ensel uan sigham givima, amozir ofizir ekiar dagiabar min gariba ko avim, aning ghuzim sara isafuragha nguazim giri. Ezi me nguazim ko temeba 3plan okoruabar vagh-vagha da tuira, ezi nguazimin okoruar mam, avim bar an isi. Ezi temebar okoruar mam, avim bar an isi, egha avim uaghan nguazimin aghuir graziba bar adar isi.

⁸ Ezi namba 2 ensel uan sigham givima, bizir mam mati mighsiar ekiamin min avim an isima, me anekunizi a ghua ongarim giraghu. Ezi ongarim 3plan okoruabar uabi tuirazi, an okoruar mam ghuzimin oto. ⁹ Bizir ongarimin angamira itiba, da uaghan me 3plan okoruabar da tuira, ezi okoruar kabar mam, bar ariaghire. Ezi kuriba uaghan, me 3plan okoruabar da tuira, ezi kuribar okoruar mam, bar moghira ikufi.

¹⁰ Ezi namba 3 ensel uan sigham givima mikovezir ekiar mam adenimin min puvira isia, overiam ategha iri. Ezi me 3plan okoruabar faneba tuira, ezi mikovezir kam faner okoruar kabar mam gira, egha uaghan dipar atuibagh iri.

¹¹ Mikovezir kamın ziam kamakin, Marasinin Bar Puvira Misozim. A dipar okoruar kabar mam girizi, dipar kaba Marasinin Bar Puvira Misozimin

8:7: Kis 9:23-25, Ais 2:13, Ese 38:22, Jol 2:30, MAA 9:4, 16:2

8:7: Ua Me Ini 9:23-25; Aisaia 2:13; Esekiel 38:22; Joel 2:30; Akar Mogomem 9:4; 16:2

8:8: Kis 7:20-21, Jer 51:25, Ese 14:19, Amo 7:4, MAA 16:3

8:8: Ua Me Ini 7:20-21; Jeremaia 51:25; Esekiel 14:19; Amos 7:4; Akar Mogomem 16:3

8:9: Ais 14:12

8:9: Aisaia 14:12

8:10: Ais 14:12, MAA 9:1, 16:4

8:10: Aisaia 14:12; Akar Mogomem 9:1; 16:4

8:11: Kis 15:23, Jer 9:15, 23:15

8:11: Ua Me Ini 15:23; Jeremaia 9:15; 23:15

oto. Ezi gumazamizir aviriba dipar kam apima, a men navibar isizi me ariaghire.

¹² Ezi enselin namba 4 uan sigham givi, ezi me aruem ko iakinim ko mikoveziba 3plan okoruabar vaghvagha da taira. Egha me aruemin okoruar mam gasighasigha, iakinimin okoruar mam gasighasigha, egha mikovezibar okoruar mam gasighasiki. Kamaghin amizi, arueba bar, dughiar mabar aruem isir puvatigha mitatangi, ezi dimagariba bar, dimagarir maba iakinim ko mikoveziba isir puvatigha angazangariba puvati.

¹³ Ezi ki garima, kuarazir bagar mam overiamin pin mighagha arui. Ezi ki a barazi, a kamaghin pamten dia migei, "Iavzika! Nguazimin itir gumazamiziba, Iavzika! Enselin igharazir 3pla ua uan sighbagh iviam, eghti osimtizir bar ekiaba gumazamiziba me bativam. Iavzika!"

9

Namba 5 ensel uan sigham givi

¹ Ezi enselin namba 5 uan sigham givima ki gari, mikovezir mam overiam ategha nguazim giri. Ezi me mozir torir bar konezimin akamin ki isa a ganingi. ² Ezi mikovezir kam, mozir torir bar konezimin akam kuizi, migharim torir akamin azenan otiva, avir bar ekiamin migharimin min

8:12: Ais 13:10, Ese 32:7, Jol 2:10, 2:31, 3:15, Amo 8:9, MAA 6:12-13

8:12: Aisaia 13:10; Esekiel 32:7; Joel 2:10; 2:31; 3:15; Amos 8:9; Akar Mogomem 6:12-13

8:13: MAA 9:12, 11:14

8:13: Akar Mogomem 9:12; 11:14

9:1: Lu 8:31, 10:18, MAA 8:10, 17:8, 20:1

9:1: Luk 8:31; 10:18; Akar Mogomem 8:10; 17:8; 20:1

9:2: Stt 19:28, Kis 19:18, Jol 2:2, 2:10

9:2: Jenesis 19:28; Ua Me Ini 19:18; Joel 2:2; 2:10

anadi. Egha miġharim torir kamın anaga aruem ko overiam avarazi, aning mitatangi. ³ Ezi odezir bar avirim miġharir kam ategha izaghira, tintinibar nguazimın zui. God tuighakabar gavgavimın mın gavgavim dagh aningi, kar nguazimın itir gumamazibagh asighasighamin gavgavim. ⁴ God odezir kaba kamaghın dav gei, “Ia zuravariba ko nguazimın aghuir biziba ko teme tabagh asighasighan marki. Ia, gumamazir God inabazir osizirim men guabar itir puvatizibagh asighasigh. ⁵ Ki ian amamangati, ia gumamazir kaba iakinir 5plara mızazir ekiam me daning. Egh ia me misoghti me arimighiran marki.” Ezi odezir kaba, da gumamazibagh anidir mızaziba, tuighakaba ivir mızazibar mirara ghu. ⁶ Dughiar kamın, gumamaziba ovengsi tuaviba buriam, egh me ovengan kogham. Me ovengsi bar ifueghti, ovevem men arimangam.

⁷ Ki odezir kabar gari, da mati hoziaba midorozim damuasava ami. Dar dapaniba mati, golin dapanir asuaba dar iti. Ezi dar guaba mati gumamazibar guaba. ⁸ Ezi dar dapanir ariziba ruarigha, amizibar dapanir arizibar mın ruari. Ezi dar atariba, laionın ataribar mın, ruarigha bar ghumi. ⁹ Bizir maba, siot kapabar mın gara,

9:3: Kis 10:4, 10:12-15, Het 7:12, MAA 9:10 **9:3:** Ua Me Ini 10:4; 10:12-15; Gumazir Dapaniba 7:12; Akar Mogomem 9:10 **9:4:** Ese 9:4, MAA 6:6, 7:3 **9:4:** Esekiel 9:4; Akar Mogomem 6:6; 7:3 **9:5:** MAA 9:10, 11:7 **9:5:** Akar Mogomem 9:10; 11:7 **9:6:** Jop 3:21, Ais 2:19, Jer 8:3, MAA 6:16 **9:6:** Jop 3:21; Aisaia 2:19; Jeremaia 8:3; Akar Mogomem 6:16 **9:7:** Dan 7:8, Jol 2:4, Nah 3:17 **9:7:** Daniel 7:8; Joel 2:4; Nahum 3:17 **9:8:** Jol 1:6 **9:8:** Joel 1:6
9:9: Jol 2:5 **9:9:** Joel 2:5

dar evariba ave. Ezi dar aviziba tingagha mati hoziaba karisin aviriba kurvagha midorozim bagha ivemara zui moghin tingazi. ¹⁰ Odezir kaba tuighakabar min ipeba iti, ezi atarir marasinin mizazir kuraba iziba, dar ipebar iti. Kamaghin amizi mizazir gavgavir kam, 5plan iakinibar gumazamizibar aningamim. ¹¹ Egha da atrivir mam iti, a dar gari. Atrivir kam, a mozir torir bar konezimın garir ensel. Hibrun akamin me enselin kamın ziam dibora ghaze, “Abadon.” Ezi Grighin akamin me kamaghin a dibori, “Apoliyon.” An mingarim kamakin, gumazir biziba bar dagh asighasizim.

¹² Iavzika, ia orakigh! Osimtızir bar ekiar faragh zuim, a gıfa. Ezi osimtızir ekiar pumuning ikiavira iti, aning tıghar otivam.

Enselin namba 6 uan sigham givi

¹³ Ezi enselin namba 6 uan sigham givima, ki gumazir mamın tiarim barasi. A Godın guamın itir golın ofa gamir dakozir mamın otifi, danganir kam, a miķebar 4pla iti, ezi da vaghvagha komba iti. Tiarir ki orazir kam, a komın 4plan tongın otivima, ki a barasi. ¹⁴ A kamaghin namba 6 enselin sighamın suirazimın miķei, “Enselin 4plan Yufretisin Faner ekiamın kalabusın itiba, ni me ateghti me mangi.” ¹⁵ Ezi a 4plan enselin kaba ataki, eghti me 3plan okoruabar gumazamiziba tuiragham, egh okoruatam bar a misueghti a

9:12: MAA 8:13 **9:12:** Akar Mogomem 8:13 **9:13:** Kis 30:1-3, MAA 8:3 **9:13:** Ua Me Ini 30:1-3; Akar Mogomem 8:3 **9:14:** MAA 16:12 **9:14:** Akar Mogomem 16:12 **9:15:** MAA 8:7-12
9:15: Akar Mogomem 8:7-12

arimighiregham. God faragha ghaze, auan kam ko aruer kam ko iakinir kam ko azenir kam in enselin kaba ingangarir kam damuam. Ezi enselin kaba kalabusin ikia uari akirigha ingangarir kam damuasavira dughiar kam mizua iti. ¹⁶ Ezi midorozir gumazir hoziabagh apiaziba, ki orazima, men dibobonim, 200 milien.

¹⁷ Egha ki irebam in min garir bizim mati, hoziaba ko gumazir hoziabagh apiazibar ganganim. Gumaziba siot kapaba aghui, ezi dar ganganim aghevegha, blu gamigha, iangurungi. Hoziabar dapaniba, laion in dapanibar min gari. Ezi avim ko migharim ko salfan dagiar isiba, hoziabar akabar otiva tintinibar zui. ¹⁸ Egha me gumamaziba 3plan okoruabar me tuira, ezi 3plan bizir bar kurabar okoruar mam, bar gumamazibar okoruar mam misoghezima me ariaghire. Bizir 3plan kabanagh, da avim ko migharim ko salfan dagiar avim, da hoziabar akabar otifi. Bizir 3plan kabar gavgavim gumamazir kabagh amima me ariaghiri. ¹⁹ Hoziar kabar gavgavim, dar akaba ko ipebar iti. Dar ipeba kuruzibar min gari, egha dapaniba iti. Hoziaba uan ipebar mizazir kuram isa gumamazibagh anidi.

²⁰ Ezi gumamazir igharazir me misoghezi, ariaghirezir puvatiziba, me navibagh irazir pu-

9:16: Sng 68:17, Ese 38:4, Dan 7:10 **9:16:** Onger Akaba 68:17; Esekiel 38:4; Daniel 7:10 **9:17:** 1 Sto 12:8, Ais 5:28-29

9:17: 1 Eghaghaniba 12:8; Aisaia 5:28-29 **9:20:** Lo 31:29, Sng 106:37, 115:4-7, 135:15-17, Ais 2:8, 2:18-20, Dan 5:23, 1 Ko 10:19-20, MAA 16:9-11 **9:20:** Godin Araziba 31:29; Onger Akaba 106:37; 115:4-7; 135:15-17; Aisaia 2:8; 2:18-20; Daniel 5:23; 1 Korin 10:19-20; Akar Mogomem 16:9-11

vatigha, akirim ragha marvir guar me uari ingarizibagh asarazir puvati. Me aseba ko marvir guaba ataghizir puvati. Marvir guar kaba, gumaziba silva ko gol ko bras ko dagiaba ko temebar dar ingari, da bizibar garir puvatigha akaba barazir puvatigha aruir puvatiziba. Me marvir guabar ziaba fer arazim ataghizir puvati. ²¹ Egha me, gumazamizir igharazibav sozima me ariaghirir arazim, ko imezibagh amir araziba, ko gumazamiziba tintinibar uari bakia uari ko akuir arazim, ko igharaz darazir biziba okeir araziba bagha navibagh iragh arazir kurar kaba ataghiraghan aghua.

10

Ensel akinafarir righizim Jon ganingizi an anepi

¹ Ezi ki garima enselin gavgavir igharazir mam Godin Nguibam ategha izaghiri. A ghuariam korotiamin min aneru, ezi ekianir mam an dapanim gisin iti. An guam aruemin min isi, ezi an sueming dipenir akininmingin min gara egha avimin min isi. ² Enselin kam akinafarir righizir muziarim uan dafarimin an suira, ezi akinafarim oneghirigha iti. Ezi a uan suer guvim ongarim gasaragha suer kiriam nguazim gasara. ³ Egha a laionin min bar pamten itiarim akara dia migei. A diagha givazima, 7plan arariba dagarvagha egha

10:1: Ese 1:28, Mt 17:2, MAA 1:15-16 **10:1:** Esekiel 1:28; Matyu 17:2; Akar Mogomem 1:15-16 **10:3:** MAA 8:5 **10:3:** Akar Mogomem 8:5

an akam ikara. ⁴ Ezi 7plan ararir kaba dagarvegha givazima, ki akar me mikemeziba osirasa. Ezi ki Godin Nguibamin gumazir mamın dımdiam barazima, a kamaghın mıgei, “7plan ararir dagarvaghizibar akam, ni uan niĝhnızimın anetiĝhti a iki. Ni an osiran marki.”

⁵ Enselın ki ganizir kam an ongarim ko nguazimın tughav ikia, uan agharir guvim fegha pın overiamın aka. ⁶ Egha ghaze, “Godin zurara itimın ziamın ki guizbangira mıgei. Godin kam, an overiam ko bizir an itibar ingarigha nguazim ko an itir bizibar ingarigha, ongarim ko an itir bizibar ingari. Ezi ki kamaghın mıgei, dughiam datirighın gıvasava ami. God uam orarkian kogham. Bar puvati. ⁷ Bizir God damuasava amim, an akam modoghav iti. Eĝhti Enselın namba 7 sigham givitima, dughiar kamra bizir modoghav itim guizbangıram otogham. Kar, Akar Aghuir a fomıra uan ingangarir gumazamizibagh anıngızim, me an akam inıgha izir gumazamiziba.”

⁸ Ezi gumazir ki Godin Nguibamin faragha oraghızim, a ua kamaghın na mıgei, “Ni mangı enselın ongarim ko nguazimın tughav itimın dafarımın akınafarır rıghızır oneghav itim inıgh.”

10:4: Dan 8:26, 12:4, 12:9 **10:4:** Daniel 8:26; 12:4; 12:9 **10:5:** Kis 8:6 **10:5:** Ua Me Ini 8:6 **10:5:** Ua Me Ini 20:11; Godin Araziba 32:40; Daniel 12:7; Amos 3:7 **10:6:** Neh 9:6, Sng 146:6, MAA 4:11, 14:7, 16:17 **10:6:** Nehemia 9:6; Onger Akaba 146:6; Akar Mogomem 4:11; 14:7; 16:17 **10:7:** Dan 9:6, 9:10, Amo 3:7, Ro 16:25-27, MAA 11:15 **10:7:** Daniel 9:6; 9:10; Amos 3:7; Rom 16:25-26; Akar Mogomem 11:15 **10:8:** Esekiel 2:8--3:3

⁹ Ezi ki ensel bagha ghua kamaghin a migei, “Ni akinafarir righizir muziarir kam na daningh.” Ezi a kamaghin na migei, “Ni a inigh aneremi. A nin navimin aven ni misogham. Egh nin akamin, an hanin min bar singigham.” ¹⁰ A mikemegha givazima, ki akinafarir righizir muziarim enselin dafarimin a inighava anepi. Ezi nan akamin, a hanin min bar singi. Ki anemegha givazima, a nan navimin aven na misosi. ¹¹ Ezi me kamaghin na migei, “Ni ua God da izezir akamin gun mikim. Akar kamin, mikarzir igharagha garir aviriba ko kantrin aviriba ko nguibabar akar aviriba ko atrivir aviriba, bizir me bativamiba ni dar me mikim.”

11

Godin akam inigha izir gumazir pumuning

¹ Egha me aghorir bizibar abarim na ganingi, an aghorir suiagharuimin min gari, egha me kamagh na migei, “Ni dikavigh Godin Dipenim ko ofa gamir dakozimin apan. Egh ni dipenir kamin Godin ziam fer gumazamizibar dibobonim dipon. ² Egh ni Godin Dipenim okarizir danganir divazir ekiamin aven itim, an apanan marki. God Kantrin Igharazibar Gumazamiziba danganir uari akuvir kam me ganingi. Eghti marazi izi Jerusalem diki mangi 42plan iakinibar tugham. Kamaghin

10:9: Jer 15:16 **10:9:** Jeremaia 15:16 **10:10:** Ese 2:10, 3:3
10:10: Esekiel 2:10; 3:3 **11:1:** Nam 35:5, Ese 40:3, Sek 2:1-2, MAA 21:15 **11:1:** Diboboniba 35:5; Esekiel 40:3; Sekaraia 2:1-2; Akar Mogomem 21:15 **11:2:** Ese 40:17-20, Dan 8:10, Lu 21:24, MAA 12:6, 13:5 **11:2:** Esekiel 40:17-20; Daniel 8:10; Luk 21:24; Akar Mogomem 12:6; 13:5

amizi, ni anetakigh.* ³ Eghti ki uan akamın gun mikimamin gumazir pumuning amadagh gav-gavim aning danightıma, aning nan akam inigh mangam. Aning osimtızir korotiabar aghuighıva, egh nan akam kun mangıva, 1,260plan dughiabar tugham.”

⁴ Gumazir kamning mati olivın temer pumuning ko lamın pumuning nguazir kamın Ekiamın guamın tughav iti.† ⁵ Eghti gumazitam arazir kurabar aning damusi damuti, avim aningın akamningın otogh, bar aningın apanibar isigh me gasighasigham. Kamaghın amizi, gumazir manam arazir kuramın aning damusi, an ovegham. ⁶ Aning overiamın aneghoroghamin gavgavim iti, egh aning Godın akamın gun mikimamin dughiamın, aning mikimti, amozim dughiar kamın izan kogham. Eghti aning dipabar amuti, da bar ghuzimın otivamin gavgavim iti. Aning uaghan bizir kurar igharazibar amuti, da nguazimın gumazamizibagh asighasighamim

* **11:2:** Akar Mogomem 11:2in faragha itir akam, ni Aposelbar Ingangaribar 21:30in gan. Akar Mogomem 11:2in akar igharazir kam, 42plan iakiniba, da 1,260plan arueba, o 3plan azeniba givazima uam akuam. Da 42plan iakiniba ko magh ghue. Ni Daniel 7:25 ko 12:7in gan. Ni akar Kantrin Igharazibar Gumazamiziba Jerusalem dikabırazimın gansıva, Luk 21:24in gan. **11:3:** MAA 12:6, 19:10, 20:4 **11:3:** Akar Mogomem 12:6; 19:10; 20:4 **11:4:** Jer 11:16, Sek 4:11-14 **11:4:** Jeremaia 11:16; Sekaraia 4:11-14 † **11:4:** Ni Sekaraia 4:1-5, ko 4:10-14, ko Akar Mogomem 1:12in gan. **11:5:** Wkp 10:2, 2 Sml 22:9, 2 Kin 1:10-12, Sng 97:3, Jer 5:14, Hos 6:5 **11:5:** Ofa Gami 10:2; 2 Samuel 22:9; 2 Atriviba 1:10-12; Onger Akaba 97:3; Jeremaia 5:14; Hosea 6:5 **11:6:** Kis 7:17-19, 1 Sml 4:8, 1 Kin 17:1 **11:6:** Ua Me Ini 7:17-19; 1 Samuel 4:8; 1 Atriviba 17:1

gavgavim iti. Dughiar kamın, aning bizir kabara amuti da aning ifongezi moghin otivam.

⁷ Aning Godin akamin gun migeir ingangarim agivaghti, mozir torir bar konezimin itir asizir atiam, a torim ategh anangam. Egh an aning ko misoghiva, aning abiragh aning misueghti aning aremegham. ⁸ Eghti aningın kuamning nguibar ekiam kamın tuavir ekiamın irighiv ikiam. E akar isin zuimin a dibora ghaze, Sodom o Isip. Nguibar kamra me fomira gumazir kamningın Ekiam, ter ighuvimin a gafugha a misoghezi an areme. ⁹ Gumazamizir mikarzir igharagha gariba, men marazi ko anababa bar, dar gumazamizir maba ko nguibabar akaba bar, dar gumazamizir maba ko kantriba bar, dar gumazamiziba, men marazi dughiar 3pla ko akuamin aningın kuamningın ganam. Egh aningın kuamning afan anogoregham. ¹⁰ Nguazimin gumazamiziba kamaghın mikim suam, Godin akam ingha izir gumazir kamning, aning mizazir bar kuram nguazimin gumazamizibagh aningi. Kamaghın amizi, me bar aningın ovevem gifuegham, egh bar ighiabar amu, damiva, egh bizir aghuiba uan namakabar aningam.

¹¹ Ezi 3plan dughiaaba ko dughiar akuar kam

11:7: Dan 7:7, 7:21, Sek 14:2, Lu 13:32, MAA 9:2, 12:17, 13:1, 13:5-7, 13:11, 17:8 **11:7:** Daniel 7:7; 7:21; Sekaraia 14:2; Luk 13:32; Akar Mogomem 9:2; 12:17; 13:1; 13:5-7; 13:11; 17:8 **11:8:** Ais

1:9-10, Lu 13:34, Hi 13:12, MAA 14:8, 18:10, 18:24 **11:8:** Aisaia 1:9-10; Luk 13:34; Hibiru 13:12; Akar Mogomem 14:8; 18:10; 18:24

11:10: MAA 12:12, 13:8, 16:10 **11:10:** Akar Mogomem 12:12; 13:8; 16:10 **11:11:** Ese 37:5-14, MAA 11:9 **11:11:** Esekiel

37:5-14; Akar Mogomem 11:9

gıvazi, God uam aning gamizıma, aning ua dikavigha tughav iti, ezi gumazamizir aningın ganiziba bar atiatingi. ¹² Ezi aning orazi tiarir mam Godın Nguibamın kamaghın aning miğei, “Gua kagh anang.” Ezi aningın apaniba garavıra itima, aning Godın Nguibamın ghuavanabo.

¹³ Ezi dughiar kamra mikimkızir dafam otozi, God nguibar ekiamın dipeniba 10plan okoruabar da tuirazi dar okoruar mam bar ikufi. Ezi 7,000plan gumazamiziba ariaghire, ezi ariaghirezir puvatıziba ikia, bar atiatigha Godın uan Nguibamın itimın ziam fe.

¹⁴ Iavzika, ia orakigh! Osımtızir bar ekiar namba 2, a gıfa. Ezi osımtızir bar ekiar namba 3, an otivasa bar roghıra izi.

Enselın namba 7 uan sıgham givi

¹⁵ Ezi enselin namba 7 uan sıgham givima, Godın Nguibamın itir darazi tiariba akara ghaze:

“En Ekiam ko an Gumazir a Gumazamiziba Ua Me Iniasa Mısevezim,
aning datırighın nguazir kam gativagha an gari.

Egh aning atrivimın iki

11:12: 2 Kin 2:1, 2:5-7, 2:11, Ais 14:13, Ap 1:9, MAA 12:5 **11:12:** 2 Atriviba 2:1; 2:5-7; 2:11; Aisaia 14:13; Aposel 1:9; Akar Mogomem 12:5 **11:13:** MAA 6:12, 8:5, 14:7, 16:9, 16:18 **11:13:** Akar Mogomem 6:12; 8:5; 14:7; 16:9; 16:18 **11:14:** MAA 8:13, 9:12, 15:1
11:14: Akar Mogomem 8:13; 9:12; 15:1 **11:15:** Kis 15:18, Sng 10:16, Ais 27:13, Dan 2:44, 7:14, 7:27, Oba 21, MAA 10:7, 12:10, 19:6
11:15: Ua Me Ini 15:18; Onger Akaba 10:16; Aisaia 27:13; Daniel 2:44; 7:14; 7:27; Obadia 1:21; Akar Mogomem 10:7; 12:10; 19:6

mamaghira ikiam.”‡

16 Ezi 24plan gumazir dapanir Godin guamin uan atrivir dabirabibagh apiaziba, me teviba apirigha uan guaba nguazim mituagha Godin ziam fe. 17 Egha ghaze:

“Ekiam, ni Godin Gavgaviba Bar Itim.

Ni bar fomira ikia
egha iza datirighin uaghan iti.

Ni uan gavgavir ekiam inigha
egha datirighin atrivimin iti.

Kamaghin amizi, e ni minabi.

18 Kantrin Igharazibar Gumazamiziba bar
puviram atari,
ezi nin aningagharim otogha gifa.

God gumazamizir ovengeziba tuisighamin
dughiam
otogha gifa.

Kar dughiar nin ingangarir gumazamizir nin
akam inigha izeziba,
me uan ivezir aghuim iniamim.

Gumazamizir nin atiatia egha nin ziamin apengan
itiba,

‡ **11:15:** Grighin akamin, Gumazir God Gumazamiziba Ua Me Iniasa Misevezim, me kamaghin a dibora ghaze, Kraiss. **11:16:** MAA 4:4, 4:10, 5:8, 19:4 **11:16:** Akar Mogomem 4:4; 4:10; 5:8; 19:4 **11:17:** MAA 1:4, 1:8, 4:8, 15:3, 16:5, 19:6 **11:17:** Akar Mogomem 1:4; 1:8; 4:8; 15:3; 16:5; 19:6 **11:18:** Sng 2:1, 2:5, 46:6, 110:5, 115:13, Dan 7:9-10, Ro 2:5, MAA 6:10, 10:7, 13:10, 18:6, 19:5, 20:11-13 **11:18:** Onger Akaba 2:1; 2:5; 46:6; 110:5; 115:13; Daniel 7:9-10; Rom 2:5; Akar Mogomem 6:10; 10:7; 13:10; 18:6; 19:5; 20:11-13

gumazamizir ziaba itiba ko ziaba puvatiziba uakan.
 Eghti gumazamizir nguazimin itir gumazamiz-
 ibagh asighasiziba,
 God uaghan me gasighasigham.”

¹⁹ 24plan gumazir dapaniba mikemegha givazima, Godin Dipenir an Nguibamin itim kuiagherizima, me garima, Akar Dikirizir Gavgavim itir Boksiam Godin Dipenimin aven iti. Ezi overiamin onimariba taghtagha tintinibar zuima, niginir dafam otozi, arariba dagarvasi, ezi mikimkizim otozi amozir ofizir ekiar dagiabar min gariba iri.

Satan uan adarazi ko bar ikufi

12

(Sapta 12--20)

Jon gara, amizim ko kuruzir ekiamin gari

¹ Ezi overiamin pin bizir bar igharagha garim oto. Amizir mam, an aruemin angazangarim kotiamin min aneru, ezi iakinim an suemningin apengan iti, ezi dapanir asuar mikovezir 12pla itim, an dapanimin iti. ² Amizir kam navim asegha borim batasava amua mizazim isava arai.

³ Ezi overiamin bizir igharagha garir igharazim oto, maburan kuruzir agheviri mam, a dapanir 7pla ikia, egha 10plan komba ikia, egha 7plan

11:19: Hi 9:4, MAA 8:5, 15:5, 15:8, 16:18, 16:21 **11:19:** Hibru 9:4; Akar Mogomem 8:5; 15:5; 15:8; 16:18; 16:21 **12:2:** Ais 66:7, Ga 4:19 **12:2:** Aisaia 66:7; Galesia 4:19 **12:3:** Dan 7:7, MAA 13:1, 17:3, 17:9 **12:3:** Daniel 7:7; Akar Mogomem 13:1; 17:3; 17:9

atrivim̄in dapanir asuaba vaghavagha an dapani-bar iti. ⁴ Kuruzir kam overiam̄in itir mikoveziba 3plan okoruabar da taira, egha okoruar mam pamtem uan ipem̄in dar vigha da makunizima da iza nguazim gire. Kuruzim ghaze, amizim borim bategħt̄ima an anemasa, kamagh̄in kuruzim amizim̄in guam̄in tughav iti. ⁵ Ezi amizim otarim bate, otarir God misevezim, a ain̄in aghorir gavgavim̄in suiragh̄iva gumazamiziba miġhvira me gativagham. Ezi an otarim me zuamira a inigha God̄in atrivir dabirabim̄in anefasava a inigha ghuavanabo. ⁶ Ezi amizir kam ara gumazamiziba puvatizir danganim̄in ghu. Danganir kam God a bagha anekiri, eght̄a kagh 1,260plan dugħiabar iki akurvazim ini ikiam. ⁷ Ezi datirigh̄in maburan midorozim God̄in Nguibam̄in pin oto. Maikel uan enselba ko kuruzir kam misosi, ezi kuruzir ekiam uan enselba ko men midorozim ikarvasi. ⁸ Egha kuruzir kam gavgaviba puvatigha God̄in Nguibam̄in uan danganim ataki. ⁹ Ezi Maikel̄in enselba kuruzir ekiam akunizi a iza-ghira iri. Kar kuruzir fomira itim, me Satan a garisi egha uaghan an ziar mam, “Gumazir Akam Gumazamizibagh asim.” A gumazir nguazim̄in itir gumazamizibagh ifarim, a datirigh̄in uan en-

12:4: Dan 8:10, MAA 9:10, 17:18 **12:4:** Daniel 8:10; Akar Mogomem 9:10; 17:8 **12:5:** Sng 2:9, Ais 7:14, 66:7, MAA 2:27, 19:15 **12:5:** Onger Akaba 2:9; Aisaia 7:14; 66:7; Akar Mogomem 2:27; 19:15 **12:6:** MAA 11:2-3, 12:4 **12:6:** Akar Mogomem 11:2-3; 12:4 **12:7:** Dan 10:13, 10:21, 12:1, Ju 9, MAA 20:2 **12:7:** Daniel 10:13; 10:21; 12:1; Jut 1:9; Akar Mogomem 20:2 **12:9:** Stt 3:1, 3:4, 3:14, Lu 10:18, 22:31, Jo 12:31, MAA 9:1, 20:2-3 **12:9:** Jenesis 3:1; 3:4; 3:14; Luk 10:18; 22:31; Jon 12:31; Akar Mogomem 9:1; 20:2-3

selba ko iza nguazim giri.

¹⁰ Ezi ki Godin Nguibamin tiarir ekia mam barazi a kamaghin migei:

“Gumazir Godin guamin tugharima dımagariba ko aruebar en adarazi akam me gasim,
me anekunizi a nguazimin iraghu.

Kamaghin amizi, datirighin God uan gumazamiz-ibar akurvasi,

ezi an gavgavim bar azenim girizi,

A Bizibagh Ativir Dughiam otogha gifa!

Ezi an Gumazir God Gumazamiziba Ua Me Iniasa Misevezim,

uan gavgavim inigha gumazamizibar akazi,
me an apengan iti!

¹¹ Kraisin adarasi, dughiar gumazamiziba me misozima me ariaghirim,
dughiar kamın me uan mikarzi bagh nighnizir pu.

Bar puvati.

Me ghaze, pura bizim.

Kamaghin amizi, me Sipsipin Nguzimin ghuzim ko guizin akar me gun migeimin,

me Satanin misuegha anebira.

¹² Kamagh amizi, ia Godin Nguibam ko an itir darazi bar,
ia bar akongegh!

Ezi nguazim ko ongarim,

12:10: Jop 9:11, Sek 3:1, MAA 11:15, 19:1 **12:10:** Jop 1:9-11;
Sekaraia 3:1; Akar Mogomem 11:15; 19:1 **12:11:** Lu 14:26, Ro
8:33-34, 8:37 **12:11:** Luk 14:26; Rom 8:37; 16:19-20 **12:12:** Ais
44:23, 49:13, MAA 8:13, 10:6, 11:10, 18:20 **12:12:** Aisaia 44:23;
49:13; Akar Mogomem 8:13; 10:6; 11:10; 18:20

guavzika,
gua bar ikuvigham.

Satan fo, a ikiamin dughiam bar otefe,
kamaghin amizi a guan aningaghi
gua gasighasighasa gua bagha izaghiri.

Kamaghin amizi, guan aven itir darasi,
iavzika.”

¹³ Ezi kuruzim fo, me anekunizi a nguazimin iraghu, egha amizir otarim batezir kamın agıra.

¹⁴ God kamaghsua, amizim azenir 3pla ko akuamin gumazamiziba puvatizir danganimin ikiva, egh a kagh akurvazim iniam. Kamaghin amizi, a mighhegh danganir God a bagha dikirizir kamın mangasa, God kuarazir anebar ekiamin avizimning a ganingi. ¹⁵ Kuruzim kamaghsua, aperiar ekiam amizim inigh mangigham. Egha kamaghin uan akamin dipar ekiamin miki, ezi dipar kam aperiar ekiamin min ivegha amizimin gin zui. ¹⁶ Ezi nguazim amizimin akurvagha, akam akarigha dipar kuruzim mighizir kam tui. ¹⁷ Kamagh amizi, kuruzim puviram amizim atara ghua an borir igharaziba ko misoghasa, kar Godin Akar Gavgavibar gin zuir darazi ko Iesusin akamin gun migeiba. ¹⁸ Egha kuruzim ongarir dadarimin tughav iti.

12:14: Dan 7:25, 12:7, MAA 12:6, 17:3 **12:14:** Daniel 7:25; 12:7;
Akar Mogomem 12:6; 17:3 **12:15:** Ais 59:19 **12:15:** Aisaia
59:19 **12:17:** Stt 3:15, 1 Ko 2:1, 1 Jo 5:10, MAA 11:7, 13:7, 14:12,
20:4 **12:17:** Jenesis 3:15; 1 Jon 5:10; Akar Mogomem 11:7; 13:7;
14:12; 20:4

13

Asizir atiar pumuning oto

¹ Ezi ki garima asizir atiar mam ongarimın otogha anadi. A dapanir 7pla iti, ezi komın 10pla an dapanibar iti. Ezi 10plan atrivimın dapanir asuaba vaghvagha an 10plan kombar iti. Ezi an dapaniba vaghvagha Godın ziamın tiraghtirazir ziaba dar iti. ² Asizir atiar ki datirighın garir kam, a kaziar atiar ekiam me kamaghın diborim lepat, an an mın gari. Ezi an sueba, asizir atiar kurar me kamaghın diborim bea, an an suebar mın gari. Ezi an akam laionın akamın mın gari. Ezi asizir atiar kam, kuruzim uan gavgavim ko atrivir dabirabim ko bizibagh ativamin gavgavir ekiam a ganıngi. ³ Nan ganganimın asizir atiar kamın dapanir mam, me a birazi a duam atigha atam aremeghai, ezi an duam ua ikiri. Ezi nguazimın itir gumazamiziba bar digavir kuram gamigha asizir atiar kamın gın zui. ⁴ Gumazamiziba fo, kuruzim uan gavgavim isa asizir atiam ganıngi, kamaghın amizi me kuruzimın ziam fe. Egha uaghan asizir atiar kamın ziam fa ghaze, “Gumazitam asizir atiar kamın mın gavgavim itir puvati! Gumazitam a ko misoghan kogham!”

⁵ God asizir atiamın amamangatizi, an akam God gasava Godın ziamın tiraghtirazir gavgavim

13:1: Dan 7:2-3, 7:7, MAA 12:3, 17:3, 17:7-12 **13:1:** Daniel 7:2-3; 7:7; Akar Mogomem 12:3; 17:3; 17:7-12 **13:2:** Dan 7:4-6, MAA 12:4, 12:9, 16:10 **13:2:** Daniel 7:4-6; Akar Mogomem 12:4; 12:9; 16:10 **13:3:** MAA 13:12-14, 17:8 **13:3:** Akar Mogomem 13:12-14; 17:8 **13:4:** MAA 18:18 **13:4:** Akar Mogomem 18:18
13:5: MAA 11:2, 12:6 **13:5:** Akar Mogomem 11:2; 12:6 **13:5:** Daniel 7:8; 7:25; 11:36

ikia, ghua 42plan iakinibar tu. ⁶ Egha uan akamin God ko Godin ziam ko Godin Nguibam, ko an Nguibamin itir darazi sara, men tira. ⁷ Ezi God an amamangatizima, a Godin gumazamiziba ko midorozim gamua, egha me abira. God gavgavir ekiam a ganingi, ezi an anababa bar dar gumazamiziba, ko mikarzir igharagha gariba bar, ko vaghvagha nguibabar akabav geir gumazamiziba, ko kantriba bar dar gumazamiziba, a me gativaghamin gavgavim iti. ⁸ Eghti nguazimin itir gumazamiziba asizir atiar kamın ziam fam. Fomira, nguazir kam tighar otivamin dughiamin, God gumazamizir ikirimirir zurara itim iniamin ziaba akinafarimin aven da osiri. Akinafarir kam, kar me fomira misoghezi aremezir Sipsipin Nguzimin akinafarim. Eghti gumazamizir kabara, me asizir atiamin ziam fan kogham.

⁹ “Tina kuarimning iti, an oragh.

¹⁰ Eghti gumazitam kalabusin mangisi, God amamangatighti,
a kalabusin mangi.

Eghti gumazitam midorozir sabamin ovengsi, God
an amamangatighti,
a midorozir sabamin ovengam.

13:6: MAA 12:12 **13:6:** Akar Mogomem 12:12 **13:7:** Dan 7:21, MAA 11:7, 11:18, 12:17, 17:15 **13:7:** Daniel 7:21; Akar Mogomem 11:7; 11:18; 12:17; 17:15 **13:8:** Kis 32:32, Sng 69:28, Dan 12:1, Fl 4:3, MAA 3:5, 5:6, 17:8, 20:12-15, 21:27 **13:8:** Ua Me Ini 32:32; Onger Akaba 69:28; Daniel 12:1; Filipai 4:3; Akar Mogomem 3:5; 5:6; 17:8; 20:12-15; 21:27 **13:10:** Ais 33:1, Jer 15:2, 43:11, Mt 26:52, MAA 14:12 **13:10:** Aisaia 33:1; Jeremaia 15:2; 43:11; Matyu 26:52; Akar Mogomem 14:12

Bizir kaba otivtɪma,
 Godɪn gumamaziziba nighnɪzir gavgavim iki
 tugh gavgavigh mamaghɪra iki.”

¹¹ Egha ki asizir atiar igharazir mamɪn garima, a nguazimɪn anagav oto. Egha an dapanimɪn komɪn pumuning sipsipɪn nguzimɪn komɪn mɪn gari. Egha a kuruzir ekiam miɣei moghɪra miɣei. ¹² Ezi asizir atiar namba 2ɪn kam, asizir atiar faragha izezimɪn gavgavimɪn biziba bar dagh ami. Egha nguazim ko an itir gumamazizibagh amima, me asizir atiar faragha zuimɪn ziam fe. Asizir atiar kam, faragha duam ikia aremeghasa amua egha duam ua ikiri. ¹³ Ezi namba 2ɪn asizir atiar kam, arazarazir ekiar gumamazizibar navibagh inivamin aviribagh ami. Egha an amizir arazir mam kamakɪn, an avim gamizi a gumamazizibar damazibar overiam ategha izaghira nguazim giri. ¹⁴ Ezi God asizir atiar namba 2ɪn amamangatizi, an arazarazir ekiabagh amizi da asizir atiar faragha zuimɪn guamɪn otifi. Ezi an amir arazarazir kabar, a nguazimɪn itir gumamazizibagh ifara me miɣia ghaze, “Ia asizir atiar faragha zuimɪn marvir guamɪn ingarigh an ziam fi.” Asizir atiar kam, me midorozir sabamɪn duam a gati, ezi a uam angamɪra iti. ¹⁵ God asizir atiar namba

13:11: Akar Mogomem 11:7 **13:13:** Lo 13:1-3, 1 Kin 18:24-39, 2 Kin 1:10-12, Mt 24:24, 2 Te 2:9 **13:13:** Godɪn Araziba 13:1-3; 1 Atriviba 18:24-39; 2 Atriviba 1:10-12; Matyu 24:24; 2 Tesalonika 2:9 **13:14:** Lo 13:1, 13:4, 2 Te 2:9-10, MAA 12:9, 19:20 **13:14:** Godɪn Araziba 13:1; 2 Tesalonika 2:9-10; Akar Mogomem 12:9; 19:20 **13:15:** Dan 3:4-6, MAA 16: 2, 19:20, 20:4 **13:15:** Daniel 3:4-6; Akar Mogomem 16:2; 19:20; 20:4

2in amamangatizi, an asizir atiar faragha zuimin marvir guar kam gamizi, an angamira ikia bizibav gei. Kamaghin amizi gumazamizitaba, marvir guar kamın ziam fan aghuaghti, a mikemeghti me me misueghti me arimighiram. ¹⁶ Gumazamiziba bar, a uaghan uan osizirim men agharir guviba o men guabar arighasa pamten me gakaghori. Me, gumazamizir kiniba ko gumazamizir ziaba itiba ko, biziba puvatiziba ko, bizir aviriba itiba ko, pura ingangarir gumazamiziba ko gumazitamın apengan itir puvatizir gumazamiziba, me bar osizirim ini. ¹⁷ Kamaghin amizi, gumazitam osizirir kam ikian kogh, egh uan biziba amang egh uaghan men bizibagh izevan kogham. Osizirir kam, an asizir atiamın ziam, o an ziamın aven itir mogomer namba. ¹⁸ Gumazim Godın fofozim ikiva, deravira bizir kam gifogham. Gumazim fofozir aghuim iki, egh deravira asizir atiamın namba tuisighiva a buriam. Kar gumazir mamın ziamın namba. An namba kara, 666.*

13:16: MAA 14:9, 19:20, 20:4 **13:16:** Akar Mogomem 14:9; 19:20; 20:4 **13:17:** MAA 14:9-11, 15:2, 16:2, 19:20, 20:4 **13:17:** Akar Mogomem 14:9-11; 15:2; 16:2; 19:20; 20:4 **13:18:** MAA 15:2, 17:9, 21:17 **13:18:** Akar Mogomem 15:2; 17:9 * **13:18:** Me fomira, Hibrun akam ko Grighin akamın osira, egha nambaba osirir puvati. Me osirir letaba, maba nambabar mın iti. Men leta “a,” a mati namba 1, ezi leta “b,” mati namba 2, egha da dibora kamaghira zui. Eghti gumazitam ziatam osirti, ni ziar kamın letabar gan, egh namban ababanir an ziamın mirara zuiba akuvaghti, an ziam otogham. Ezi fofozir gumazir maba namban kam 666, me nighnizir bar aviribar a gami. Egha fofozir gumazir bar avirim ghaze, Jon ti Sisar Neron migei. A Romın atrivir mam, a faragha Kraisin adarazigh asighasiki.

14

Sipsipin Nguzimın gumazamiziba ighiar igiam gami

¹ Ezi ki ua gari, Sipsipin Nguzim Saionin Mighsiamın tughav iti. Ezi 144,000in gumazamiziba a ko tuivighav iti. Ezi Sipsipin Nguzimın ziam ko an afeziamın ziamın osizirim men guabar iti. ² Ezi ki orazi, tiarir mam Godın Nguibamın miğei, ezi an miğiriğiaba mati dipar ekiaba puvira nidi moghın nidi, egha mati arariba dagarvazi moghın dagarvasi, egha mati gumazamiziba uan gitabav sozi moghın, pamten miğei. ³ Ezi 144,000in gumazamiziba, me Godın atrivir dabirabim ko 4plan bizir angamıra itiba ko gumazir dapaniba, me men guamın tuivighav ikia ighiar igiar mam gami. Me nguazir kamın gumazamizir God ua ivezeziba, merara ighiar igiar kam giğo. Gumazamizir igharazitaba ua ighiar igiar kam gifoghan kogham. ⁴ Ezi gumazamizir 144,000in kaba amizitaba isa da ko akua egha arazir kuratam gamigha Godın damazimın mizezir puvati. Me bar zuegha iti. Me Sipsipin Nguzim aruir daroribar gara darara giğin zui. God nguazimın gumazamizibar tongın 144,000plan gumazamizir kaba ua

14:1: Ese 9:4, MAA 3:12, 5:6, 7:3-4, 13:16 **14:1:** Esekiel 9:4; Akar Mogomem 3:12; 5:6; 7:3-4; 13:16 **14:2:** Ese 1:24, 43:2, MAA 1:15, 5:8, 19:6 **14:2:** Esekiel 1:24; 43:2; Akar Mogomem 1:15; 5:8; 19:6 **14:3:** Sng 149:1, Ais 42:10, MAA 5:9, 7:4, 15:3 **14:3:** Onger Akaba 149:1; Aisaia 42:10; Akar Mogomem 5:9; 7:4; 15:3 **14:4:** 2 Ko 11:2, Ef 5:27, Je 1:18, MAA 3:4, 5:9 **14:4:** 2 Korin 11:2; Efesus 5:27; Jems 1:18; Akar Mogomem 3:4; 5:9

me givese. Ezi me, God ko Sipsipin Nguzim aning bagha faraghavira inabazir gumazamizibara. Eghti me aningın adarazir min ikiam.* ⁵ Men akatoribar ifavaritam otozir puvati. Ezi gumazamizir igharaziba akatam me gasir puvati.

Enselin 3pla akam akuri

⁶ Ezi ki enselin igharazimin garima an overiamın pin mighhegha zui. A nguazimin itir gumazamiziba ko, gumazamizir kantriba bar dar itiba ko, anababa bar ko, nguibabar akaba bar ko, mikarzir igharagha gariba bar, a me bagha zurara itir Akar Aghuim akunasa mighhegha zui. ⁷ Egha a pamten kamaghın migei, “God gumazamizibar arazibar tuisighamin dughiam bar roghira ize. Kamaghın amizi, ia Godın atiating, egh ziar ekiam a daning. Ia, overiam ko nguazim ko ongarim ko nguazimin aven ivemarir dipabar ingarizir God, an ziam fi.”

⁸ Ezi enselin an girara irir mam iza ghaze, “Babilonın nguibar ekiam bar ikufi! Guizbangira

* **14:4:** Vezin kam, Grighın akam guizbangira ghaze, me gumazamiziba uari ko akuir arazim gamizir puvati. Ezi fofozir gumazir avirim ghaze, a gumazamizir deravira God ifongezir arazibar gin zuimin akar isin zuim migei. Me arazir kurar guar aviribagh amizir puvati. **14:5:** Sng 32:2, Sef 3:13, Ef 5:27 **14:5:** Onger Akaba 32:2; Sefanaia 3:13; Efesus 5:27 **14:6:** Ef 3:9-11, MAA 8:13, 13:7 **14:6:** Efesus 3:9-11; Akar Mogomem 8:13; 13:7 **14:7:** Neh 9:6, Sng 124:8, Ap 17:24, MAA 10:6, 15:4 **14:7:** Nehemia 9:6; Onger Akaba 124:8; Aposel 17:24; Akar Mogomem 10:6; 15:4 **14:8:** Ais 21:9, Jer 51:8, MAA 17:2, 18:2-3, 18:21, 19:2 **14:8:** Aisaia 21:9; Jeremaia 51:8; Akar Mogomem 17:2; 18:2-3; 18:21; 19:2

a ikuvigha givazi gumazitam an itir puvati. Babilonin Nguibar Ekiar kamra gumazamizibagh amizi, me a ko arazir uari bakia akuir arazir kurar gavgavibagh ami, mati me wainin gavgavim me ganingizi, me aneme.”†

⁹ Ezi enselin mikezim aningın gin iza pamten dia ghaze, “Gumazitam asizir atiar kam ko an marvir guam, aningın ziam fi, egh an namba uan guam o agharimin a inighiva, ¹⁰ a uaghan wainin igharagha garim amam. Wainin kamnang, a Godin aningagharim. God faragh wainin kam dipatam a gisin a ingeghti an gavgavitaba givaghan kogham. Bar puvati. An aningagharir arazimin, arazir kuraba ikarvazir kap gingeghtima gumazamizir kaba aneremam. Egh Sipsipin Nguzimin damazim ko Godin enselbar damazimin, gumazamizir kaba avim ko salfan dagiar avimin mizazir ekiam iniam. ¹¹ Ezi avir mizazim me ganidir kam, an migharim

† **14:8:** Babilonin nguibar ekiam fomira ikuvigha itima, Jon gin Akar Mogomemin akinafarir kam osiri. Kamaghin amizi, fofozir gumazir avirim ghaze, a guizbangira Babilonin migeir puvati. Me ghaze, a Babilon fomira amizir arazir kurabagh nighnisi, egha kantrin gavgavir igharaziba, arazibagh amuava egha Godin apanim gamizibar akar isin zuimin migei. Ezi marazi ghaze, a Romın Kantri migei. (Ni 1 Pita sapta 5:13in gan.) Ezi marazi ghaze, ziar kam Babilon, a gumazamizir Kraiso ko an adarasi, men apanim gamiba. **14:9:** MAA 13:12-17 **14:9:** Akar Mogomem 13:12-17 **14:10:** Stt 19:24, Sng 11:6, 75:8, Ais 51:17, Jer 25:15, Ese 38:22, MAA 15:7, 16:19, 18:6, 19:20, 20:10, 21:8 **14:10:** Jenesis 19:24; Onger Akaba 11:6; 75:8; Aisaia 51:17; Jeremaia 25:15; Esekiel 38:22; Akar Mogomem 15:7; 16:19; 18:6; 19:20; 20:10; 21:8 **14:11:** Ais 34:10, MAA 13:12-17, 19:3 **14:11:** Aisaia 34:10; Akar Mogomem 13:12-17; 19:3

pın ghuavanang mamaghıra ikiam. Gumazamizir asızir atiam ko an marvir guamın ziam feba o an namba iniziba, dımagariba ko aruebar avughsan kogham.”

¹² Eghtı arazir kaba otıvtıma, Godın gumazamiziba tugh gavgafıgh. Me gumazamizir Godın Akar Gavgavıbar gın zuıba ko, nıghnızir gavgavım İesusın ikıavıra itıba.

¹³ Ezi ki Godın Nguıbamın tiarir mam barazıma, a kamaghın mıgei, “Nı akam kamaghın an osırıgh. Datırıghın ikegh mangı, gumazamizir nıghnızir gavgavım Ekıamın ikıa egh gın ovengamıba, me bar akongegh.” Ezi Godın Duam uaghan ghaze, “Bar guızbangıra. Me amir ingangarır osımtızir kam ategh, egh mangı avughsi. Egh me pura mangan kogham. Puvatı. Arazir aghuir me amızıba men gın mangıtı God kotıamın dar ganam. Kamagh amızı, me bar akongegh.”

God abuan gumazamiziba tuisıghamın dughıamın akar ısın zuım

¹⁴ Ezi ki gari, ghuarıar ghurghurır mam itı, ezi gumazır mam Gumazamızıbar Otarımın mın gara ghuarıar ghurghurır kam gaperaghav itı. Ezi golin dapanır asuam an dapanımın itı, ezi an dafarımın

14:12: MAA 12:17, 13:10 **14:12:** Akar Mogomem 12:17; 13:10

14:13: 1 Ko 15:23, 15:58, 1 Te 4:16, 2 Te 1:7, Hi 4:10, MAA 20:6

14:13: 1 Korın 15:23; 15:58; 1 Tesalonıka 4:16; 2 Tesalonıka 1:7; Hıbru 4:10; Akar Mogomem 20:6 **14:14:** Ese 1:26, Dan 7:13, MAA 6:2 **14:14:** Esekiel 1:26; Daniel 7:13; Akar Mogomem 6:2

a sabar ikizirizir bar ghumtizimın suira.‡ ¹⁵ Ezi enselin igharazir mam Godın Dipenimın ikegha iza, gumazir ghuariar ghurghurim gaperaghav itim, tiarir ekiamın an dia ghaze, “Nguazimın dagheba bar anigha gifa, ezi dagher kaba aghoramin dughiam a datirighın oto. Kamaghın amizi, ni uan sabar ikizirizim inigh, daghebar aghor.” ¹⁶ Ezi gumazir ghuariar ghurghurim gaperazim, uan sabar ikizirizim nguazimın a ighengezi, dagher andizir nguazimın itiba dighoraghiri.

¹⁷ Ezi enselin igharazir mam Godın Nguibamın an dipenimın ikegha azenan izi, egha uaghan sabar ghumtizir mam iti.

¹⁸ Ezi enselin igharazir mam ofa gamir dakozi ategha izi, kar enselin avimın garim. Egha a enselin sabar ghumtizimın suiraghav itimın di- agha ghaze, “Wainın oviziba anigha gifa. Kamaghın amizi, ni uan sabar ghumtizim inigh nguazimın wainın oviziba kuar egh danganir vamira dar pozim mikın.” ¹⁹ Ezi enselin kam uan sabam inigha nguazimın a ighengezima, nguazimın wainın oviziba bar kuaraghire. Ezi a da isa dar pozim mikiri, egha da isa dagiar miner bar ekiamın da akuni. Eghti me da mirmiram. Wainın oviziba mirmiramın miner ekiar kam, a God gumamazibar aningaghamin arazim aka.

‡ **14:14:** Ni akar Daniel 7:13in itimın gan. **14:15:** Jer 51:33, Jol 3:13, MAA 14:18, 16:17 **14:15:** Jeremaia 51:33; Joel 3:13; Akar Mogomem 14:18; 16:17 **14:18:** Jol 3:13, MAA 16:8 **14:18:** Joel 3:13; Akar Mogomem 16:8 **14:19:** MAA 19:15 **14:19:** Akar Mogomem 19:15

²⁰ Ezi me dagiar miner ekiar kamın wainın oviziba nguibar ekiamın azenan da mirmırı. Ezi ghuzim dagiar minemın azenan iza, aperiamın mın ghua 300 kilomitan tu. Ezi ghuzimın konim anaga mitan pumuningın boroghın tu. §

15

Enselın 7pla bizir bar kurar 7plan suiki

¹ Ezi ki Godın Nguibamın gari, bizir igharagha garim otifi, ezi ki bar dıgavir kuram gami. Ki 7plan enselbar gari, me ikia egha 7plan bizir bar kurar gumazamizibagh asıghasızibar suiki. Eghti 7plan bizir kurar kaba gıvaghti, ua igharaziba otivan kogham, kamaghın amızı, bizir kurar 7plan kabanangın gın, Godın anıngagharım bar gıvagham.

² Ezi ki bizir ekiar mamın gari, a mati ongarir ekiam me glas ko avim sara an ingari. Gumazamiziba faragha asızir atiar kam ko an marvir guam, ko an ziamın namba, me dav sogha da abını. Egha me datırıghın ongarir glasın mın garir kamın mırıamın tuivıghav ikia, egha God

14:20: Ais 63:3, Kra 1:15, Hi 13:12, MAA 11:8, 19:14-15 **14:20:** Aisaia 63:3; Azir Akam 1:15; Hibru 13:12; Akar Mogomem 11:8; 19:14-15 § **14:20:** Fofozir gumazir avırım ghaze, nguibar ekiar kam a Jerusalemra. Me Grıghın akamın namban kam osiri, “1,600 stadia,” ezi an dıbobonım, en 300 kilomitan mın ghu. E deravira fozir puvati, e dıbori moghın 300 kilomitan namban kam, a 1,600ın dıbobonım ko aning magh ghuzi, o kar bizir igharazımın ababanımın dıbobonım. **15:1:** Wkp 26:21, MAA 12:1-3, 14:10, 15:6-7, 21:9 **15:1:** Ofa Gami 26:21; Akar Mogomem 12:1-3; 14:10; 15:6-7; 21:9 **15:2:** MAA 4:6, 5:8, 13:15-17, 14:2, 21:18 **15:2:** Akar Mogomem 4:6; 5:8; 13:15-17; 14:2; 21:18

me ganingizir gitabar suiki.* ³ Egha me Godin ingangarir gumazim, Moses ko Sipsipin Nguzim, me aningin ighiam gamua kamaghin migei:

“Ekiam God, ni Godin Gavgaviba Bar Itim!
 Ni arazarazir igharagha garir ekiabagh ami,
 ezi e dar gara
 digavir kurabagh ami!
 Gumazamiziba bar ni men atrivim!
 Nin araziba, da bar deragha
 bar guizbangira!
⁴ Ekiam ni uabira guizbangira God.
 Eghti gumazamiziba bar nin atiating
 ziar ekiam ni daning.
 Nin arazir aghuiba bar azenim girigha gifa,
 kamaghin amizi, kantriba bar dar gumaza-
 miziba bar izi
 ni bagh teviba apir
 nin ziam fam.”

⁵ Bizir kamin gin ki ua gari, Godin Dipenim, a Godin Nguibamin Purirpenim, a kuiaghiri. Kar

* **15:2:** Saptan kamin migirigiar avirim, da Moses osirizir eghaghaniba ko magh ghue. Moses Isip bagha asighasighasa aningagharim gamizi an oto. Israelia ongarim a bigha Isipba ategha vongin ongarir dadarimin tuivaghavira ikia, egha Moses Israelia ko me ighiar mam gamua egha Ekiamin ziam fe. (Ni Ua Me Ini 15in gan.) **15:3:** Kis 15:1, Lo 31:30, Sng 92:5, 111:2, 139:14, 145:17, MAA 11:17, 14:3, 16:7 **15:3:** Ua Me Ini 15:1; Godin Araziba 31:30; Onger Akaba 92:5; 111:2; 139:14; 145:17; Akar Mogomem 11:17; 14:3; 16:7 **15:4:** Sng 86:9, Ais 66:23, Jer 10:7 **15:4:** Onger Akaba 86:9; Aisaia 66:23; Jeremaia 10:7 **15:5:** Kis 38:21 **15:5:** Ua Me Ini 38:21

Godin Akar Dikirizir Gavgavim aven itir Purirpenim.† 6 Ezi enselin 7plan kaba, bizir bar kurar 7plan gumazamizibagh asighasighamiba suigha Godin Dipenim ategha azenan izi. Me inir igiar bar zuruzir dafoziba ike. Egha golin letiaba uan evariba kuamigha da ike. 7 Ezi 4plan bizir angamira itibar mav, 7plan golin itariba inigha enselin 7pla ganingi. Golin itarir 7plan kabanagh, Godin Zurara Itimin aningagharir arazim dagh izifa. 8 Ezi Godin Dipenim, an angazangarim ko an gavgavimin migharim, bar a gizifa. Kamaghin amizi gumazitam dipenimin aven manghan kogham. Me kamaghira iki mangi 7plan enselba, 7plan bizir bar kurar gumazamizibagh asighasighamin ingangarim givagham.

16

Enselba Godin aningagharir 7plan itaribar itiba nguazim ginge

1 Ezi ki tiarir ekiar mam barazi, a Godin Dipenimin otogha kamaghin 7plan enselbav gei,

† **15:5:** Migirigiar kam a Bar Anogoroghezir Danganimin gun migei. Godin Akar Dikirizir Gavgavimin Boksiam, a Bar Anogoroghezir Danganimin aven ikia, egha Godin Purirpenimin aven iti. Ni Ua Me Ini 40:1-33in gan. **15:6:** MAA 15:1 **15:6:** Akar Mogomem 15:1 **15:7:** 2 Te 1:9, MAA 4:6, 4:9, 10:6, 14:10 **15:7:** 2 Tesalonika 1:9; Akar Mogomem 4:6; 4:9; 10:6; 14:10 **15:8:** Kis 40:34, 1 Kin 8:10-11, 2 Sto 5:13-14, Ais 6:4, Ese 44:4, 2 Te 1:9 **15:8:** Ua Me Ini 40:34; 1 Atriviba 8:10-11; 2 Eghaghaniba 5:13-14; Aisaia 6:4; Esekiel 44:4; 2 Tesalonika 1:9 **16:1:** Sng 69:24, Ais 66:6, Jer 10:25, Ese 22:31, Sef 3:8, MAA 14:10, 15:1, 15:7, 16:17 **16:1:** Onger Akaba 69:24; Jeremaia 10:25; Esekiel 22:31; Sefanaia 3:8; Akar Mogomem 14:10; 15:1; 15:7; 16:17

“Ia Godin aningagharir arazir 7plan itaribar itiba inigh mangi nguazimin da ingi.”

² Ezi enselin faragha zuim, uan itarir Godin aningagharim izivazim inigha ghua nguazimin a inge, ezi duar bar igharagha garir kurar gavgav-iba, gumazamizir asizir atiamin namba itiba ko an marvir guamin ziam feba, men mikarzibar otifi.

³ Ezi namba 2 ensel uan itarim ongarim gingezi, ongarim gumazir aremezir kuamin ghuzimin min oto. Ezi bizir angamira an itiba, da bar ariaghire.

⁴ Ezi namba 3 ensel uan itarim faneba ko dipar atuibagh inge. Ezi dipar kaba bar moghira ghuzimin min oto. ⁵ Ezi ki orazi, enselin dipabar garim kamaghin migei:

“God, ni datirighin ikia, egha uaghan faragha ike.
Ni Godin Bar Zuezim.

Nin araziba bar derazi
arazir kuratam nin itir puvati.

Ni gumazamizibar arazir kuraba tuisigha
da ikarvagha ivezir kuram me ganingi,
ezi nin arazir kam
a guizin arazim.

16:2: Kis 9:10, Lo 28:35, MAA 8:7, 13:12-17 **16:2:** Ua Me Ini 9:10; Godin Araziba 28:35; Akar Mogomem 8:7; 13:12-17 **16:3:** Kis 7:17-21, MAA 8:8-9 **16:3:** Ua Me Ini 7:17-21; Akar Mogomem 8:8-9 **16:4:** Kis 7:17-21, Sng 78:44, MAA 8:10 **16:4:** Ua Me Ini 7:17-21; Onger Akaba 78:44; Akar Mogomem 8:10 **16:5:** Sng 119:137, MAA 1:4, 1:8, 11:17, 15:3 **16:5:** Onger Akaba 119:137; Akar Mogomem 1:4; 1:8; 11:17; 15:3

6 Gumazir kaba n̄in akam inigha izir gumamaziba ko n̄in gumamazibav soghezi men ghuziba irezi me ariaghire.

Ezi n̄i ghuzim gumazir kurar kabagh an̄ingizi, me aneremam.

Ghuzir me apir kam, men arazir kurar me amiziba ikarvaghham.”

7 Ezi k̄i orazi tiarir mam God̄in ofa gamir dakozim̄in aven otogha pamten diagha ghaze:

“Ekiam, n̄i God̄in Gavgaviba Bar Itim.

N̄i kot̄in gumamazibar araziba bar guizbanḡira da tuisisi, ezi n̄in kotiam a bar guizbanḡira ghua egha bar dera.”

8 Ezi namba 4 ensel uan itarim aruem ginge, ezi God̄ aruem̄in amamangat̄izi an avim pamten isia puv̄ira gumamazibar isi. 9 Aruem̄in avir gavgavir kam bar puv̄ira isia, egha puv̄ira gumamazir kabar m̄ikarzibar isi. Ezi me bar puv̄ira God̄in ziam gas̄ighas̄igha a m̄igei, kar bizir kurar kabar garir God̄in gavgavim itim. Egha me uan navibagh iragha an ziam fer puvat̄i.

16:6: Sng 79:3, Ais 49:26, Mt 23:34-35, MAA 11:18, 13:15, 18:20

16:6: Onger Akaba 79:3; Aisaia 49:26; Matyu 23:34-35; Akar Mogomem 11:18; 13:15; 18:20 **16:7:** Sng 19:9, MAA 13:10, 15:3, 16:14, 19:2

16:7: Onger Akaba 19:9; Akar Mogomem 15:3; 19:2 **16:8:** MAA 8:12, 14:18 **16:8:** Akar Mogomem 8:12; 14:18

16:9: Dan 5:22-23, MAA 9:20-21, 11:13, 14:7, 16:21 **16:9:** Daniel 5:22-23; Akar Mogomem 9:20-21; 11:13; 16:21

10-11 Ezi enselin namba 5 uan itarim asizir atiamin atrivir dabirabim ginge. Ezi mitatem gumazamizir an gavgavimin apengan itiba avara. Ezi me uan duaba ko mizazir men mikarzipar otiviba bagha nighnigha, Godin uan Nguibamin itimin ziam gasighasigha migei. Ezi mizazir me isim a bar men ikufi, kamaghin amizi me uan mizebagh ivi. Egha me uan arazir kurar me amiba bagha uan navibagh irazir puvati.

¹² Ezi enselin namba 6 uan itarim Yufretisin Faner ekiam ginge. Ezi an dipam bar moghira dake, egha aruem anadi naghin atrivir izamiba bagha tuavim ati. ¹³ Ezi ki gari, duar kurar 3plan mitivibar min gariba, da asizir atiam ko, kuruzir ekiam ko akar ifavariba akurir gumazim, da vaghvagha men akatoribar otifi.* ¹⁴ Duar bar kurar kaba arazarazir igharagha garibagh ami da otiva, nguazimin itir kantriba bar dar atriviba bagha, tintinibar zui. Me atrivibar amuti me uan midorozir gumaziba inigh izi me akuvasa. Eghti Godin Gavgaviba Bar Itim gumazamiziba tuisighamin dughiar ekiamin, me midorozim

16:10-11: Ua Me Ini 10:21-22; Aisaia 8:22; Akar Mogomem 9:2; 9:20-21; 11:10; 13:2; 16:21 **16:12:** Ais 11:15, 41:2, 41:25, Jer 50:38, MAA 9:14 **16:12:** Aisaia 11:15; 41:2; 41:25; Jeremaia 50:38; Akar Mogomem 9:14 **16:13:** 1 Jo 4:1-3, MAA 12:3, 12:9, 19:20, 20:10 **16:13:** 1 Jon 4:1-3; Akar Mogomem 12:3; 12:9; 19:20; 20:10

* **16:13:** Akar ifavariba akurir gumazim, an asizir atiar namba 2in ababanim. A faragha itir asizir atiamin akar ifavariba akurir gumazim. A gumazamizibav geima, me asizir atiar faragh itimin marvir guamin ziam fe. Ni Akar Mogomem 13:11-16in gan.

16:14: 2 Te 2:9, 1 Ti 4:1, Je 3:15, MAA 16:7, 17:14, 19:6, 19:15, 19:19-20 **16:14:** 2 Tesalonika 2:9; 1 Timoti 4:1; Jems 3:15; Akar Mogomem 17:14; 19:15; 19:19-20

damuam.

15 “Ia orakigh! Ki, okimakiar gumazimîn min izam, a izir dughiam ia a gifozir puvatizi moghin, ki zuamira otogham. Kamagh amizi, gumazim akuir puvatigha, uan korotiaba uabin boroghin da arisi, a bibiamra daruan kogham, eghti gumamaziba an ganti, an aghumsighan kogham. Kamaghin amizi, gumazir kam bar akongegh.”†

16 Ezi duar kuraba atriviba inigha iza danganir kamîn me akufa, me Hibrun akamîn kamaghin danganir kam dibori, Armagedon.‡

17 Ezi namba 7 ensel uan itarim overiamin a inge. Ezi Godin Dipenimin aven tiarir ekiar mam Godin atrivir dabirabimin otogha kamaghin pamten migei, “Biziba bar gifa.” 18 Ezi overiamin onimariba taghtagha zuima, niginir

16:15: Mt 24:43-44, Lu 12:39-40, 2 Ko 5:3, 1 Te 5:2, 2 Pi 3:10, MAA 3:3, 3:18 **16:15:** Matyu 24:43-44; Luk 12:39-40; 2 Korin 5:3; 1 Tesalonika 5:2; 2 Pita 3:10; Akar Mogomem 3:3; 3:18 † **16:15:** Ves 15in kam, kar Kraiss Iesus uabi mikemezir akam. **16:16:** Het 5:19, Sekaraia 12:11, MAA 19:19 **16:16:** Gumazir Dapaniba 5:19; Sekaraia 12:11; Akar Mogomem 19:19 ‡ **16:16:** Ziar kam Armagedon kamakin, “Megidon Mighsiam.” Fomira apaniba Israelia ko uariv sogha egha Atrivim Josaia misoghezi an areme. Me Megidon nguibar ekiamin boroghira itima bizir kam oto. (Ni 2 Atriviba 23:29-30 ko 2 Eghaghaniba 35:20-24in gan.) Kamaghin amizi, fofozir gumazir maba ghaze, ziar kam Megido bighavira migeir puvati. Me ghaze, an akar isin zuimin midorozir gumaziba mangamin danganim migei. Egh me mangi bar ikuvigh egh bar ovengam. **16:17:** MAA 16:1 **16:17:** Akar Mogomem 16:1 **16:18:** Dan 12:1, MAA 4:5, 8:5, 11:13, 11:19 **16:18:** Daniel 12:1; Akar Mogomem 4:5; 8:5; 11:13; 11:19

dafam overiamın otozi, arariba dagarvasi, ezi mikimkızir ekiam oto. Kar mikimkızir bar ekiam, fomira gumazamiziba otozir dughiamın iza datirighın tu, mikimkızir ekiar kamagh garitam fomira otozir puvati. ¹⁹ Ezi Babilonın nguibar ekiam biaghiregha 3plan okoruabar otifi, ezi gumazamizibar nguibaba bar moghıra ikufi. God Babilonın nguibar ekiamın arazir kuram ginighnigha, egha a gamizi a uan wainın kap bar aneme, kar Godın aningagharir arazimın wainın kap. ²⁰ Ezi arighatıziba bar arav ghue, ezi mighsiatam ua itir puvati. ²¹ Amozir ofızir ekiaba dagıabar mın izaghiri. Ezi amozir ofızir dagıar kaba vaghvagha, dar osimtıziba 50 kilogremın iti. Amozir dagıar kaba overiamın izaghıra gumazamizibagh isın ira bar me gasighasısi. Ezi bizir kurar kam bagha me Godın ziam gasighasıgha miği.

17

Arazir kurabagh amir amizim ıvezir kuram isi

¹ Ezi 7plan enselin itarir 7plan suighizir kabanangın mav iza kamaghın na miği, “Ni kagh izi. Eghti ki amizir ıvezir kuram iniamim, nın akaghasa. Amizir kam, arazir kurabagh amir amizim, a dipar ekiar aviribagh isın apiav itir

16:19: Ais 51:17, Jer 25:15-16, MAA 14:8-10, 17:18, 18:5 **16:19:** Aisaia 51:17; Jeremaia 25:15-16; Akar Mogomem 14:8-10; 17:18; 18:5 **16:20:** MAA 6:14 **16:20:** Akar Mogomem 6:14 **16:21:** Kis 9:23-24, MAA 11:19, 16:9-11 **16:21:** Ua Me Ini 9:23-24; Akar Mogomem 11:19; 16:9-11 **17:1:** Jer 51:12-13, MAA 16:19, 17:15, 18:16, 21:9 **17:1:** Jeremaia 51:12-13; Akar Mogomem 16:19; 17:15; 18:16; 21:9

amizim. ² Nguazimın atriviba arazir mizirizir bar kurar aviriba amizir kam ko dagh ami. Ezi nguazimın gumamaziziba uaghan a ko arazir bar mizirizibagh amua, mati gumazim wainın avirim amezi moghin ongani.”*

³ Ezi Godın Duam pamtem nan ingarima, ki irebamın mın bizimın gari, ensel na inigha gumamaziziba puvatizir danganimın ghu. Ezi danganir kamın ki amizir mamın garima an asizir atiar aghevir mam gisın aperaghav iti. Asizir atiar kamın mikarzim osizirir aviriba an iti, ezi osizirir kabanagh Godın ziam gasighasisi. Asizir atiar kam 7plan dapaniba iti, ezi 10plan komba an dapanibar iti. ⁴ Amizir kam korotiar aghuibaram aghui, dar ganganim aghevim ko pighaghevim. Ezi golın digirir bar aghuiba ko, me dagiar aghuibar ingarizir digiriba ko, manmaniar ghurghurir dagiaba pın koziba, amizir kamın mikarzim gizifa. Egha a uan dafarimın golın kavın mam suirazi, kavın kamın aven bar kurigha mughazir araziba ko, gumamaziziba tintinibar uari bakia amir arazir bar mizirizir kuraba, a gizifa. ⁵

17:2: Ais 23:17, Jer 51:7, MAA 14:8, 18:3 **17:2:** Aisaia 23:17; Jeremaia 51:7; Akar Mogomem 14:8; 18:3 * **17:2:** Gumamaziziba arazir bar mizirizibagh amir arazir kamın akam, a gumamazizir God ataghizir arazimın ababanim, egha aseba ko arazir kurar igharazibar gin zui. Egha Godın damazimın, a mati gumazim uabi uan amuim ategha, ghua gumamaziziba uari isava akua amir arazim gami. **17:3:** MAA 12:3, 12:6, 12:14, 13:1, 17:9, 17:12 **17:3:** Akar Mogomem 12:3; 12:6; 12:14; 13:1; 17:9; 17:12
17:4: Jer 51:7, Ese 28:13-16, Dan 11:38, MAA 14:8, 18:6, 18:12, 18:16 **17:4:** Jeremaia 51:7; Esekiel 28:13-16; Daniel 11:38; Akar Mogomem 14:8; 18:6; 18:12; 18:16 **17:5:** 2 Te 2:7, MAA 14:8, 16:19, 18:2, 18:9-10, 19:2

Ezi amizir kamın guam, me ziar mam osiri, ziar kamın mıngarım modoghav iti. Ezi an mıngarım kamakın:

“Babilonın nguibar ekiar gavgavım itim,
ni, nguazımın itir arazir bar kuraba ko
amizir gumaziba okia me ko akua arazir
mızırızıbagh amiba,
ni men amebam.”

⁶ Ezi ki gari, amizir kam Godın gumazamizibar ghuzıba amegha dipar onganıba amezı moghın onganı. Gumazamizir kaba, me nıghnızır gavgavım İesusın ikia an akam akuri, ezi me me mısoghezı me ariaghıre.

Ki amizir kamın ganıgha dıgavır kuram gamıgha pura nıghnısi. ⁷ Ezi ensel kamaghın na mıgeı, “Nı tızım bagha dıgavır kuram gamı? Amizir kam ko asızır atıar anetera zuım, a 7plan dapanıba ko 10plan komba itı, anıngın akar mogomemın mıngarım, ki nın akaghım. ⁸ Asızır atıar nı faragha ganızır kam, a faragha ike, egha datırıghın ua itır puvatı. Egh a mozır bar konezım ategh azenan ızıtı, God a gasıghasıghım. God tıghar nguazımın ıngaramın dughım, a gumazamizır mabar zıaba akınafarır zurara itımın aven da osırızır puvatı. Gumazamizır kaba asızır atıar kamın ganıgh dıgavır kuram damuam.

17:5: 2 Tesalonika 2:7; Akar Mogomem 14:8; 16:19; 18:2; 18:9-10; 19:2 **17:6:** MAA 12:11, 13:15, 16:6, 18:24, 19:2 **17:6:** Akar Mogomem 12:11; 13:15; 16:6; 18:24; 19:2 **17:7:** MAA 13:1 **17:7:** Akar Mogomem 13:1 **17:8:** Sng 69:28, Dan 7:7, 12:1, MAA 11:7, 13:1-3, 13:8-10 **17:8:** Onger Akaba 69:28; Daniel 7:7; 12:1; Akar Mogomem 11:7; 13:1-3; 13:8-10

Me fo, a fomira ike, egha datirighin itir puvati, egh a gin uamategh otivam.

⁹ “Gumazim Godin fofozir aghuim ikiva, egh bizir kam deragh a gifogham. 7plan dapanir kaba, kar mighsiar 7pla, ezi amizim 7plan mighsiabagh isin aperaghav iti.† ¹⁰ Egha da uaghan 7plan atrivibar ababanim gami. 5pla ariaghiregha gifa, ezi vamira atrivimin ikiavira iti, ezi igharazir abuananam tighar otivam; an otoghiva bar dughiar otevimra ikiam. ¹¹ Asizir atiar kam, a fomira ike, egha datirighin itir puvati, a namba 8 atrivimin ababanim. Egha a 7plan atrivibar mav, God a gasighasighti a bar givagham.

¹² “Ezi 10plan komin ni ganiziba da 10plan atrivibar ababaniba. Me tighar atrivibar otivam. Me bizibagh ativamin gavgavim inigh, asizir atiar kam ko dughiar bar otevimrama atrivibar ikegham. ¹³ Atrivir kaba nighnzir vamira ikiam, egh uan gavgaviba ko ziar ekiaba isi asizir ati-amra daningam. ¹⁴ Egh me Sipsipin Nguzim ko misogham, eghti Sipsipin Nguzim me gasighasigh me abiragham. Gumazamizir Sipsipin Nguzim ko itiba, God me amisevegha, men diazima me guizin akamin gin ghua tuivigha gavgavigha midorozir kam gami. Sipsipin Nguzim, a guizbangira Gumazamizir Ekiabar Gumazir Ekiam ko Atrivibar Atrivir Ekiam. Kamaghin amizi, a me abiragham.”

17:9: MAA 13:1, 13:18 **17:9:** Akar Mogomem 13:1; 13:18

† **17:9:** Gumaziba Romin nguibar ekiam, 7plan mighsiabagh isin an ingari. **17:12:** Dan 7:24, Sek 1:18-21, MAA 13:1 **17:12:** Daniel 7:24; Sekaraia 1:18-21; Akar Mogomem 13:1 **17:14:** Jer 50:44-45, 1 Ti 6:15, MAA 16:14, 19:19 **17:14:** Jeremaia 50:44-45; 1 Timoti 6:15; Akar Mogomem 16:14; 19:19

15 Ezi ensel kamaghin na migei, “Dipar ni ganizir kabanang, amizir arazir kurabagh amim dagh isin aperaghav iti, dar mingarimra kara: da mikarzir igharagha gariba ko, dakoziba bar dar gumazamiziba ko, kantriba bar dar gumazamiziba ko, vaghvagha akabav geir gumazamiziba. 16 Asizir atiam ko 10plan komin ni ganizir kabanang, arazir kurabagh amir amizimin apanim damuam. Me an biziba bar da inigh, egh an koro tiaba bar da suegh, an mikarzim in tuziba bar dar amegh, egh avimin a daboroghtima a bar moghira isigham. 17 God uabi me ganingizir nighnizir kam, a me damuti biziba otivam. Kamaghin amizi me nighnizir vamira iki, egh atrivimin ikiamin gavgaviba bar da isi asizir atiam daningam. Me kamaghin damu mangiti Godin akam mikemezir biziba, da guizin otivamin dughiam otogham. 18 Ezi amizir ni ganizim, a nguazir kam in atriviba bar dar garir nguibar ekiam in ababanim.”

18

Babilon bar moghira ikufi

1 Bizir kam in gin ki enselin igharazimin garima a Godin Nguibam ategha izaghiri. A bar gavgavir

17:15: Ais 8:7, Jer 47:2, MAA 13:7 **17:15:** Aisaia 8:7; Jeremaia 47:2; Akar Mogomem 13:7 **17:16:** Jer 50:41-42, Ese 16:37, MAA 18:8, 18:16 **17:16:** Jeremaia 50:41-42; Esekiel 16:37; Akar Mogomem 18:8; 18:16 **17:17:** 2 Te 2:11, MAA 10:7 **17:17:** 2 Tesalonika 2:11; Akar Mogomem 10:7 **17:18:** MAA 12:4, 16:19
17:18: Akar Mogomem 12:4; 16:19 **18:1:** Ese 43:2, MAA 17:1
18:1: Esekiel 43:2; Akar Mogomem 17:1

ekiam iti, ezi an angazangarir gavgavim nguazim
bar a gisira. ² A pamten diagha kamaghin miği:

“Babilonin nguibar ekiam ikuvigha giġa!

A bar ikufi!

Ezi datirighin duar kuraba ko adariar mizirizir
kuraba ko kuarazir miziriziba ko kuarazir
kuraba,

darara an iti.

³ Nguazimin nguibaba bar,

me an wainin kap uari bakia akuava amir
arazir kuraba izivazim ame.

Ezi nguazimin atriviba

a ko arazir mizirizir bar kurabagh ami.

Ezi biziba amaga dagh ivezir gumaziba,

me an afiar arazir bar ikuvtizibar amodoghin
daghar aviriba uari bagha da isi.

Kamaghin amizi, amizir kam bar ikufi.”

⁴ Ezi ki Godin Nguibamin otivir tiarir igharazir
mam barazi, a kamaghin miği:

“Ia nan gumamaziziba, ia nguibar kam ategh
azenan izi.

Egh an amir arazir kuraba uaghan dar amuan
marki.

God an arazir kurabar ikarvaghamin dughiam,
ia uaghan an aven ikian marki!

18:2: Ais 13:21, 14:23, 21:9, 34:11, Jer 50:39, 51:8, MAA 14:8

18:2: Aisaia 13:21; 14:23; 21:9; 34:11; Jeremaia 50:39; 51:8; Akar
Mogomem 14:8 **18:3:** Ais 23:17, 47:15, Jer 51:7, MAA 14:8, 17:2,

18:11, 18:15 **18:3:** Aisaia 23:17; 47:15; Jeremaia 51:7; Akar

Mogomem 14:8; 17:2; 18:11; 18:15 **18:4:** Ais 48:20, Jer 50:8, 51:6,

51:45, 2 Ko 6:17 **18:4:** Aisaia 48:20; Jeremaia 50:8; 51:6; 51:45;

2 Korin 6:17

- 5 A uabi uan arazir kurabar pozim mikirav iti,
da ghuavanaga Godin Nguibamin oto.
Ezi God an amizir arazir kurabagh
nighnighavira iti.
- 6 Ia amizir kam gumamazibagh amizir arazir
kuraba bagh
ivezir magh garimra a ikaragh.
An arazir kuraba, da bar aviraseme,
kamaghira ia an arazir kurabar ivezim isa-
furaghiva
bar a daningigh.
- A dipar onganir gavgavimin kap isa
gumamazimba bagha a inge,
kamaghira ia dipar gavgavir onganim
uam a isafuragh
a bagh kap gingegh a daningigh.
- 7 A uabira kamagh uabin migia ghaze,
'Ki atrivir amizim,
egha atrivir dabirabim gaperaghav iti.
Ki amizir odiarimin min itir puvati,
eghti osimtiziba na bativan koghti,
ki azian kogham!'
- A uabi uan ziar gavgavim fa
egha arazir mizirizir aviribagh amua,
egha arazir kurar igharaziba saram ami.
Kamaghin amizi, ia mizazir kurar ekiam ko
osimtizir bar ekiam a daningigh,

18:5: Stt 18:20-21, Jer 51:9, MAA 16:19 **18:5:** Jenesis 18:20-21;
Jeremaia 51:9; Akar Mogomem 16:19 **18:6:** Sng 137:8, Jer 50:15,
50:29, 51:24, 51:49, 2 Te 1:6, MAA 14:10, 16:19 **18:6:** Onger
Akaba 137:8; Jeremaia 50:15; 50:29; 51:24; 51:49; 2 Tesalonika 1:6;
Akar Mogomem 14:10; 16:19 **18:7:** Aisaia 47:7-9

mangi an amir arazibar ikegh mangi tuzi
naghıram, a danıng.

⁸ Amizir kam Babilon, uan ziar gavgavim fe,
kamaghın amizi, dughiar bar otevir vamıran,
bizir bar kuraba bar a bativam.

Bizir kaba, arımarıar ekiaba ko osımtızir ekiaba a
bativı
an azıtıma,
mitirıar ekiaba an agham.

Eghı avim an isıgham.

Ekiam God an arazıba tuisıgha gıvagha ghaze,
'A ikuvıgham.'

Godın kam gavgavir ekiam iti.

Kamagh amizi, bizir kurar avırıba
dughiar vamıra bar moghıram a bati-
vam."

⁹ "Nguazımın atrivıba a ko arazir mızırızıbagh
amua, egha uaghan a ko arazir kurar ıgharagha
garıbagh ami. Egh atrıvir kabanagh an gantı
avir mıgharım an otoghtıma, me a bagh navıba
osemegh egh a bagh azıam. ¹⁰ Egh me mızazır
ekıar a ısır kamın ganıgh, atıatıgh saghon tuıvıgh
iki, kamaghın mıkimam:

"Noka, Babilonın nguıbar ekiam.

Noka!

Nı nguıbar ekıar gavgavım itım!

18:8: Jer 50:34, MAA 11:17, 17:16, 18:10 **18:8:** Jeremaia 50:34;
Akar Mogomem 11:17; 17:16; 18:10 **18:9:** Jer 50:46, Ese 27:30-35,
MAA 17:2, 18:3, 18:18, 19:3 **18:9:** Jeremaia 50:46; Esekiel
27:30-35; Akar Mogomem 17:2; 18:3; 18:18; 19:3 **18:9:** Esekiel
26:16-17 **18:10:** Ais 21:9, Dan 4:30, MAA 14:8, 18:17-19 **18:10:**
Aisaia 21:9; Daniel 4:30; Akar Mogomem 14:8; 18:17-19

Nin arazir kurabar ivezir kuram dughiar ote-
vimra
ni bagha ize.'

11 "Eghti biziba amaga dagh ivezir gumazamizir nguazimin itiba, me Babilon ginighnigh a bagh aziva, naviba bar osemegham. Me gari, gumazamizir men dagiaba bagh amadir bizibagh ivezamiba ua itir puvati, kamaghin me oseme. 12 Me dagiaba bagha amadir bizibar kara, gol ko silva ko, dagiar aghuiba ko manmaniar iveziba bar pin koziba; ko inir ghurghurir aghuiba ko inir pighaghevur aghuiba ko inir slika ko inir agheviba, ko men temer mughuriar aghuir igharagha gariba ko bizir me elefanin ataribar ingariziba ko, bizir me temer iveziba bar pin itibar ingariziba ko, bras ko ain ko, dagiar aghuir digiriba itiba. 13 Bizir me amaga dagiaba isir igharaziba uaghan iti, adar kara, sinamon ko, apir iriziba ko, pauran mughuriar aghuim gamim ko, grisin igharagha garir mughuriar aghuiba zuiba ko, sandan aghuim ko, wain ko, wel ko, plauan aghuim ko witba; men bulmakauba ko, sipsipba ko hoziaba ko dar karisba ko, pura ingangarir gumazamizir kiniba, me dagiaba bagha men ikirimiriba amadi. Bizir kaba bar, gumazamizir dagh ivezamiba puvati.

14 "Gumazamizir biziba amaga dagh ivezir kaba kamaghin a mikimam, 'Bizir aghuir ni iniasa navim dikavim, datirighin da bar nin saghuiamin ikiam. Bizir bar aghuir avirir iveziba bar pin

18:11: Ese 27:31, 27:36 **18:11:** Esekiel 27:31; 27:36 **18:12:** MAA 17:4 **18:12:** Akar Mogomem 17:4 **18:12:** Esekiel 27:12-13; 27:22

koziba ko ni asingizir bizir ganganir aghuiba, da bar ovengeghti ni ua dar ganam kogham!’¹⁵ Eghti gumazamizir nguibar ekiam uan bizir kaba amaga dagiar aviriba isiba, tuivigh a isir mizazir ekiam kamam ganam. Egh bar atiatigh azi, naviba bar osemegh saghon tuivigh, egh kamagh mikimam:

16 “Noka, Babilonin nguibar ekiam.

Noka!

A fomira korotiar ghurghurir aghuiba ko inir pighagheviba ko inir aghevir aghuiba aghua,
egha uan mikarzim golba ko dagiar aghuiba ko manmaniar bar pin kozibar anedi!

17 Ezi dagiaba ko dirir aghuir an itir kaba dughiar bar otevimra bar ikufi!’

“Eghti kuribar keptenba ko, gumazir kuribagh arua nguibar igharazibagh aruiba ko, kuribar ingangarir gumaziba ko gumazir ongarimin dagiar ingangaribagh amiba, me bar moghira uaghan Babilonin saghon tuivigh ikiam.¹⁸ Eghti Babilon isiti an migharim otivtima me an gan, kamaghin dim mikimam, ‘Nguibar datirighin itir manamra, nguibar ekiam kamam min gari? Bar puvati!’¹⁹ Egh me uan osimtizim akaghasa nguazir minemniaba

18:15: Ese 27:31, 27:36 **18:15:** Esekiel 27:31; 27:36 **18:16:** MAA 17:4 **18:16:** Akar Mogomem 17:4 **18:17:** Ais 23:14, Ese 27:26-30 **18:17:** Aisaia 23:14; Esekiel 27:26-30 **18:18:** Ese 27:32, MAA 13:4 **18:18:** Esekiel 27:32; Akar Mogomem 13:4
18:19: 1 Sml 4:12, Ese 27:30-34 **18:19:** 1 Samuel 4:12; Esekiel 27:30-34

inigh uan dapanibagh isin da kun, naviba bar osemegh egh aziva, kamaghin dim mikimam:

“‘Noka, Babilonin nguibar ekiam.

Noka!

Ongarim garuir kuribar afeziaba,
me nguibar ekiar kamın dagiabar,
dagiार gumazir ekiabar otifi.

Mevzika!

A dughiar otevimrama bar ikufi!

²⁰ Ia Godin Nguibamin itir darasi,
ia bar akongegh!

Eghti ia Godin gumazamiziba ko aposelba ko
Godin akam inigha izir gumazamiziba,
ia bar akongegh!

Arazir kurar nguibar kam ia gamizim baghava,
God a tuisigha givagha,
uam an arazir kuram ikarvasi.

Kamaghin amizi, ia datirighin nguibar kam ba-
tozir bizim bagh
bar akongegh.’”

²¹ Ezi migirighar kaba givazima, enselin gavgavir mam wit mirmirir dagiamin min garir dagiar ekiam ini. Egha dagiar kam fegha a isa ongarimin anakunigha kamaghin migei:

“Kamaghira, me Babilonin nguibar ekiam inigh
zuamira pamtem anakunighti
a bar magirigh bar ikuvighti,

18:20: Lo 32:43, Ais 44:23, Jer 51:48 **18:20:** Godin Araziba 32:43; Aisaia 44:23; Jeremaia 51:48 **18:21:** Jer 51:63-64, Ese 26:21, MAA 12:8, 16:20 **18:21:** Jeremaia 51:63-64; Esekiel 26:21; Akar Mogomem 12:8; 16:20

me uam an ganan kogham.

22 O Babilon!

Gitan arareba ko marvibar arareba ko,
sighaba ko,

ararer aghuir igharazir maba
ua nin aven otivan kogham.

Eghti fofozir gumazamizir ingangarir guar
igharagha garibagh amiba,
me ua nin ikian kogham!

Eghti dagiar witba mirmirimın ararem
ua nin aven otivan kogham!

23 Eghti lamın angazangariba
ua nin aven isian kogham.

Eghti gumazamizir uarir ikiasa migeir
mıgırıgıaba,
da ua nin aven otivan kogham.

Nın gumazamizir fomıra dagıaba bagha biziba
amadıba,
gumazamizir igharazıbar damatuzıbar gu-
mazamizir bar ekiabar otıfis.

Ezi ni kantrin igharazıba bar dar gumazamiz-
ıbagh ifara
imezir igharagha garir avıribar ingari.

24 God nguıbar kamın gari,

me an aven Godın akam inıgha izir gumaza-
mizıba ko an gumazamizıbav sozi
me ariaghire,

18:22: Ais 24:8, Jer 25:10, Ese 26:13 **18:22:** Aisaia 24:8;
Jeremaia 25:10; Esekiel 26:13 **18:22:** Jeremaia 7:34; 25:10
18:23: Ais 23:8 47:9, Jer 16:9, 33:11, Nah 3:4, MAA 17:2, 17:5
18:23: Aisaia 23:8; 47:9; Jeremaia 16:9; 33:11; Nahum 3:4; Akar
Mogomem 17:2; 17:5 **18:24:** Jer 51:49, Mt 23:35, MAA 17:6
18:24: Jeremaia 51:49; Matyu 23:35; Akar Mogomem 17:6

ezi a men ovevebar osimtizim ateri.
 Ezi nguazimin gumamaziziba,
 men apaniba me misoghezi me ariaghire,
 osimtizir kaba bar, Babilonrama a da
 ateri.
 Kamaghin amizi, God an osimtizir kaba ikarvagha
 a gasighasisi.”

19

*Babilon bar ikuvizima, Godin gumamaziziba
 bar akonge*

¹ Ezi bizir kabar gin ki orazi, niginir dafam,
 gumamazizir bar avirimin min Godin Nguibamin
 kamaghin dia migei:

“E Godin ziam feka!

En God, gavgavim ko ziam iti,

a uabira en Akurvazir Gumazim!*

² God gumamazizibar araziba tuisizir arazim,
 a guizbangira ghua bar dera!

Amizir gumaziba okia me ko akuim,

a nguazimin gumamazizibagh amizi, me a
 koma arazir mizirizibagh ami,

ezi God a isa kot gatigha ghaze,

an aremegham.

Amizir kam Godin ingangarir gumamazizibav
 soghezi

* **19:1:** Jon akinafarir kam Grighin akam an osiri. Egha ves 19:1in
 migirigiar otevir mam ko ves 3, ves 4, ves 6 uaghan, dar akar mam,
 a Hibrun akamin an osiri. Hibrun akamin a kamakin, “Aleluia.”
 Akar kamin mingarim a kamakin, “E Godin ziam feka!” **19:2:** Lo
 32:43; 2 Kin 9:7; MAA 6:10, 15:3, 16:7, 18:20 **19:2:** Godin Araziba
 32:43; 2 Atriviba 9:7; Akar Mogomem 6:10; 15:3; 16:7; 18:20

me ariaghire,
ezi God an osimtızir kam ikarvagha
osimtızir ekiam a ganingi.”

³ Ezi me ua kamaghın dia ghaze:

“E Godın ziam feka!
Nguibar ekiar kamın isir avimın migharım
ghuavanang
zurara mamaghıra ikiam!”

⁴ Ezi 24plan gumazir dapanıba ko 4plan bizir
angamıra itir kaba, tevıba apırigha egha Godın
uan atrıvir dabırabımın aperaghav itımın ziam fe.
Egha me kamaghın mıgei:

“Bar guızbangıra!
E an ziam fe!”

⁵ Ezi tiarır mam atrıvımın dabırabımın ıza ka-
maghın mıgei:

“İa Godın ingangarır gumazamızır an atıatiava an
apengan itıba,
ia gumazamızır zıaba itıba ko zıaba pu-
vatızıba,
ia bar Godın ziam fı!”

*Sıpsıpın Nguzım amuımın ikiasava amıma ısar
ekıam oto*

19:3: Ais 34:10, MAA 14:11, 18:9, 18:18 **19:3:** Aisaia 34:10; Akar
Mogomem 14:11; 18:9; 18:18 **19:4:** Neh 8:6, MAA 4:2-6, 4:10, 5:14

19:4: Nehemia 8:6; Akar Mogomem 4:2-6; 4:10; 5:14 **19:5:** Sng
22:23, 115:13, 134:1, 135:1 MAA 11:18, 20:12 **19:5:** Onger Akaba
22:23; 115:13; 134:1; 135:1; Akar Mogomem 11:18; 20:12

6 Ezi ki niğinir ekiam barazi mati gumazamizir avırım uari akuvagha miğei, egha mati dipar ekiam afora nidi. Egha araribar min pamten dagarvagha kamaghin miğei:

“En Ekiam God, a Godin Gavgaviba Bar Itim,
datirighin an atrivimin iti.

Kamaghin amizi, e Godin ziam fam!

7 Sipsipin Nguzim, amuimin ikiamin dughiam otogha gifa,

ezi an amuim uabi akirigha gifa.

Kamaghin amizi, e datirighin naviba deragh bar akongegh,

an ziam fam!†

8 Amizir kam, God korotiar ghurghurir bar aghuim a ganingi,

korotiar kam bar zuegha
an dirim dafogha isi.”

(Korotiar ghurghurir kam, a Godin gumazamiz-ibar arazir aghuir me Godin damazimin amiba, dar ababanim gami.)

19:6: Sng 93:1, 97:1, 99:1, Ese 1:24, MAA 11:15-17, 14:2, 15:3, 21:2

19:6: Onger Akaba 93:1; 97:1; 99:1; Esekiel 1:24; Akar Mogomem 11:15-17; 14:2; 15:3; 21:2

19:7: Mt 22:2, 25:10, Ef 5:32, MAA 21:2, 21:9

19:7: Matyu 22:2; 25:10; Efesus 5:32; Akar Mogomem 21:2; 21:9

† **19:7:** Sipsipin Nguzir kam an amuimin ikiasa, a Kraisra. Ezi amizir a ikiasa inabazir kam, kar Kraisin sios. Eghti dughiar Kraiss ua iziva egh uan sios iniamim, a kamakin, aning uaningin iti. Egh a uan siosin gumazamiziba me inigh uan Nguibar aghuimin mangam. Eghti me Kraiss ko deraghvira iki mamaghira ikiam.

19:8: Sng 45:13-14, Ais 61:10, Ese 16:10

19:8: Onger Akaba 45:13-14; Aisaia 61:10; Esekiel 16:10

9 Ezi ensel kamaghin na miġei, “Ni akar kam kamaghin an osir: God Sipsipin Nguzir amuimin ikiamin dabirabim bagha diazir gumazamiziba, me bar akongegh!” Egha kamaghin ua na miġei, “Akar kaba, da Godin guizin akaba.”

10 Ezi ki an suemningin boroghin tevimning apirigha an ziam fasa. Ezi a kamaghin na miġei, “Ni mamaghin damuan marki! Ki, ni ko nin aveghbuar nighnizir gavgavim Iesus kunizir akabar itiba, ki ia ko e ingangarir vamiram ami. God uabira, ni an ziam fi.”

E fo, akar Iesus kunizimra, a gumazamizibar nighniziba fema, me Godin akam inigha izi.‡

Jon hoziar ghurghurim gaperazir gumazimin gari

11 Ki gari, Godin Nguibam kuiagherizi, hoziar ghurghurir mam iti. Gumazir hoziar kam gisin aperaghav itim, an ziamning kamakin, “Gumazir dughiaba bar God baghavira itim,” ko “Gumazir uan akar dikiriziba miġeima da otivim.” A gumazamizibar araziba deravira

19:9: Mt 22:2-3, Lu 14:15-16, MAA 21:5 **19:9:** Matyu 22:2-3; Luk 14:15-16; Akar Mogomem 21:5 **19:10:** Ap 10:25-26, 1 Jo 5:10, MAA 22:6-9

19:10: Aposel 10:25-26; 1 Jon 5:10; Akar Mogomem 22:6-9

‡ **19:10:** Grighin akam vezin kam deravira anebigha a miġeir puvati. Gumazir maba kamaghin miġirigiar kam geghari, “Ki uaghan ni ko nin aveghbuaba ko ingangarir gumazir mam. Kar ia ikizir nighnizir gavgavim Iesusin ikiava an ziamin gun miġeim. Ia God uabira an ziam fi. E fo, Godin Duam akam inigha izir gumazamizibar, Godin akam kunasa men nighniziba fe. A Iesusin ziamin gun mikimasa gumazamizibar akurvasi.” **19:11:** Sng 96:13, Aisai 11:4, Ese 1:1, MAA 1:5, 3:14, 6:2, 15:5 **19:11:** Onger Akaba 96:13; Aisaia 11:4; Esekiel 1:1; Akar Mogomem 1:5; 3:14; 6:2; 15:5

da tuisigha, midorozim fora arazir aghuimra gin ghua a gami. ¹² Ezi an damazimning mati avir mizariar gavgavimin min pamtem isi, ezi atrivimin dapanir asuar aviriba an dapanimin iti. Ezi an mikarzim ziar mam an iti, ezi gumazamizir igharaziba a gifozir puvati. A uabira ziar kam gifo. ¹³ Ezi korotiar ruarir an aruzim, ghuzim a gizifa, ezi me ziar kamın a dibori, “Godin akam.” ¹⁴ Ezi Godin Nguibamin midorozir gumaziba korotiar ghurghurir aghuiba aghuigha hoziar ghurghuribagh apiagha an gin zui. ¹⁵ Ezi midorozir sabar ghumtizir mam gumazir men faragha zuir kamın akamın ikegha, azenan izi. A midorozir sabar kamın nguibar igharazibav sogh me abınam. Egh a gavgavim itir ainın aghorimin suiragh egh gumazamizibagh ativamin gavgavim ikiam. Egh a, dagiar miner bar ekiamın aven me wainın oviziba mirmiri moghin, Godin Gavgaviba Bar Itimin aningagharir arazir ekiam akagham. ¹⁶ Ezi an korotiar ruarim ko an buarakirimın, me ziar kam osiri:

“Atrivibar Atrivir Ekiam ko,
Ekiabar Gumazir Ekiam.”

19:12: Dan 10:6, MAA 1:14, 2:17-18, 19:16 **19:12:** Daniel 10:6; Akar Mogomem 1:14; 2:17-18; 19:16 **19:13:** Ais 63:1-3, Jo 1:1, 1:14, 1 Jo 5:7-8 **19:13:** Aisaia 63:1-3; Jon 1:1; 1:14; 1 Jon 5:7-8 **19:14:** Mt 28:3, MAA 4:4, 7:9 **19:14:** Matyu 28:3; Akar Mogomem 4:4; 7:9 **19:15:** Sng 2:9, Ais 63:3, Jol 3:13, 2 Te 2:8, MAA 1:16, 2:27, 4:8, 12:5, 14:19-20 **19:15:** Onger Akaba 2:9; Aisaia 63:3; Joel 3:13; 2 Tesalonika 2:8; Akar Mogomem 1:16; 2:27; 4:8; 12:5; 14:19-20 **19:16:** 1 Ti 6:15, MAA 17:14, 19:12 **19:16:** 1 Timoti 6:15; Akar Mogomem 17:14; 19:12

¹⁷ Ezi ki enselin mamın garima an aruem gisin tughav iti. Egha overiamın pın mıghagha aruir kuarazibar dia ghaze, “İa izi uari akuvagh egh dagher ekiar God ia danıngamim bagh mızuam. ¹⁸ İa atrivibar kuabar tuziba ko, mıdorozir gumazibar faragha zuir gumaziba ko mıdorozir gumaziba ko, hoziabar kuabar tuziba ko dagh apiazir gumazibar kuabar tuzibar amam. Egh ia gumazamiziba bar men kuabar tuzibar amam, pura ingangarir gumazamizir kıniba ko gumazamizir fıriaghıreziba, ko pura gumazamiziba ko gumazamizir ziaba itiba!”

¹⁹ Ezi ki asızir atiar kam ko nguazımın atrivıba ko, men mıdorozir gumazıbar gari, me iza uari akufa. Me gumazir hoziam gaperazım ko an mıdorozir gumazıba ko mısoghasa. ²⁰ Ezi, asızir atiam ko akar ifavarıbagh amir gumazım, an anıng kalabus gati. Akar ifavarıbagh amir gumazir kam arazarazir ıgharagha garır avırım asızir atiamın damazımın dagh amı. Kamaghın amızı a gumazamizıbagh ifarima me asızir atiamın osızırım inıgha egha an marvir guamın ziam fe. Asızir atiam ko akar ifavarıbagh amir gumazım, anıng angamıra ikiavıra itima, me anıng inıgha anıng akunızı anıng danganır salfan dagıar avım ikia mamaghıra itım giraghu. ²¹ Ezi anıngın mıdorozir gumazıba, gumazir hoziam

19:17: Esekıel 39:17-20 **19:19:** Sng 2:2, MAA 16:16, 17:13-14

19:19: Onger Akaba 2:2; Akar Mogomem 16:16; 17:13-14

19:20: Ais 30:33, Dan 7:11, MAA 13:1-18, 14:10, 16:13-14, 20:10, 20:15 **19:20:** Aisaia 30:33; Daniel 7:11; Akar Mogomem

13:1-18; 14:10; 16:13-14; 20:10; 20:15 **19:21:** MAA 17:16, 19:15-18

19:21: Akar Mogomem 17:16; 19:15-18

gaperazim, uan midorozir sabar an akamın itimın me misoghezi me ariaghire. Ezi kuaraziba bar men kuabar tuziba amegha naviba bar izefe.

20

Satan 1,000plan azenibar kalabusın ikiam

¹ Ezi ki gari, enselin mam Godın Nguibam ategha izaghira, egha mozir bar konezimın kin suira. Egha uaghan senın ekiamın suira. ² Egha a kuruzir ekiar kamın suiragha anebıra, kar kuruzir bar fomıra itim, a Satan, gumazir akam isa bar gumazamizibagh asim. Satan 1,000plan azenibar kalabusın ikiasa, ensel a inigha senın a ike. ³ Egha ensel a inigha anakunizi, a mozir bar konim giraghu. Egha mozir torimın akam apırigha anepaghapaki, eghti an azenan izan kogham. Eghti Satan nguazimın itir gumazamiziba ua me gifaran kogh mangiti 1,000plan azeniba gıvaghham. Eghti gın ensel uam a fırighti a bar dughiar otevimra ikiam.

⁴ Ezi ki atrivir dabirabibar garima, gumazir dagh apiaghav itiba, God gumazamizibar araziba tuisıghamin gavgavim me ganıngi. Ezi ki gumazamizir ariaghirezibar duabar gari, da iti. Gumazamizir kaba, nıghnızir gavgavim İesusın ikia egha an akam akura egha pamten Godın akamın suira,

20:1: MAA 1:18, 9:1 **20:1:** Akar Mogomem 1:18; 9:1 **20:2:** Stt 3:1, 2 Pi 2:4, Ju 6, MAA 12:9 **20:2:** Jenesis 3:1; 2 Pita 2:4; Jut 1:6; Akar Mogomem 12:9 **20:3:** Dan 6:17, Ju 6, MAA 16:14-16, 20:8
20:3: Daniel 6:17; Jut 1:6; Akar Mogomem 16:14-16; 20:8 **20:4:** Dan 7:9, 7:22, 7:27, 1 Ko 6:2, 2 Ti 2:12, MAA 6:9, 13:12-17 **20:4:** Daniel 7:9; 7:22; 7:27; 1 Korin 6:2; 2 Timoti 2:12; Akar Mogomem 6:9; 13:12-17

ezi bizir kaba bangin, men apaniba me misogha men firiba aghorezi me ariaghire. Gumazamizir kaba asizir atiam ko an marvir guamin ziam fer puvatigha, an ababanim uan guaba ko uan da-faribar a inizir puvati. Ki gari, gumazamizir kaba me ua angamira ikia Kraiſ Jesus ko atrivibar min 1,000plan azenibar ikiam. ⁵ Eghti gumazamizir igharazir ariaghireziba dughiar kamın, bar ua dikavigh angamira ikian kogham. Me ovegh mamaghira iki mangiti 1,000plan azeniba givagham. Dughiar kam, kar faragha zuir dughiar gumazamiziba ua dikavamim. ⁶ Eghti, gumazamizir God ua bagha inabazir faragha dikaviziba, me guizbangira bar akuegham. Me Godın gumazamizibara. Ovever namba 2, me iniamin gavgaviba puvati. Me God ko Kraiſın ofa gamir gumazamizibar ikiam. Egh Kraiſ ko 1,000plan azenibar atrivibar ikiam.

Satan a bar ikuvigham

⁷ Eghti 1,000plan azeniba givaghti, ensel mozir torir bar konezimın akam kuighti, Satan uan kalabus ategham. ⁸ Egh an azenan izi nguazir kamın itir kantriba bar dar gumazamizibagh ifaram, kar Gok ko Magokın adarasi. Satan midorozir ekiam damusi men gumaziba akuvagham. Men midorozir gumazibar dibobonim ongarimın gigimın min otogham. ⁹ Me tintinibar

20:6: 1 Pi 2:9, MAA 1:6, 2:11, 20:4 **20:6:** 1 Pita 2:9; Akar Mogomem 1:6; 2:11; 20:4 **20:8:** Ese 7:2, 38:2, 38:9, 38:15, MAA 16:14, 20:10 **20:8:** Esekiel 7:2; 38:2; 38:9; 38:15; Akar Mogomem 16:14; 20:10 **20:9:** 2 Kin 1:10, Ese 38:9, 38:16, 39:6 **20:9:** 2 Atriviba 1:10; Esekiel 38:9; 38:16; 39:6

nguazir kamın mangi, Godın gumazamiziba uari akuva itir danganim ekiarugham, kar nguibar ekiar God bar ifongezim. Eghti avim overiamın ikegh izighiri midorozir gumaziba bar men isigh me kuavaremegham. ¹⁰ Satan me gifari, kamaghın amizi God anekunighti a danganir avim ko salfan dagiar avir bar puvıra isir kamın magıram. Asızir atiam ko akar ifavaribagh amir gumazim faraghavıra danganir kamın iti, me arueba ko dımagaribar mızazir ekiam ini zurazurara mamaghıra ikiam.

Kotiar Bar Ekiam otivam

¹¹ Egħa ki atrivir dabirabir ghurghurir ekiamın garima a iti, ezi gumazir a gapiagherim, ki an garima a iti. Ezi nguazim ko overiam aning arav ghu, eghti gumazitam uam aningın ganan kogham. ¹² Ezi ki gumazamizir ovengezir ziaba itiba ko ziaba puvatızibar gari, me bar iti. Me atrivir dabirabimın guamın tuivighav iti, ezi akınafarir gumazamizibar araziba itiba kuiaghire. Ezi me akınafarir igharazim uaghan akui, kar akınafarir God gumazamizir ikirimirir zurara itim iniamin ziaba osirizim. Ezi gumazir atrivir dabirabir kam gaperazim, akar akınafarir

20:10: Stt 19:24, Sng 11:6, MAA 14:10-11, 19:20, 20:8, 21:8 **20:10:** Genesis 19:24; Onger Akaba 11:6; Akar Mogomem 14:10-11; 19:20; 20:8; 21:8 **20:11:** Dan 2:35, 2 Pi 3:7, 3:10-11 **20:11:** Daniel 2:35; 2 Pita 3:7; 3:10-11 **20:11:** Daniel 7:9-10 **20:12:** Dan 12:1, Mt 16:27, 25:31-46, Ap 17:31, Ro 2:6, 2 Ko 5:10, Fl 4:3, MAA 13:8, 19:5
20:12: Daniel 12:1; Matyu 16:27; 25:31-46; Aposel 17:31; Rom 2:6; 2 Korin 5:10; Filipai 4:3; Akar Mogomem 13:8; 19:5

kabar itibar gara gumazamizir ovegezibar arazi-
iba tuisisi. ¹³ Ezi ongarimın ariaghirezir gumaza-
miziba, ongarim me amadazi me izi. Ezi Ovevem
ko Gumazamizir Oveaghuezibar Nguibam, aning
ua ovegezir gumazamizir aningın itiba amadazi
me izi. Ezi gumazir atrivir dabirabim gaper-
aghav itim, gumazamiziba amizir araziaba bagha
vaghvagha men kotiaba baragha me tuisisi. ¹⁴
Egha gın an Ovevem ko Gumazamizir Oveaghuez-
ibar Nguibam akunizi, aning danganir avim bar
puvıra isim giraghu. Danganir avim bar puvıra
isir kam, kar namba 2ın ovevem. ¹⁵ Eghti gu-
mazamizibar ziaba, akınafarir God gumazamizir
ikirimirir zurara itim iniamin ziaba osirizim, men
ziaba aven itir puvatı, me uaghan me isi danganir
avim bar puvıra isim, me akunam.

God biziba bar dagh amizi da igiabar otifi

21

(Sapta 21--22)

Nguazir igiam ko overiar igiam oto

¹ Ezi ki datirighın overiar igiam ko nguazir
igiamın gari, aning iti. Overiar ghurim ko
nguazir ghurim, aning bar moghıra arav ghugha

20:13: Ro 2:6, 1 Pi 1:17, MAA 2:23, 6:8, 20:12, 22:12 **20:13:** Rom
2:6; 1 Pita 1:17; Akar Mogomem 2:23; 6:8; 20:12; 22:12 **20:14:**
1 Ko 15:26, 15:54-55, MAA 20:6, 21:8 **20:14:** 1 Korin 15:26;
15:54-55; Akar Mogomem 20:6; 21:8 **20:15:** MAA 13:8, 19:20
20:15: Akar Mogomem 13:8; 19:20 **21:1:** Aisai 65:17, 66:22, 2
Pi 3:13, MAA 20:11 **21:1:** Aisai 65:17; 66:22; 2 Pita 3:13; Akar
Mogomem 20:11

ua itir puvati. Ezi ongarim uaghan ua itir puvati. ² Ezi Nguibar God Baghavira Itim, a Jerusalemın igiam, ki an gari. Ki an garima, a Godın damazımın ikegha Godın Nguibam ategha izaghiri. A uabi akırigha, kurukazir bar aghuim gami, mati amizim uan pamın ikiasa kuruke. ³ Ezi ki orazi, tiarir mam atrivir dabirabımın iza pamtem miği:

“Ia orakigh.

Datırighın God gumazamiziba ko ikiavira iti!

Egh men tongın ikiti

me an gumazamizibar ikiam.

God uabi me ko iki

egh men Godın ikiam.

⁴ Egh a men damazir teriba vaghvagh da adizam.

Bizir faragha itir kurar kabanang,

da bar gıvagham.

Eghti gumazamiziba uam ovengan kogham,

egh me ua naviba osımıva

egh uam azian kogham,

egh ua mızaziba inian kogham.”

21:2: Ais 52:1, 61:10, Ga 4:26, Hi 11:10, 11:16, 12:22, MAA 3:12, 21:10 **21:2:** Aisaia 52:1; 61:10; Galesia 4:26; Hibru 11:10; 11:16; 12:22; Akar Mogomem 3:12; 21:10 **21:3:** Wkp 26:11-12, 2 Sto 6:18, Ese 37:27, 43:7, Sek 2:10, 2 Ko 6:16, MAA 7:15-17 **21:3:** Ofa Gami 26:11-12; 2 Eghaghanıba 6:18; Esekiel 37:27; 43:7; Sekaraia 2:10; 2 Korin 6:16; Akar Mogomem 7:15-17 **21:4:** Ais 25:8, 35:10, 61:3, 65:19, 1 Ko 15:26, 15:54, MAA 7:17, 20:14 **21:4:** Aisaia 25:8; 35:10; 61:3; 65:19; 1 Korin 15:26; 15:54; Akar Mogomem 7:17; 20:14

⁵ Ezi gumazir atrivir dabirabim gaperaghav itim miġia ghaze, “Ni oragh! Ki bizibagh amizi, da bar igiabar otifi.” Egha a ua kamaghin miġia ghaze, “Ni akar kabanang osirigh. Akar kaba da bar guizbangira, eghti gumazamiziba niġhnizir gavgavimın dar ikiam.”

⁶ Egha a kamaghin na miġei, “Biziba bar otivigha ġifa. Ezi kirara, ki faraghavira ikia egh bar ġin ikiva abuan ikivira ikiam. Ki biziba bar dar mingarim, egha ingangarir ki amiba ki uaghan bar da agefi. Eghti gumazim kuarim an pirtı, ki dipar ikirimirir zurara itim anidim a daningti, aneremam. Dipar kam nguazimın aven anadi. Dipar a isir kam, an a givezan kogham, a puram a iniam. ⁷ Gumazamizir midorozim gamua apaniba abiriba, ki bizir kaba me daningam. Egh ki men Godin ikiti, me nan boribar ikiam. ⁸ Eghti gumazamizir atiatia ua ġirakirangin zuiba ko, niġhnizir gavgavim ataghiziba ko, gumazamizir arazir bar kurar mizirizibagh amiba ko, gumazir gumazamizibav sozi me ariagheriba ko, gumazamiziba uari ko akua amir araziba ko, akuzibagh amua egha imezibagh amir gumaziba ko, asebar

21:5: Ais 43:19, 2 Ko 5:17, MAA 4:2, 4:9-10, 19:9, 20:11 **21:5:** Aisaia 43:19; 2 Korin 5:17; Akar Mogomem 4:2; 4:9-10; 19:9; 20:11

21:6: Ais 55:1, Jer 2:13, Jo 4:10, 4:14, 7:37, MAA 1:8, 1:17, 16:17, 22:13, 22:17 **21:6:** Aisaia 55:1; Jeremaia 2:13; Jon 4:10; 4:14; 7:37; Akar Mogomem 1:8; 1:17; 16:17; 22:13; 22:17 **21:7:** 2 Sml 7:14, Sng 89:26-27, Sek 8:8, Hi 8:10 **21:7:** 2 Samuel 7:14; Onger Akaba 89:26-27; Sekaraia 8:8; Hibru 8:10 **21:8:** Mt 25:41, Ef 5:5, 1 Ti 1:9, Hi 12:14, MAA 19:20, 20:14-15, 21:27, 22:15 **21:8:** Matyu 25:41; Efesus 5:5; 1 Timoti 1:9; Hibru 12:14; Akar Mogomem 19:20; 20:14-15; 21:27; 22:15

ziaba feba ko, gumazamizir ifavariba, me bar uan nguibamın mangam. Kar danganir avim ko salfan dagiar avir bar puvira isim. Kar ovever namba 2.”

Jon Jerusalemın igiamın gari

⁹ Ezi enselin mam na bagha izi. Faragha enselin 7pla, me itarir 7plan bizir bar kuraba aven itiba suiki, kar Godın aningagharir arazir abuananaba. Enselın kam, a men mav. A kamaghın na migei, “Ni iziti, ki Sipsipın Nguzimın amuir a datirighın ikiamim nın akagham.” ¹⁰ Ezi Godın Duam pamtem nan ingarima, ensel na inigha ghua mighsiar bar ekiamın ghuavanabo. Egha Nguibar Ekiar God Baghavira Itim, Jerusalem nan aka. Nguibar kam a Godın damazimın ikegha Godın Nguibam ategha izaghiri. ¹¹ Ezi Godın angazangarir ekiam nguibar kam gisira, ezi an angazangarim bar igharagha gari, mati dagiar ivezim bar pın kozimın mın gari. A jaspın dagiar angazangarimın mın gara egha glasın mın taghtasi. ¹² Nguibar kamın divazim bar ekevegha bar pın mar iti, ezi tiar akar 12pla divazir ekiar kamın iti. Ezi 12plan enselba tiar akar kabar boroghın tuivighav iti, ezi Israelın 12plan anababar ziaba tiar kabagh isin iti. ¹³ Ezi aruem anadi naghın itir divazir miriam, tiar akar 3pla an iti. Ezi divazir miriar Notın itim, tiar akar 3pla an iti. Ezi divazir miriar Sautın itim, tiar akar 3pla an iti. Ezi aruem

21:9: MAA 15:1, 15:6-7, 19:7-9 **21:9:** Akar Mogomem 15:1; 15:6-7; 19:7-9 **21:10:** Ese 40:2, MAA 1:10, 17:3, 21:2 **21:10:** Esekiel 40:2; Akar Mogomem 1:10; 17:3; 21:2 **21:11:** Ais 60:1-2, 60:19, MAA 21:23, 22:5 **21:11:** Aisaia 60:1-2; 60:19; Akar Mogomem 21:23; 22:5 **21:12:** Esekiel 48:30-35

uaghiri naghin itir divazir miriam, tiar akar 3pla an iti. ¹⁴ Nguibar kamın divazim, 12plan dagiar ekiaba an apengan ikia gavgavim a ganıdı, ezi Sipsipin Nguzimın aposelbar ziaba dar iti.

¹⁵ Ezi enselin na ko migeim, golin aghorir biz-ibar abarimın suira, a nguibar kam ko divazir ekiam ko an tiar akabar apanasa. ¹⁶ Nguibar ekiamın 4plan miriabar ababanım voroghıra ghu. Ezi ensel uan golin aghorimın nguibar ekiamın abarima an ababanım ghua 2,200 kilomitan tu. Ezi nguibar ekiamın 4plan miriaba ko an ru-arimın ababanım bar voroghıra ghue, egha bok-siar dafamın mın gari.* ¹⁷ Ensel nguibar ekiamın divazim uaghan an abarazıma, ezi divazimın tuirivimın ababanım ghua 65 mitan tu. Ababanır kam gumazamiziba bizibar abarir ababanımın mirara gari, ezi ensel ababanır kamra divazir kamın abara a medi. ¹⁸ Nguibar ekiamın divazim God dagiar jasper an ingari, egha nguibam uabi a dagiar golrama an ingari, ezi a glasın mın isia taghtasi. ¹⁹ Ezi nguibar ekiamın divazir mingarım, God dagiar bar igharagha garir bar pın kozibar anesingi. Dagiar kaba digirir aghuıba dar iti, dar iveziba bar pın ko. Dagiar faragha zuir bar

21:14: Mt 16:18, Ga 2:9, Ef 2:20, Hi 11:10 **21:14:** Matyu 16:18; Galesia 2:9; Efesus 2:20; Hibru 11:10 **21:15:** Ese 40:3, Sek 2:1, MAA 11:1 **21:15:** Esekiel 40:3; Sekaraia 2:1; Akar

Mogomem 11:1 * **21:16:** Grighın akam kamaghın migei, nguibar kamın ababanım “12,000 stadia.” Ezi en dibobonım e kamaghın a diponam, 2,200 kilomita. Ezi e fozir puvati, Jon guızın 2,200 kilomitan ababanım migei, o an osirizir namban kam 12,000, a bizir igharazım migei. E fo, Judan gumazibar niğhnizimın aven, namba 12, a mingarir ekiam an iti. **21:18:** Aisaia 54:11-12

aghuim, jasper, a divazir mingarimin faragha iti. Ezi namba 2 a sapaian dagiar blupla. Ezi namba 3 a agetin dagiam. Ezi namba 4 a emeralin dagiar garim. ²⁰ Ezi namba 5 a sadonikisin dagiam, a ghurghurigha aghefe. Ezi namba 6 a konilian dagiar aghevim. Ezi namba 7 a krisolaitin dagiar iangurim. Ezi namba 8 a berilin dagiar garim. Ezi namba 9 a topasin dagiar iangurir igharagha garim. Ezi namba 10 a krisopresin dagiam. Ezi namba 11 a haiasinin dagiam. Ezi namba 12 a ametisin dagiar pighaghevim. ²¹ Ezi tiar akar 12plan kaba, da 12plan manmaniar ghurghurir iveziba bar pin kozibar dar ingari. Tiar akar kaba me manmaniar ghurghurir ekiaba vagh-vagha dar ingari. Ezi nguibar kamın aven itir tu-aviba me golrama dar ingari, ezi golin kam glasın min taghtasi.

²² Ezi ki gari, nguibar ekiar kamın aven Godın Dipenir gumaziba ingarizi tam itir puvati. Ekiam, a Godın Gavgaviba Bar Itim, ko Sipsipin Nguzim, aning uaning Godın Dipenimin danganım ini. ²³ Godın angazangarir gavgavimra angazangarım nguibar ekiar kam ganıdi. Ezi Sipsipin Nguzim uabi nguibar ekiar kamın lamın min iti. Kamaghın amizi nguibar ekiar kamın angazangariba anıngamin arueba ko iakiniba puvatıgham. ²⁴ Eghti nguibaba bar dar gumazamiziba nguibar ekiar kamın angazangarımın daruam. Eghti

21:21: MAA 21:12, 21:18

21:21: Akar Mogomem 21:12; 21:18

21:22: Jo 4:23, MAA 15:3

21:22: Jon 4:23; Akar Mogomem 15:3

21:23: Ais 60:19-20, MAA 21:11, 22:5

21:23: Aisaia 60:19-20;

Akar Mogomem 21:11; 22:5

21:24: Ais 60:3-5, 66:12

21:24:

Aisaia 60:3-5; 66:12

nguibaba bar dar atriviba uan bizir bar aghuiba inigh an aven izam. ²⁵ Eghti aruemin, me nguibar ekiar kamın divazimin tiar akaba aseghan kogham. Dimagariba nguibar ekiar kamın puvatigham. Kamaghın amizi tiar akaba kuighiregh mamaghıra ikiam. ²⁶ Eghti nguibabar atriviba bar men dagiaba ko men bizir digirir aghuiba, me bar ada inigh aven mangam. ²⁷ Eghti bizir miziriziba ko gumazamizir arazir kurigha mughazibagh amiba ko, gumazamizir ifavariba, me nguibar ekiar kamın aven mangan kogham. Bar puvatigham, gumazamizir ziaba akınafarir zurara itimin aven itiba, akınafarir kam a Sipsipin Nguzimin akınafarim, merara nguibar ekiar kamın aven mangam.

22

Jon, temer ikirimirir zurara itim ko dipar ikirimirir zurara itim anidim, aningın gari

¹ Ezi ensel faner mam nan aka, faner kamın dipam ikirimirir zurara itim anidima, an angazangarim glasin min taghtasi. Faner dipar kam God ko Sipsipin Nguzimin atrivir dabrabimin apengan ikegha ivemara ghua, ²

21:25: Sek 14:7, MAA 22:5 **21:25:** Sekaraia 14:7; Akar Mogomem 22:5 **21:25:** Aisaia 60:11 **21:26:** Ais 66:12, MAA 21:24 **21:26:** Aisaia 66:12; Akar Mogomem 21:24 **21:27:** Ais 35:8, 52:1, 60:21, Ese 44:9, Jol 3:17, 1 Ko 6:9-10, Fl 4:3, MAA 13:8, 20:12, 21:8, 22:14-15 **21:27:** Aisaia 35:8; 52:1; 60:21; Esekiel 44:9; Joel 3:17; 1 Korin 6:9-10; Filipai 4:3; Akar Mogomem 13:8; 20:12; 21:8; 22:14-15 **22:1:** Ese 47:1, Sek 14:8 **22:1:** Esekiel 47:1; Sekaraia 14:8 **22:2:** Stt 2:9, Ese 47:12, Jol 3:18, Sek 14:8, MAA 2:7, 21:24, 22:14, 22:19

nguibar ekiar kamın tuavir torimın uaghiri. Ezi faner kamın miriamningın temer ikirimirir zurara itim anidiba vong ko vong sara tuivighav iti. Temer kaba 12plan iakinibar azeniba vaghvagha zurara dagheba be. Temer kabar dafariba, kantriba bar dar gumazamizibar amuti me ua ghuamaghegham. ³ Eghti bizir God bar aghuagha otohgeziba uamategh ikian kogham. God ko Sipsipin Nguzimin atrivir dabirabim, nguibar ekiar kamın ikiam. Eghti Godin ingangarir gumazamiziba an ingangarim damuam. ⁴ Egh me an guamin gantima, an ziam men guabar ikiam. ⁵ God en Ekiam, angazangarim gumazamizibar aningti, kamaghın dimagarim uam otivan kogham, eghti lam ko aruemin angazangariba ua ingangariba puvatigham. Eghti Godin gumazamiziba, me atrivibar min zurara iki mamaghira ikiam.

Iesus zuamiram otogham

⁶ Ezi enselin kam kamaghın miġia ghaze, “Akar kaba da bar guizbangira, eghti gumazamiziba niġhnizir gavgavim dar ikiam. Godin Ekiam, uan Duam an akam inigha izir gumazibagh aningizi,

22:2: Jenesis 2:9; Esekiel 47:12; Joel 3:18; Sekaraia 14:8; Akar Mogomem 2:7; 21:24; 22:14; 22:19 **22:3:** Ese 48:35; Sek 14:11; Stt 3:17, MAA 7:15 **22:3:** Jenesis 3:17; Esekiel 48:35; Sekaraia 14:11; Akar Mogomem 7:15 **22:4:** Sng 42:2, Mt 5:8, 1 Ko 13:12, 1 Jo 3:2, MAA 3:12, 14:1 **22:4:** Onger Akaba 42:2; Matyu 5:8; 1 Korin 13:12; 1 Jon 3:2; Akar Mogomem 3:12; 14:1 **22:5:** Ais 60:19, Dan 7:18, 7:27, 2 Ti 2:12, MAA 5:10, 20:6, 21:23-25 **22:5:** Aisaia 60:19; Daniel 7:18; 7:27; 2 Timoti 2:12; Akar Mogomem 5:10; 20:6; 21:23-25 **22:6:** MAA 1:1, 19:9, 21:5 **22:6:** Akar Mogomem 1:1; 19:9; 21:5

a men navir averiaba fema, me an akam akuri. Egha a uan ensel amadazi, ensel an ingangarir gumazamiziba bizir bar zuamirama otivamiba men akaghasa, izi.”

⁷ Ezi Iesus kamaghin migei:

“Ia orakigh.

Ki bar zuamira ia batogham.

Akinafarir kam, a datirighin ko gin otivamin biz-
ibar gun migeir akaba,
an aven iti.

Eghti gumazamizir akar kabar gin zuiba,
me bar akongegh!”

⁸ Ki Jon, ki bizir kabar gara egha akar kaba barasi. Ki dar ganigha egha da baregha, maghira enselin bizir kaba nan akazimin suemningin tevimning apirigha an ziam fasa. ⁹ Ezi a kamaghin na migei, “Ni mamaghin damuan marki! Ki uaghan, ni ko Godin akam inigha izir gumazamiziba, me nin adarasi, e bar ingangarir vamiram ami. Egha gumazamizir akinafarir kamın akabar gin zuiba, ki me ko ingangarir vamiram ami. God uabira, ni an ziam fi!”

¹⁰ Egha a kamaghin na migei, “God bizibar amuamin dughiam a bar roghira ize. Kamaghin amizi, ni datirighin ko gin otivamin bizibar gun migeir akar akinafarir kamın itim, ni

22:7: MAA 1:3, 3:11, 22:10-12, 22:20 **22:7:** Akar Mogomem 1:3; 3:11; 22:10-12; 22:20 **22:8:** MAA 19:10 **22:8:** Akar Mogomem 19:10 **22:10:** Dan 8:26, 12:4, 12:9, MAA 1:3, 10:4 **22:10:** Daniel 8:26; 12:4; 12:9; Akar Mogomem 1:3; 10:4

dar ghuangsighan marki. ¹¹ Gumazamizir arazir kurabagh amiba, me dar amu mangivira iki. Eghti gumazamizir arazir mizirizibagh amiba, me dar amu mangivira iki. Eghti gumazamizir arazir aghuibagh amiba, me arazir aghuibar amu mamaghira iki. Ezi gumazamizir God baghavira itiba, me Godin gumazamizibar ikivira iki.”

¹² Ezi Iesus kamaghin migei, “Ia orakigh, ki bar zuamira ia batogham. Ki izevir bar ia daningamim inigh izam. Egh gumazamiziba amir araziba bagh, ki vaghvagh iveziba ua me ikarvagham. ¹³ Kirara ki bar faraghavira ikia egh abuan ikivira ikiam. Egha ki biziba bar dar mingarim, egha ingangarir ki amiba ki uaghan bar a da gefi.

¹⁴ “Ezi gumazamizir uan korotiaba ruegha itiba, God ghaze, me temer ikirimirir zurara itim anidir kamın daghebar amiva, uaghan nguibar ekiar kamın tiar akabar aven mangam. Kamaghin amizi me bar akongegh. ¹⁵ Eghti gumazamizir arazir bar kurar mizirizibagh amiba ko, akuzibagh amua egha imezibagh amir gumaziba ko,

22:11: Ese 3:27, Dan 12:10, 2 Ti 3:13 **22:11:** Esekiel 3:27; Daniel 12:10; 2 Timoti 3:13 **22:12:** Sng 28:4, Ais 40:10, 62:11, Jer 17:10, Ro 2:6, 14:12, 2 Ko 11:15, MAA 2:16, 2:23, 20:12 **22:12:** Onger Akaba 28:4; Aisaia 40:10; 62:11; Jeremaia 17:10; Rom 2:6; 14:12; 2 Korin 11:15; Akar Mogomem 2:16; 2:23; 20:12 **22:13:** Ais 44:6, 48:12, MAA 1:8, 1:17, 2:8, 21:6 **22:13:** Aisaia 44:6; 48:12; Akar Mogomem 1:8; 1:17; 2:8; 21:6 **22:14:** Stt 2:9, 3:22, 1 Jo 3:24, MAA 7:14, 21:27, 22:2 **22:14:** Jenesis 2:9; 3:22; Akar Mogomem 7:14; 21:27; 22:2 **22:15:** Ga 5:19-21, Fl 3:2, Kl 3:6, MAA 21:8 **22:15:** Galesia 5:19-21; Filipai 3:2; Kolosi 3:6; Akar Mogomem 21:8

gumazamizir uari bakia akuiba ko, gumazamizibav sozi me ariaghirir gumaziba ko, gumazamizir asebar ziaba feba ko, gumazamizir bar ifavarir arazim gifongegha a gamiba, gumazamizir kaba bar moghira Godin nguibar kamın azenan ikiam.

¹⁶ “Ki Iesus, ki uan ensel amadazi a ia bagha iza, egha siosba bagha akar kamın gun me mikeme. Ki Atrivim Devitin ovavim. Kirara, ki aminim tiasava amir mikovezir bar puvira isim.”

¹⁷ Ezi Godin Duam ko Sipsipin Nguzimin amuim, aning ghaze, “Ekiam Iesus, ni izi!” Eghti gumazamizir uaghan akar kam baraghiziba, me uaghan kamaghin mikimam, “Ni izi!” Eghti gumazitam kuarim an pirti, a izi. Egh a dipam amisi, dipar ikirimirir zurara itim anidir kam puram a iningham, izeziba puvati.

Jon akar bar gavgavim gumazamizir akinafarir kamın itir akaba baraghizibagh anidi

¹⁸ Ki Jon, ki gumazamizir akinafarir kamın aven itir akam baraghizibav kimasa, akar kam a datirighin ko gin otivamin bizibar eghaghanim. Ki gumazamizir kaba pamtemin vaghvagha me migei, “Gumazitam akar igharazitam uam akar kam gisin a giviraghti, God a ikarvaghiva, arazir

22:16: Nam 24:17, Ais 11:1, 11:10, Sek 6:12, Ro 1:3, 2 Pi 1:19, MAA 2:28, 5:5 **22:16:** Diboboniba 24:17; Aisaia 11:1; 11:10; Sekaraia 6:12; Rom 1:3; 2 Pita 1:19; Akar Mogomem 2:28; 5:5 **22:17:** Sng 8:14, Ais 55:1, Jo 7:37, MAA 21:2, 21:6, 21:9 **22:17:** Aisaia 55:1; Jon 7:37; Akar Mogomem 21:2; 21:6; 21:9 **22:18:** MAA 15:1, 15:6
22:18: Akar Mogomem 15:1; 15:6 **22:18:** Godin Araziba 4:2; 12:32

bar kurar akinafarir kamın aven itim, God gumazir kamın ivezir kuram ua dagh iviragham. ¹⁹ Eghti gumazitam datirighin ko gin otivamin bizibar akar akinafarir kamın itibar tam adeghti, God an bizir aghuiba a dama da degham. Eghti a temer ikirimirir zurara itim anidimın daghetam aman kogham, egh God baghavira itir nguibar ekiamın ikian kogham. Nguibar ekiar kam, akinafarir kam an gun miği.

²⁰ Ezi Gumazir Bizir Kabar Gun Miğiir Kam, datirighin kamaghin miği:

“Bar guizbangira,
ki zuamira ia batogham.”

Guizbangira! Ekiam Iesus, ni izi!

²¹ Eghti Ekiam Iesusın apangkuvim, Godın gumamaziziba bar moghira me ko iki.
Bar guizbangira!

22:19: Sng 69:28, MAA 13:8, 22:2 **22:19:** Onger Akaba 69:28; Akar Mogomem 13:8; 22:2 **22:20:** Mt 16:27, 1 Ko 16:22, MAA 22:7, 22:12 **22:20:** Matyu 16:27; 1 Korin 16:22; Akar Mogomem 22:7; 22:12 **22:21:** Ro 16:20, 16:24, 2 Te 3:18 **22:21:** Rom 16:20; 2 Tesalonika 3:18

**Godin Eghaghanim: Akar Gavgavir Dikirizir
Ghurim ko Igiam**

**The Holy Bible in the Aruamu language of Madang
Province, Papua New Guinea, 2020 Edition**

**Buk Baibel long tokples Aruamu long Madang Provins
long Niugini long 2020**

copyright © 2020 Pioneer Bible Translators

Language: Aruamu

Translation by: Pioneer Bible Translators

Contributor: The Seed Company

GOD'S STORY in the Aruamu Language of Papua New Guinea

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

PDF generated using Haiola and XeLaTeX on 21 Feb 2024 from source files dated 29 Jan 2022

8f6beb37-6783-55d5-91ed-8321cc3f5eea